



Digitized by the Internet Archive
in 2018 with funding from
Getty Research Institute

BONIFACE, ET LE PEDANT

COMEDIE EN PROSE,

*Imitée de l'Italien de BRUNO
NOLANO.*



A PARIS,
Chez PIERRE MENARD, rue neuve
S. Louys proche le Palais, au
Bon Pasteur.

M. DC. XXXIII.
AVEC PRIVILEGE DV ROY.





AV LECTEUR.

En n'ay pas dessein de t'ennuyer d'un long discours, moy qui te donne cecy pour te desennuyer, ny de te dire beaucoup de choses de l'Autheur de cette Comedie, puisque de plus curieux & de plus habiles que moy t'en peuvent mieux entretenir. Tout ce que j'en sçay, c'est qu'il estoit un des plus grands Mathematiciens de son temps, comme ses liures de Mathematique en font foy, & (ce qui vient plus à nostre propos) qu'il fit imprimer à Paris cette Comedie sous le tiltre de C A N D E-
L A I O : Ceux qui l'auront leuë en son original, recognoistront aisément combien de choses il m'a falu retrancher,

Et ceux qui la regarderont de prez, telle qu'elle sort de mes mains, se douteront bien combien il en a falu changer. Les *Autheurs* qui s'attachent aux naïvetez de leur langue, & aux particularitez de leur nation, comme font principalement les *Comiques*, sont plus à imiter, qu'à traduire; Une trop grande fidelité m'eut rendu ridicule, & c'eut esté proprement en cette occasion qu'il se fut fait des *vices François*, de *vertus estrangeres*: Tu ne trouueras donc pas tousiours icy les mesmes choses, quoy que tu trouues le mesme subiet, non les mesmes rencontres, quoy que de semblables, mais plus modestes: en un mot, si quelque liberté, du moins point de libertinage. Adieu.

EXTRAICT DV PRIVI- lege du Roy.

LE Roy par ses Lettres patentes
données à Paris, le deuxiesme iour
d'Auril 1633. signees & sellées, a permis à
PIERRE MENARD, Marchand Libraire
à Paris & priuilegié de la Cour & suite
de sadite Majesté, d'imprimer ou faire
imprimer vn liure intitulé, *Boniface &
le Pedant*. Comedie en prose, & ce pen-
dant le temps & espace de cinq ans, à
conter du iour qu'il sera acheué d'im-
primer, faisant deffences à toutes per-
sonnes de l'imprimer, vendre ny debiter
d'autres que de l'impression dudit M E-
NARD, pendant ledit temps, à peine de
milliures d'amende, dommages & inte-
rests, comme plus à plain est porté esdi-
tes Lettres.

Signé

VIGNERON.

Acheué d'imprimé le 7. Auril 1633.

LES PERSONNAGES
de la Comedie.

BONIFACE , vieillard amoureux.

ASCAGNE, Valet de BONIFACE.

BARTHOLOMEE, souffleur d'Alchymie.

POLLVLA, Escolier.

LA COQVE, filou.

MAMPHVRIVS, Pedant.

LVCIE, Maquerelle.

BERNARD, Peintre.

SCARAMVRE, Magicien.

SANCY , Maistre souffleur d'Alchymie.

MARTHE, femme de BARTHOLOMEE.

OCTAVIAN, ieune homme.

VITTORIE, Courtisane Maistresse de BONIFACE.

LA BARRE, filou.

LA FONTAINE, filou.

LARIVIERE, filou.

MOCHION, Valet de BARTHOLOM.

KERVINE, femme de BONIFACE.

GONSALVE. Epicier.



P R E M I E R

Prologue.



ESSIEURS,

Pour vous en parler franchement , ie ne croy pas qu'il y ait d'aujourd'huy Comedie : Nos bagasses de femmes qui deuoient representer Vittorie & Kerubine se plaignent de ie ne sçay quel mal de mere ; Celuy qui deuoit faire Boniface est si yure , qu'il y a vingt-quatre heures qu'il n'a veu ne ciel ne terre , & quoy qu'on luy die , il est impossible de le tirer du liêt : pour moy ie deuois faire le Prologue ; mais ie vous iure qu'il est si fort embrouïllé , que depuis huiët iours que ie me tuë apres iour & nuïët , ie n'en ay pû ficher quatre paroles de suite dans ma teste : Si vous en connoissiez l'Autheur , (& ie croy , qu'il n'est pas loin d'icy) vous diriez à

A

voir ses yeux tristes & egarez qu'il est
toufiours dans la meditation des peines
de l'Enfer ; c'est vn homme qui rit seule-
ment du bout des leures , & pour faire
comme font les autres , qui ne se conten-
te de rien ; plus fascheux qu'une mule , &
plus hargneux qu'un vieillard de soixan-
te ans : & luy , & tous nos violons de
Poëtes & de Philosophes n'ont point de
plus grands ennemis que les richesses &
les biens , lesquels cependant qu'ils les
decrient , & qu'ils en font l'anatomie , &
la diuision dans leur ceruelle malotruë ,
s'enfuyrent d'eux de peur d'estre dechi-
rez , & s'en vont trouuer ceux qui les esti-
ment , & qui les maintiennent sains &
entiers ; de sorte qu'en suiuant cette ca-
naille là ie demeure toufiours si affamé ,
que s'il me faloit vomir ie ne pourrois
vomir que l'ame ! En vn mot j'ay resolu
de quitter le mestier , & de m'aller plu-
stost rendre Moine , & qui voudra faire
le Prologue le fasse.




S E C O N D

Prologue.

O V Diable est allé ce gros coquin, ce grenier à coups de poings, qui deuoit faire le Prologue ? Messieurs, la Comedie sera donc sans Prologue, mais c'est tout vn, parce qu'aussi bien n'estoit-il pas beaucoup necessaire : la matiere, le subiet, & les circonstances de la Comedie se representeront à vous avec assez d'ordre, sans qu'il les faille raconter par ordre. Cecy est vne sorte de toile qu'on ourdit, & dont on fait la tiffure tout à la fois. Considerez seulement avec attention qui va & qui vient, ce qui se fait, & ce qui se dit, comme il s'entend, & comme il se peut entendre, & ie m'affeure que contemplant ces discours & ces actions avec vn sentiment d'Heraclite, ou de Democrite, vous trouuerez beaucoup de subiect ou de

pleurer, ou de rire: vous verrez icy comme vn tableau racourcy de la vie humaine, & comme elle n'a rien d'asseuré ny de solide, assez d'affaires, beaucoup de deffauts, vn peu d'apparence, & rien de bon en effect, comme nous trompons ou sommes trompez, faisons le mal ou le souffrons: Et sur tout prenez vous bien garde de certains droles qui passeront icy assez souuent: ce sont des gens qui ne demandent que chappecheutes, & qui pourront bien tendre leurs rets iusques à vous: Mais ie pense oüy desia les personnages qui viennent.


Adieu.



ACTE PREMIER.

SCENE PREMIERE.

BONIFACE, ASCAGNE.

BON.  A t'en le trouuer tout à
cette heure, tout à cet-
te heure, & tafche de
me l'amener icy, va vi-
fte, & reuien tout court.

ASCAG. Le'pluftoft que ie pourray; en-
core qu'il vaille mieux vn peutard qu'un
peu mal, & qu'on fe depesche assez
quand on faict bien.

BON. Dieu soit loué, ie pensois
auoir seulement vn valet, & i'ay de plus
vn Docteur & vn Conseiller, & puis
dites que ie suis pauvre, Coquin ie te dy
que tu te haftes de luy aller dire ce que
ie t'ay dit, entends-tu?

A iij

ASCAG. Ien'y manqueray pas Monf.
iem'y en vay tout de ce pas.

SCENE SECONDE.

BONIFACE seul.

L'Art supplée au defaut de la Nature, Boniface, puisque donc tu ne sçauois faire en sorte qu'elle t'ayme, ou qu'au moins elle feigne de t'aymer, qui sçait si celle sur qui tes paroles, ton amour, ny ta contenance triste & desfaicte n'ont rien pû, ne se rendra pas à la secrette vertu de la Magie. I'ay tousiours oüy dire que cet art-là operoit des merueilles, qu'il faisoit rebrousser les fleues contremont, arrestoit le Soleil au milieu de sa course, arrachoit la Lune & les estoiles de leurs places, en fin du iour en faisoit la nuit, & de la nuit le iour : & quoy qu'on peust douter de tout cecy, il est bien vray pourtant qu'en ce qui regarde la passion d'amour, nous voyons tous les iours d'estranges effets de sa puissance. Ie laisse à part qu'on dit des merueilles de ce Scaramure : Mais

voicy vn de nos souffleurs d'Alchimie,
oyons vn peu ce qu'il apporte de nou-
veau.

SCENE TROISIEME.

BONIFACE.

BARTHOLOMEE.

BARTH. **C**Ruel Amour , comment
se peut-il faire que ton
Royaume estant si iniuste & si tyranni-
que subsiste si long-temps ? Pourquoy
souffres-tu que celle que i'adore me
fuye ? que ne la lies-tu à moy , comme
tu melies à elle , quelle sorte de laqs est-
ce cy , des deux l'vn est attaché à l'autre ,
cet autre ne laisse pas d'estre en toute
liberté.

BON. Helas ! à ce que ie voy ie ne
suis pas seul en cette peine.

BAR. Q'avez-vous Seigneur Bonifa-
ce ? aucz-vous pitié de ma peine ?

BON. Et de la mienne aussi : Je con-
noy bien que vous en tenez , ie vous
voy tout changé de visage. Je viens
d'ouyr maintenant vos plaintes , & ne

A iiij

descouure que trop vostre flamme à la lueur de la mienne, & comme celuy qui est touché de mesme passion, & peut estre pire, j'ay compassion de vous. Il y a desia long-temps que ie vous remarquois tout pensif, & tout retiré à part vous (ainsi qu'on me peut aisément voir aussi) ietter de profonds souspirs, & des œillades mourantes; Qu'est-ce-cy, disois-ie en moy-mesme, pas vn de ses parents ny de ses amys neluy est mort, il n'est point embrouillé de procez, il n'a rien à craindre ny à esperer, tout luy succede à souhait, ie sçay bien qu'il n'est pas trop trauaillé de la conscience, & le voyla toutesfois qui se plaint, & qui pleure; Sans doute donc qu'il est amoureux, sans doute donc que quelque humeur flegmatique, ou colerique, ou sanguine, ou melancolique (que sçais-ie moy laquelle est la plus propre à l'amour?) luy a monté à la teste, & maintenant que j'ay ouy ce que tu viens de dire, ie conclus asseurement que tu as l'estomach tout plein de ce miel empoisonné.

B A R. Ah! que ie suis trop cruelle-

ment pris par les regards : Mais ie m'estonne bien plus de vous Seigneur Boniface, que de moy, qui suis de deux ou trois ans plus ieune que vous, & qui ay pour femme vne vieille edentee qui est plus aagee que moy de dix ans ; là où vous en auez vne ieune de vingt-cinq ans, & peut estre des plus belles qui soient point dedans Paris, & cependant vous ne laissez pas de faire l'amour ailleurs.

BON. I'ay vescu fort long-temps sans auoir aucune connoissance de femmes, mais estant paruenue en vn aage où quelques poils blancs tesmoignans desia du deffaut dans l'humeur radicale m'auoient rendu d'une matiere plus combustible, ie commençay à deuenir amoureux de Kerubine qui m'enflama tellement que depuis i'ay tousiours esté comme vne estoupe seche, propre à prendre au premier feu.

BAR. Si son feu eut esté meilleur, & si i'eusse esté en sa place tu ne fusses pas seulement deuenue estoupe, mais tu eusses esté reduit en cendre.

BON. Laisse moy acheuer, & puis

6 B O N I F A C E,
dy ce que tu voudras.

B A R. Poursuis donc ta belle similitude.

B O N. Cette premiere flamme s'estant donc esteinte dans mon cœur, & moy n'estant plus qu'une estoupe, cet Avril dernier ie me sentis allumé d'un nouveau feu.

B A R. Ce fut iustement en ce temps-là que Petrarque deuint amoureux, & c'est aussi en ce tēps-là que les asnes commencent à dresser la queue.

B O N. Que dis tu?

B A R. Ie dy que ce fut iustement en ce temps-là que Petrarque deuint amoureux, & que c'est aussi en ce temps-là que les ames se dressent à la contemplation, parce que en Hyuer & en Automne les esprits se resserrent à cause du froid; l'Esté, ils sont dispersez par la chaleur, mais au Printemps ils se trouuent dans une mediocre & tranquille temperature, de sorte que l'entendement en est plus propre à la contemplation à cause d'une plus paisible disposition du corps, qu'il le laisse libre en ses operations.

B O N. Laissons-là ces Sophistique-

ries, & venons à nostre propos. En ce temps-là donc m'estant allé pourmener à Luxembourg, ie fus tellement navré des regards de la belle Vittorie, i'en fus tellement espris, & si estroitement lié de ses chaînes, que ie ne sçauois te dire où i'en suis, que l'Amour le dise luy mesme.

B A R. Ce petit Dieu nous surprend le plus souuent quād nous n'auons rien à faire, aussi vous prit-il comme vous estiez de loisir, à la pourmenade.

B O N. Que ie sçache à present le sujet de vos amours ; puisque ie vous ay descouuert les miennes, vous receurez quelque soulagement d'en discourir avec ceux qui ressentēt le mesme mal, si toutefois c'est vn mal que d'aymer.

B A R. *Nominatio* la Dame Argenterie me tourmente, la Dame Orelie m'afflige.

B O N. Que veut-il dire avec son *Nominatio* la Dame Argenterie me tourmente, la Dame Orelie m'afflige ?

B A R. *Genituo*. Ie n'ay soucy que de la Dame Argenterie, tous mes penfers sont de la Dame Orelie.

B O N. Le Chancre te mange, toy,

ton *Genitino* , & tes deux maistresses.

B A R. *Dativo*. Je porte de l'amour à la Dame Argenterie , tous mes souspirs vont à la Dame Orelie , à toutes les deux ie me recommande.

B O N. Me recommande à vous galanthomme , d'homme de bien ie croy que vous n'estes pas sage , entendez-vous ?

B A R. *Vocativo*. O Dame Argenterie , pourquoy m'abandonnes-tu , ô Dame Orelie , pourquoy me fuis-tu ?

B O N. Te puissent - elles tant fuyr que tu n'ayes iamais aucun bien , ny repos , va t'en au diable , tu es venu icy pour te mocquer de moy.

B A R. Et toy demeure avec ce petit Dieu qui t'a estropié de la ceruelle , au moins si tu en eus iamais , pour moy ie m'en vay songer aux moyens de gagner mes maistresses.

SCENE QUATRIESME.

BONIFACE seul.

Diable soit de la balourde : Mais voyez vn peu comme ce méchant m'a fait aisément declarer ce qu'il vaudroit mieux que i'eusse publié à cinquante autres personnes. Cela ne m'empeschera pas pourtant d'aller trouuer Lucie pour luy faire faire mon message. Je voy de certains droles qui s'esclatent de rire, n'auroient-ils point ouy ce fichu dialogue ? il est bien vray que l'amour & la colere ne se peuuent iamais cacher.

SCENE CINQUIESME.

LA COQVE. POLLVLA.

LA COQ. **H**A, ha, ha, le grand sot,
le gros Asne d'Arcadie,
voy comme avec ie ne sçay quel auant-

propos il s'est laissé tirer les vers du nez, comme il a confessé qu'il estoit amoureux, de quand, & de qui.

P O L. Je vous assure que quand il dit ses heures, il n'a qu'à retrancher cette priere *Domine labia mea aperies*.

LA COQ. Qu'est-ce à dire *Domino labiam aperies*?

P O L. Seigneur tu m'ouvriras la bouche, afin que ie puisse parler, & ie dy que ceux qui sont aussi prompts que luy à dire ce qu'ils sçauent n'ont que faire de cette priere.

LA C O Q. Tu as raison : mais aussi s'est-il repenty à la fin de sa promptitude, c'est pourquoy il ne luy en peut arriuer mal, parce que qui peche & amande sa faute par son repentir, est sauué.

P O L L. O voicy le reste de nostre escu, il ne nous quittera d'aujourd'huy qu'il ne nous ayt estourdis avec son Latin.

SCENE SIXIESME.

MAMPHYRIUS. LA COQVE. POLLVLA.

MAM. **B**Enè reperiaris, bona, melioris,
Optimaque indolis, adolescentu-
le, quomodo tecum agitur? ut vales?

POL. Benè.

MAM. Gaudio sanè, gratulorque satis,
si vales, benè est, ego quidem valeo. Ele-
gance Marci-Tullienne obseruée quasi
dans toutes ses missiues familiares.

POL. Domine Magister auez-vous
quelque chose à me commander? i'ay
des affaires avec Monsieur que voila, &
ne peux pas m'amuser plus long-temps
avec vous.

MAM. O frustra, incassum, tot exantlati
labores! O preceptes versez, tanquam in
dolio Danaidum, puisque eorum seruata ra-
tione, on n'en vse pas, in tempore & loco.
Cependant que ton precepteur t'inter-
roge cum celeberrimo apud omnes etiam bar-
baras nationes idiomate, demeurant dans
le commerce du vulgaire ignare, & des

grosses pecores, *abdicaris à theatroliterarum*, & me responds *in lingua vernaculâ*, & que tu as succee avec le laiët, *in cunabulis*, vel, *ut eruditius loquar*, *ἐν κοίταις* vos
Or sus *dic mihi quando vis dispuerascere*?

LA COQ. Maistre avec ce diable de langage, vous faites peur à tout le monde, & tout le mōde se mocque de vous.

MAM. Ouy si cette machine ronde, *tuis similibus esset conferta & confarcita*.

LA COQ. Que parlez-vous de farcy, dame faites qu'on vous entende, si vous voulez qu'on vous responde.

ALAM. *Vade ergo in infauſtam, nefas tamque crucem, sinistroque Hercule*, que distu de isto scelesto nebulone, *mi Pollula*? *Pollula receptaculum eruditionum mearum*, ne te moueant modò à nobis dicta, quia namque, *quandoquidem* (particule cause redditiva) je t'ay voulu faire participant de cette façon obiurgatoire, avec laquelle tu peusses quelque iour reprendre elegamment tes disciples, si Dieu te fait la grace d'en auoir quelques-vns sous ta verge.

POL. Bon pour cela, mais il me la faloit faire plus à propos, & avec plus de raison.

MAM.

M A M. Mon amy, la cause de mon excâdescence est venuë de ce que vous avez dit, ie ne peux pas m'amuser plus long-temps avec vous, *debuisses dicere, vel elegantius (infinitiuo antecedente subiunctiuum) dicere debuisses, excellentia, eruditione tua non datur diutius frui, non conceditur mihi cum tuis dulcissimis Musis otî,* puisque dire avec vous en parlant à vn seul, c'est faire vne incongruité selon le Latin, & vne inciuité en parlant à vostre Superieur & Maistre.

LA COQ. Voyez comme va le monde, vous voila tous deux d'accord, & ma paix n'est pas encore faite. De grace *Domine Magister* demeurons aussi bons amis; car bien que ie ne sois plus d'aage à estre sous vostre verge, ie veux dire à estre vostre disciple, ie pourray bien peut estre vous seruir en d'autres choses

M A M. *Nil mihi vobiscum.*

LA COQ. *Et conspirtu tuo.*

M A M. Ah comment cher Pollulat'es tu associé d'un tel homme?

LA COQ. Tel qu'il est, il est tout à vostre seruice, montres-honoré Seigneur & Maistre.

MAM. Son esprit me semble assez disciplinable & mieux morigeré que ie ne pensois , parce qu'il me donne des Epithetes fort ciuils & idoines.

La Coq. Tres-docte Seigneur & Maistre , vous plaist-il nous donner congé d'aller trouuer le sieur Bernard Peintre?

MAM. Allez donc *faustis alitibus*: mais qui est celle-là, *qua mihi venit obuiam cum calatho in brachijs*, vna muliercula quod est per ethymologiam, *mollis Hercules*, oppositis iuxta se positis. O la belle ethimologie & tout sur le champ, *è proprio Marte deprompta*. Ie m'en vay tout de ce pas en mon estude la noter en lettres maiuscules *in meo propriarum elucubrationum libro*. Nulla dies sine linea.

SCENE SEPTIESME.

LUCIE seule.

IE suis ma foy si lasse que ie n'en puis plus, il me faut vn peu reposer. I'ay toute la nuit passée fait la sentinelle, en-

core que j'aye assez bien vëdu ma peine,
 & me suis repeuë de la fumee du rost, tã-
 dis que les autres estoient apres la vian-
 de, de sorte que ie ressemble au rognon
 qui demeure maigre & sec au milieu de
 la graisse. Or faisons maintenant autre
 chose : cependant que ie suis en vn lieu
 où ie ne puis estre apperceuë, ie veux
 voir quel beau present le sieur Boniface
 enuoie à sa Maistresse Vittorie. Voicy
 des raisins cuits au four, au dessous quel-
 ques confitures seches, & au fonds vn
 papier, peut estre le memoire de ce qu'il
 luy enuoye, & par mon ame ce sont des
 vers, quoy nostre fou d'amoureux se-
 roit il aussi deuenu Poëte? si faut-il que
 ie les lise.

SONNET.

*Tu m'as de ta beauté seru tres-fort le cœur,
 Et dans l'ame imprimé vne vaine douleur,
 Et si tu ne me crois prends garde à ma couleur:
 Je t'aime plus que pas vn auecque tout hōneur,
 Mais ie crains grandement de ta fiere rigueur.
 Doncques que ton esprit estant du mien vain-
 queur
 Me traite s'il luy plaist ainsi qu'un bon Sei-
 gneur,*

*Je te supplie d'auoir pitié de ma langueur,
Et comme ton visage estre de douce humeur :
Mais Vittorie excuse si de cecy l'authœur,
Boniface n'osa en estre le porteur,
Il a crainct de vos yeux la brillante splendeur,
De vos yeux dont il est l'eternel Seruiteur,
Et pour qui il oublie & pere & mere & sœur.*

La riche conclusion que voila! les subtiles cōceptions! ie ne me cōnois nō plus en vers que luy : mais s'il m'est permis de iuger de ceux-cy , i'en diray deux choses, la premiere , que la plus part de ces vers plus grands qui ne faut, ressemblent aux chenilles qui ne sçauroient quasi marcher à force de pieds ; l'autre que ie croy qu'ils ont esté faits au son d'une cloche ou du braire d'un asne, qui tombent tousiours dans la mesme consonance; mais ie veux me retirer encore plus à l'escart pour prédre la disme d'un si beau present, car c'est bien la raison que ie profite aussi de la sottise de nostre amoureux.

SCENE VIII.

BONIFACE seul.

C'Est sans doute que le pouuoir d'amour est bien grand, où Diable ay-ie pris ce que j'ay escrit, ie n'appris iamais à faire pied de vers, & si Dieu sçait comme i'en fais à present; où vit-on iamais sonnet semblable au mien, dont tous les vers depuis le premier iusqu'au dernier tombent en la mesme rithme, qu'on lise tout Ronfard, qu'on lise Desportes, ie desfie tout le monde d'en trouuer vn pareil. Ah! douce ennemie, ie croy qu'à cette heure tu l'as leu, & en as penetré le sens, & si tu n'as le cœur d'une Tigresse, ie suis assuré que d'oresnauant tu ne feras pas si peu de cas de ton Boniface : Mais voicy venir le sieur Bernard.

B iij

SCENE IX.

BERNARD. BONIFACE.

BER. **I**E vous donne le bon soir seigneur Boniface, qu'avez-vous faict aujourd'huy de bon ?

BON. Ce que ie n'auois iamais fait en tout le temps de ma vie.

BER. Vous dites là de grandes merueilles, feroit-il possible que ce que vous avez faict aujourd'huy vous l'eussiez fait hyer, ou quelque autre iour, ou vous, ou qui que ce fut, ou qu'en tout le temps de vostre vie vous eussiez pû faire ce qui auoit esté vne fois fait ? ainsi ce que vous fistes hyer, vous ne le ferez iamais plus, ny moy ie n'ay iamais fait le portrait que i'ay fait aujourd'huy, & il est impossible que ie le fasse iamais plus, si fait bien quelque autre.

BON. Or laissons là ces subtilitez, à propos de portraict avez-vous veu celuy que i'ay fait faire pour moy ?

BER. Ie l'ay veu & reueu.

BON. Que vous en semble?

BER. Il est vraiment bon, il vous ressemble vn peu plus qu'à moy.

BON. Quoy que c'en soit, i'en veux auoir vn autre de vostre façon.

BER. Que vous voulez donner à quelque maistresse, pensez, qui le gardera pour l'amour de vous?

BON. Vous suffise, i'ay d'autres choses dans la teste.

BER. Seigneur Boniface ie vous promets d'y trauailler quand il vous plaira.

BON. Vous m'obligerez, mais ie vous supplie de me flatter vn peu, entendez-vous.

BER. Ce n'est pas le moyen d'estre bien seruy que de commander tant de choses à la fois, vouloir estre peint ou estre fardé, ce sont deux, & il y a beaucoup de difference entre demander vn beau tableau, ou le vostre.

BON. De grace mettons la raillerie à part, & promettez moy de faire quelque chose de bon, car i'iray deuant qu'il soit peu vous trouuer en vostre logis pour ce subiet.

BER. Venez quand il vous plaira, & ne doutez point que ce que ie contribu-ray de mon costé ne soit bon, taschez seulement à faire aussi bien du vostre. Adieu.

BON. Dieu vous doint ce que vostre esprit desire, Seigneur Bernard.

BER. Et à vous ce qui manque au vostre, Seigneur Boniface.

SCENE X.

BONIFACE seul.

ET à vous ce qui manque au vostre, Seigneur Boniface; ne voudroit-il point dire que ie fusse fou, d'homme de bien, ie ne rencontre aujourd'huy que des extrauagans : mais voicy venir Ascagne avec Scaramure.

S C E N E X I.

SCARAMVRE , ASCAGNE , BONIFACE.

SCAR. **V**Ous soyez le bien trouué,
Seigneur Boniface.

BON. Et vous le bien venu, Seigneur Scaramure, l'esperance de ma vie passionnee.

SCAR. *Signum affecti animi.*

BON. Helas ! si vous ne remediez à mon mal, ie suis mort.

SCAR. Vous estes donc amoureux à ce que voy.

BON. Il est vray cela, ie suis amoureux, Seigneur Scaramure.

SCAR. Autant que ie puis conneestre par vostre Physionomie, & par la computation des lettres de vostre nom, la planette dominante à vostre natiuité fut *Venus retrograda in signo masculino, & hoc fortasse in geminibus vigesimo septimo gradu*, ce qui signifie vne certaine mutation & conuersion de vostre vie en l'aage de quarante-six ans auquel vous estes maintenant.

BON. Je ne me souvien pas bien iustement du temps de ma naissance, mais selon ce que j'ay ouy dire à d'autres, j'ay quelques quarante-cinq ans ou environ.

SCAR. Je feray vne exacte computation des ans, des mois, & des heures, quand i'auray pris avec le compas la proportion de la latitude du maistre ongle avec la ligne vitale, & la distance qu'il y a du sommet du doigt annulaire au centre de la main où est designé l'espace de Mars: mais pour cette heure il suffit d'en auoir fait vn iugement vniuersel, dites-moy quand vous fustes épris de son amour, en quelle situation estoit elle? à droict, ou à gauche?

BON. A gauche.

SCAR. Tant pis, nous en aurons plus de peine, deuers le Midy, ou le Septentrion, l'Orient, ou l'Occident?

BON. Deuers le Midy.

SCAR. Il faut donc inuoquer les Septentrionaux. Suffit, suffit, ie veux agir icy par Magie naturelle, reseruant à vne plus grande occasion les superstitions d'une science plus cachee.

BON. Faites en sorte que ie vienne

à bout de mon dessein , & soit comme il vous plaira.

SCAR. Ne vous souciez de rien, laissez-moy faire seulement. Cecy s'est fait par fascination.

BON. Qu'est-ce à dire par fascination ? vous me faites bien peur.

SCAR. Mon amy , vostre mal est venu de l'auoir regardée lors qu'elle vous regardoit.

BON. Il est vray cela , mais qu'appellez-vous fascination ?

SCAR. La fascination se fait par la vertu d'un esprit lucide & subtil , engendré de la chaleur du cœur , & du sang le plus pur , lequel à la façon de quelques rayons jaillissant des yeux ouverts qui contemplent vne chose avec vne forte imagination, & venant à frapper la chose regardée paruient iusques au cœur , où il imprime vne passion d'amour, ou de hayne, d'enuie, ou de melancholie , ou quelque autre genre semblable de qualité passible : Or la fascination d'amour arriue lors que par de frequents regards, ou mesme par vn seul & instantanee, mais qui soit fort,

& pour ainsi dire ramassé vn œil se rencontre avec l'autre & reciproquement vn rayon visuel avec l'autre. Lors les esprits se ioignent ensemble, & le plus fort venant à repousser l'inferieur, les yeux estincellent par la penetration qui se fait pour aller aux esprits internes qui s'ont attachez au cœur, & ainsi s'excite l'embrasement d'amour. C'est pourquoy qui craindra d'estre fasciné se doit biē tenir sur ses gardes, & se défier de ses yeux, lesquels en amour principalemēt sont les fenestres de l'ame: d'où vient ce precepte, *Auerte, auerte oculos tuos*; & cette sentence, *Amor intrat per fenestras*. Suffise de cecy pour le present, nous nous reuerons vne autrefois plus à loisir, il me faut aller prouuoir aux choses necessaires.

B O N. Monsieur, si vous conduisez l'affaire à son but, vous verrez que vous n'aurez pas obligé vn ingrat.

S C A R. Seigneur Boniface, sçachez que ie desire premierement vous contenter, & cela fait, si vous ne me contentez, vous serez au moins obligé de le faire.

B O N. Commandez-moy quelque

chose, car ie vous suis tres-affectionné
& espere beaucoup de vostre prudence.

2. ASCAG. Or sus, à nous reuoir tous
trois vne autrefois. A dieu.

BON. Sortons d'icy, car ie voy venir
l'homme de la terre qui m'est le plus à
contre-cœur, ie veux euitier l'occasion
de parler à luy. Je vous iray trouuer,
Seigneur Scaramure.

SCAR. Venez, car ie vous attendray.
A dieu.

SCENE XII.

SANCY, BERNARD.

SANCY. **C**Est ainsi qu'il faut faire
l'operation suiuant la
doctrine d'Hermes & de Geber. La
matiere de tous les metaux c'est Mer-
cure, le plomb appartient à Saturne, &
Iupiter l'estain, à Mars le fer, au Soleil
l'or, à Venus le bronze, à la Lune l'ar-
gent, & le vif argent s'attribuë particu-
lierement à Mercure, & entre dans la
substance de tous les autres metaux : De
tous ces metaux Mercure Trismegiste

appelle le Ciel, le pere; & la Terre, la mere, & dit que cette mere conçoit quelquesfois dans les montagnes, quelquesfois dans les vallees, d'autresfois dans les campagnes, quelquefois dans la mer, & d'autresfois dans les antres, & dans les abysses, & ie vous ay declaré ce que signifioit cet ænigme. Le tres-docte Auicenne en l'Epistre qu'il escript à Hazez, affirme que la matiere de tous les metaux, comme aussi le souffre se treuve dans le sein de la terre, laquelle opinion ie prefere à celle d'Hermes qui veut que la matiere des metaux soit dans tous les Elemens, & ie condamne avec Albert le Grand l'opinion que les Alchimistes attribuent à Democrite; que l'eau calcinee, c'est à dire l'eau forte, est la matiere de tous les metaux. Et aussi peu sçauois-ie approuver celle de Gilgile en son liure des secrets, où il pretend, *metallorum materiem esse cinerem infusum*; Parce qu'il voyoit que *cinis liquatur in vitrum, & congelatur frigido*, laquelle erreur va refutant subtilement à son ordinaire Albert le Grand.

BER. Tous ces diables de raisonne-

mens-là ne me conuainquent en façon du monde l'intellect. Je voudrois voir l'or effectif, & que vous allassiez mieux vestu que vous n'estes pas. Je m' imagine que si vous sçauiez faire de l'or, vous ne vendriez pas la recepte pour en faire, mais que vous la mettriez en pratique, & qu'au lieu que vous faites de l'or pour vn autre, en luy faisant voir l'experience de ce que vous dites, vous en feriez pour vous mesme, afin de n'auoir point besoin de vendre vostre secret.

SAN. Vous m'avez interrompu, vous figurez-vous qu'il n'y ait que vous de sage au monde, & que vous ayez apporté vn argument inuincible contre moy; quand ie songe aux precautions dont Bartholomee s'est seruy en mon endroit, ie le tië pour le moins aussi fin que vous pensez l'estre. Et il sçait bien comme on m'a volé sur les chemins en reuenant d'Orleans.

BER. Il le sçait, parce que vous luy avez dit.

SAN. Et que n'ayant pas les moyens d'achepter les simples & les mineraux qui sont requis aux operations, i'ay esté

contraint de faire ce que vous sçauuez.

B E R. Vous deuiez mieux faire, il falloit sous bonne caution se faire auancer les simples & les mineraux, à la charge de rembourser de la moitié du gain celuy qui les auroit auancez : car de cette façon il y eut eu presse à vous secourir, & cet or que vous cherchez dans nos bourses, vous auroit esté fourny de vostre fourneau, sans aller ainsi quaymandant d'un costé & d'autre.

S A N. J'ay mieux aymé faire comme j'ay fait, car que m'importera-t'il mais que ie sois mort, que tout le monde sçache faire de l'or ? que m'importera-t'il que tout en soit plein ?

B E R. J'apprehende que desormais l'argent & l'estain ne soient plus chers que l'or.

S A N. Il faut que vous sçachiez que dès que Bartholomee eut ma recepte entre les mains, & qu'il sçeut comme il falloit faire l'operation, luy-mesme enuoyoit son garçon chez l'espicier querir ce qu'il falloit, luy-mesme estoit present à tout ce qui se faisoit, luy-mesme faisoit tout, & vouloit seulement que ie
luy

luy disse faites ainsi, ne faites pas cela, mettez là, ostez cecy, de sorte que à la fin tout transporté de ioye, il trouua l'or tres-pur & raffiné au fonds du creuset bien luté, *luto sapientiæ*. Et ainsi tres-assuré il m'a payé pour le secret les six cens escus, dont nous estions tombez d'accord.

BER. Or puis que vous avez bien fait vne chose, vous en ferez bien encore vne autre.

SCAR. Quelle?

BER. Maintenant qu'il est dans la misere où vous estiez, & qu'il n'a plus ses six cens escus, & que vous estes dans les commoditez où il estoit, comme vous avez changé de fortune, changez aussi de manteau & d'habits, car en fin cela n'est nullement raisonnable qu'il aille vestu comme il est, & que vous soyez fait comme vous voyla.

SAN. Oh, oh, vous vous mocquez toujours.

BER. Je me donne au diable, si ie me mocque, la premiere fois que ie vous verray tous deux ensemble, ie me mettray à crier, Sancy voicy ton manteau,

& toy Bartholomee voyla le tien : Mais dites-moy galant homme , parlons en amy , ne luy auriez vous point ioué le tour que fit vn autre ?

SAN. Quel tour ?

BER. Je vous le diray. Il fit vn trou dans vn petit morceau de bois, & y renferma de la poudre d'or , puis le noircit par dehors comme vn autre charbon, & quand il en fut temps le tira adroicte-ment hors du sac , & portant la main sur les charbons qui estoient dans le fourneau , il mit son faux charbon en vn endroit ou par la force de la chaleur du feu , estant bien-tost reduit en cendre sa poudre vint à distiler.

SAN. Dieu me sauue si iamais i'ouy parler d'vne telle supercherie. Que ie trompasse moy , ou que Bartholomee peust estre trompé ? Or ie croy qu'il auoit entendu parler d'vne telle fourbe : Car non seulement il n'a iamais voulu que ie touchasse à rien , mais de plus il a voulu que ie me tinssse assis loin du fourneau , la premiere fois que l'operation se fit en ma presence pour examiner ma recepte , & la seconde fois il

voulut estre seul, n'ayant que ma recepte pour le conduire, de sorte qu'apres qu'il en a fait double experience en peu de matiere, & avec peu de frais, il est maintenant resolu à vne grande despence, & à beaucoup semer pour faire vne ample recolte.

BER. Comment il a augmenté les doses de chaque chose?

SAN. Tellement augmenté que de la premiere operation il doit tirer cinq cens escus comme vn double.

BER. Cinq cens escus comme vn double, ie le croy, autant l'vn que l'autre, à dieu, à dieu, nous le verrons.

SAN. A dieu, ie voy bien que vous vous contentez de croire les articles de foy.

SCENE XIII.

SANCY seul.

SI Bartholomée eust esté aussi matois que celui-cy, i'eusse en vain tendu mes rets en ce pays; Or sus ce n'est pas

tout, il ne me faut pas effaroucher l'oiseau apres qu'il est pris : Je ne croiray iamais bien tenir ses escus, ny ne penseray iamais qu'ils soient bien à moy que ie ne sois hors du Royaume. I'ay donné ordre à la poste, & tout à cette heure-cy ie m'en vay partir, ie n'ay que faire de mes hardes, lors que mon hoste ouurira ma valise qui est chez luy, il n'y trouuera pas la pierre philosophale, mais de bons gros cailloux, & iugera que le dehors vaut mieux que le dedans; ie croy qu'il n'attendroit plus gueres à conter & à me demander de l'argent. Et puis il me faut bien garder de demeurer icy iusques à ce que Bartholomée enuoye querir de cette poudre. Je m'imagine voir sa femme. A dieu, Je n'ay pas besoin qu'elle me voye ainsi botté, & si prest à partir.

SCENE XIV.

MARTHE seule.

IE croy que Satan , Belzebuth , & tous les diables d'Enfer le prendront pour compagnon , & pour attiser le feu qui brule les damnez. Sa face ressemble celle d'un Charbonnier ou d'un Forge-ron. Les poissons ne sont point si aises dans l'eau , que luy de s'enfumer tout le long du iour aupres de ses charbons ardants , & puis il me vient voir avec ses yeux aussi rouges & rostis que ceux de Lucifer : il est bien vray ce qu'on dit qu'il n'y a rien de si penible que l'amour ne rende non seulement facile, mais aussi agreable. Celui cy pour s'estre mis en la teste qu'il trouueroit la pierre philo-
phale en est deuenu si passionné que les viâdes luy sont à degoust; Sa plus grâde inquietude c'est d'estre au liêt, il trouue tousiours la nuit trop lōgue; cōme ces enfâs qui auroiēt quelque robbe neuue à vestir le lendemain. Toute autre chose

l'ennuye , & tout autre temps luy semble mal employé : son Paradis , c'est son fourneau , ses diamans & pierres precieuses , ce sont les charbons estincellans , ses Anges ce sont ces soufflets qui sont attachez autour , & qui en se leuant & s'abbaisant luy semblent battre des aisles. N'agueres pour decouvrir ce qu'il faisoit , ie regardois par le trou de la serrure , & ie le vy couché sur vne chaire , les iambes estenduës d'un costé & d'autre , & considerant les solives de son plancher , ausquelles apres auoir branlé trois fois la teste , il dit , ie vous feray lambrisser tout d'or massif , puis ie ne sçai ce qu'il barbotoit en regardant ses cofres , ma foy , ce fis-ie à part moy , ie pense qu'au train que tu prends , ils ne seront de long-temps pleins de pistoles. Mais voicy venir la Coque.

SCENE XV.

LA COQUE. MARTHE.

LA COQ. **C**haudronnier , chaudronnier , noir à noircir , du noir.

MAR. Es-tu devenu fou la Coque de chanter ainsi en pleine rue ?

LA COQ. Je suis devenu serviteur , disciple & compagnon de vostre mary , lequel est à present Chaudronnier ou vendeur de noir à noircir ; si vous ne m'en croyez , regardez son visage & ses mains , que diable fait-il ? ne le pendez-vous point à la cheminee en guise d'une langue de bœuf , ou d'un haran foret ?

MAR. Helas ! il me fera monstrier au doigt , me voila devergondée , va luy tenir ces propos & non pas à moy .

LA COQ. Il ne fait pas trop peur de s'approcher des foux .

MAR. Va t'en dōc à la malheure , ie ne veux point non plus m'accoster de toy .

LA COQ. Allez , allez Mademoiselle , aprochez-vous de luy , si vous aymez à manger salé .




A C T E

S E C O N D

SCENE PREMIERE.

OCTAVIAN, MAMPHYRIUS, POLLVLA.

OCT.  Maître comment vous nommez-vous ?

MAM. Mamphurius.

OCT. Quelle est vostre profession ?

MAM. *Magister artium, moderator puel-
lulorum, puberum, adolescentulorum, eorum
qui adhuc in virga in omnem valent erigi, fle-
cti, atque duci partem, in flore, non in semi-
ne degentium, lenium malarum, succiplen-
larum carniū, recentis naturæ, nullius ru-
gæ, lactei halitus, roseorum labellulorum,
linguæ blandula, mellite simplicitatis, cla-
ros habentium ocellos.*

OCT. O le gentil Maître, le galant

homme, le braue Architriclin des Muses!

M A M. La belle application.

O C T. Patriarche du chœur Apollinifique.

M A M. *Melius diceretur Appolonien.*

O C T. Trompette de Phœbus , de grace que ie te baïse à la iouë gauche, car ie ne suis pas digne de baiser cette bouche confite de tant de miel.

M A M. Qu'elle n'enuie pas à Iupiter son nectar ny son ambrosie.

O C T. Cette bouche, dis-ie, qui crache de si diuines sentences, & tant de diuerfes phrases & si inouyes.

M A M. *Addam & plura. In ipso ætatis limine, in ipsis vitæ primordiis, in ipsis negotiorum huius mundialis seu Cosmice architecture rudimentis, in ipso ætatis vere,*

O C T. O Maistre vraye source Cabaline, & de grace ne me faites pas mourir de plaisir, que ie n'aye au moins confessé mes pechez, n'en dites pas dauantage ie vous prie, car vous me feriez pâlir.

M A M. *Silebo igitur ne te opprimat gloria*

maiestatis, comme il arriua à cette miserable dont Ouide fait mention dans ses Metamorphoses, à qui les Parques auares couperent le filet de la vie, lors qu'elle vit Iupiter enuironné de toute sa Majesté foudroyante.

O C T. Et de grace ie vous en coniure encore vne fois, par ce Mercure qui vous inonde d'un fleuve d'eloquence.

M A M. *Cogor morem gerere.*

O C T. Ayez pitié de moy, & ne me lancez plus de ses traits qui me font sortir hors de moy-mesme.

M A M. *In Ecstasim profunda trahit ipsum admiratio. Tacebo igitur, de ijs haftenus, nil addam, multi pisces, tantum effatus vox faucibus haesit.*

O C T. Seigneur Mamphurius, doux torrent d'eloquence, mer seraine de doctrine.

M A M. *Tranquillitas maris, serenitas aëris.*

O C T. N'avez-vous point sur vous quelque vne de vos belles compositions, parce que ie brule d'enuie & d'impatience d'en voir.

M A M. Ie croy, Monsieur, que *in toto*

vita curricula, vous n'avez point rencontré de vers de semblable metrie, c'est à dire si bien adaptez & ajancez que sont ceux que ie m'en vay vous monstrier.

OCT. Quelle en est la matiere?

MAM. *Litera, Syllaba, dictio, & oratio, partes propinqua & remota.*

OCT. Je demande quel en est le subiet.

MAM. Vous voulez dire *de quo agitur, materia de qua, circa quam*, c'est la gourmandise & voracité de ce frippon de la Coque, vray portraiët de Philoxene, *qui collum gruis exoptabat*, & de tous ses pareils, associez, adherents & collateraux.

OCT. Vous plaist-il que ie les entende?

MAM. *Lubentissimè. Eruditis non sunt operienda arcana.* Voila que ie tire le papier, *propriis elaboratum & delineatum digitis*: mais ie veux que vous notiez qu'à l'imitation d'Ouide qui a descrit avec force epithetes le sanglier Calydonien *libro metamorphoseôn octavo*, ie vay dechi-
frant ce pourceau domestique.

OCT. Lisez promptement ie vous prie.

MAM. *Fiat. Qui citò dat , bis dat.
Exordium ab admirantis affectu.*

O sale porc inutile à la vie

Dont on ne peut voir la panse assouvie

Qui ne sçaurois faire de ton groüin

Sinon tousiours oüin , oüin , oüin ,

Vil animal qui sans cesse te roüe

Dedans la bourbe ou bien dedans la bouë ,

Ton ame en rien ne te sçauroit servir

Sinon au corps d'empescher de pourrir.

Que vous en semble , au moins si vous
vous y connoissez ?

OCT. Sans doute , pour venir d'un
homme de vostre profession ie les trou-
ue fort considerables.

MAM. Dites que ces fruits cueillis des
meilleures plantes que la montagne
d'Helicon ait iamais produites , & ar-
rousez de la fontaine de Parnasse , &
cultiuez de la main sacree des Muses,
doiuent estre iugez d'une profonde per-
scrutation *sine conditione & absolue*, & que
vous semble de ces façons de parler,
vous ne m'admirez plus comme aupa-
rauant.

OCT. Iedy que tout ce que j'ay ouy
est remply de tres-belles & tres-subtiles

conceptions : Mais ie vous prie auez vous mis beaucoup de temps à faire ces vers?

M A M. *Non.*

O C T. Vous estes vous fort trauaillé apres?

M A M. *Minimè.*

O C T. Les auez-vous faits & refaits?

M A M. *Nequaquam.*

O C T. Corrigez & recorrigez?

M A M. *Minimè gentium, non opus erat.*

O C T. Les auez-vous pris adroïctement, pour ne pas dire derobez à quelque Auteur?

M A M. *Neutiquam, absit verbo inuidia. Dij auertant, ne faxint ista superi.* Vous voulez estre trop informé de mon erudition, croyez-moy que ie n'ay pas esté peu abreuué de la fontaine Caballine, & que *de cerebro nata Iouis*, ie veux dire la chaste Minerue, à laquelle on attribué la sagesse, ne m'a pas peu infus de sa sainte liqueur. Sçachez que ie ne serois pas moins heureux & resolutif à vous respondre en particules affirmatiues. Ie ne les ay pas encore toutes oubliées. *Sic, ita, etiam, sanè, profectò, ve-*

rum, certè, procul dubio, maximè, cui dubium? Vtique, quidni? mehercle, adepot, mediùs-fidiùs, & cætera.

OCT. De grace adioustez-y en encore quelqu'une.

MAM. *Dij auertant, parce que facta enumerationis clausula non est apponenda unitas.*

OCT. De toutes ces particules affirmatiues, laquelle vous plaist le plus?

MAM. *Vtique me reuient assez, mea-que inhæret menti.*

OCT. Des negatiues, laquelle vous plaist dauantage?

MAM. *Ce nequaquam est mihi cordi, & me satisfait extremement.*

OCT. Or interrogez-moy maintenant.

MAM. Seigneur Octauian mes vers vous plaisent-ils?

OCT. *Nequaquam.*

MAM. Comment *nequaquam*, ne sont-ils pas fort bons?

OCT. *Nequaquam.*

MAM. *De negationes affirmant*, deux negations affirment, vous voulez donc dire qu'ils sont bons.

OCT. *Nequaquam.*

MAM. Vous vous mocquez.

OCT. *Nequaquam.*

MAM. Quoy vous le dites tout de bon?

OCT. *Vtique.*

MAM. Vous faites donc si peu de cas que cela de ma Minerue?

OCT. *Vtique.*

MAM. Vous estes mon ennemy & me portez enuie, d'abord vous admiriez mon eloquence, & maintenant *ipso lectionis progressu*, vostre admiration est metamorphosee en enuie.

OCT. *Nequaquam.* Comment enuie, comment ennemy? ne venez-vous pas de dire que ces mots vous agreoiēt fort?

MAM. Vous vous iouiez donc, & le dites *exercitationis gratia*?

OCT. *Nequaquam.*

MAM. *Dicas igitur sine simulatione & furo*, mes vers ont-ils quelque enormité & rudesse?

OCT. *Vtique.*

MAM. Vous le croyez tout ainsi que vous le dites?

OCT. *Vtique, sanè, certè, equidem, vtique, vtique.*

M A M. Je ne veux pas m'arraisonner
dauantage avec vous.

O C T. Si vous ne pouuez souffrir
d'ouyr ce que vous dites qui vous plaist,
que seroit-ce si ie disois quelque chose
qui vous depleust? Adieu.

M A M. *Vade, vade.*

S C E N E I I.

M A M P H V R I V S, P O L L U L A.

M A M. **A** *Desdum* Pollula, astu pris
garde au naturel de cet
homme qui sort à present d'avec moy?

P O L L. Au commencement il se moc-
quoit de vous d'une forte, & à la fin il
vous en a donné d'une autre.

M A M. Ne penstes tu pas que cela pro-
cede de l'enuie que les ineptes & igno-
rants portent à nous autres qui sommes
sçauans?

P O L L. Je le veux croire pour ce que
vous estes mon maistre, & pour vous fai-
re plaisir.

M A M. *De ijs haectenus missa faciamus*
hac

hæc: Or ie m'en vay tout de ce pas me servir des armes de Minerue contre cet Octavian, & comme ie luy ay fait entendre les epithetes du porc en la personne d'un autre, ie veux qu'il entende ceux d'un inepte iuge de la doctrine d'autrui en sa propre personne. Tenez voila vne epistre amatoire que i'ay faite à l'instance de Boniface, lequel pour gratifier sa Glycerem'a prié de luy composer quelque missiue incendiaire, allez & luy donnez secretement de ma part, & luy dites que ie suis occupé en quelques affaires, *circa meum ludum literarium*. Ego quoque hinc pedem referam, par ce que ie voy approcher deux femmes de quibus illud, *Longe fac à me*.

POLL. *Salve domine præceptor.*

MAM. *Faustum iter, dicitur vale.*

SCENE III.

VITTORIE ET LUCIE.

VITT. **L**A grande bestise que ie decouvre en luy fait que ie l'ayme, car elle me donne esperance
D

que nous ne perdrons pas le temps à l'auoir pour amant, & ce nom mesme de Boniface ne promet rien que de bon.

L v c. Il n'est pas de ces foux qui le sont deuenus par vne trop grande seche-
resse de cerueau qui les rend bizarres &
coleriques: mais bien de ceux qui le sont
par trop d'humidité qui les rend simples,
benins, & benaistout ensemble.

V i t t. Or va t'en, & le remercie de
ma part, & dy luy bien que ie ne sçau-
rois me faouler de lire ses vers, & qu'en
moins d'un demy quart d'heure que tu
as esté aupres de moy, tu me les as veu
tirer de mon sein, & les y remettre plus
d'une douzaine de fois, en fin enjolle le
bien, & luy fais accroire que ie suis es-
per-
dument amoureuse de luy.

L v c. Laissez faire à George il est
homme d'aage, peusse-ie aussi bien de-
uenir Reyne de France, comme i'en
viendray aisément à bout. Adieu.

V i t t. Vama Lucie, ie me repose en-
tierement sur toy.

SCENE IV.

VITTORIE seul.

ON depeint l'amour ieune & enfant pour deux raisons: la premiere pour monstrier qu'il ne sied pas bien aux vieilles gens, l'autre par ce qu'il r  d l'homme moins graue & semblable aux enfans: Cependant ie ne s  ay pas comment il est entr   dans nostre vieux fou, puis qu'il ne se plaist pas dans vn corps cass   comme le sien, & que de plus ce n'a pas est   pour luy oster l'entendement puis qu'il n'en auoit point. Mais ie ne doibs pas tant me soucier de luy que de moy mesme. Ie songe que comme parmy les autres filles il y en a de prudentes & de malauisees, aussi parmy nous qui goustons du meilleur fruit que produise la Nature, celles-l   ne sont pas sages qui ne proposent point d'autre but    leurs amours qu'un plaisir passager, & ne pensent point    la vieillesse qui s'approche de nous    petit pas sans qu'on s'en apper  oie, & quand elle est venu   chas-

se d'autour de nous tous nos amis. Nous met-elle des rides au visage, ceux-là font des plis à leur bourse & la ferment : elle consume tout à la fois l'humeur de dedans, & l'amour de dehors, nous frappe t'elle de près, ceux-cy nous saluent de loin. C'est pourquoy il faut songer à soy de bonne-heure, qui attend le temps le perd, si ie l'attends il ne m'attendra pas, il faut que nous nous seruions des autres, tandis qu'ils croient auoir affaire de nous. Prenez le gibier qui vous suit, & n'attendez pas qu'il s'enfuye. Mal-aisement attrapperons-nous l'oiseau qui vole, si nous ne sçauons pas seulement conseruer celuy qui est dans nostre cage : Bien que cettui-cy ait peu de ceruelle, & mauuaise eschine, il a pourtant bonne bourse, quant au premier, à son dam, du second il ne m'en chaut gueres, & pour le dernier i'en dois faire conte. Les sages viuent pour les foux, & les foux pour les sages : Si chacun estoit grand Seigneur, personne ne seroit grand Seigneur, aussi si chacun estoit sage, il n'y auroit point de sages, & si chacun estoit fou, il n'y auroit point de

foux, le monde est bien comme il est. Reuenons à nos moutons, il faut que celle qui est belle en sa ieunesse, soit sage pour sa vieillesse. On n'a l'hyuer que ce qu'on a recueilly l'esté. Or faisons en sorte que cet oiseau ne nous eschappe pas sans en tirer ou plume ou aïlle. Mais voicy la Coque.

SCENE V.

LA COQUE & VITTORIE.

LA Co. **I**E bese la mane à vostre Signorie, Madamoifelle Vittorie. O petit cœur, si nous n'estions dans la ruë, ie te planterois vn baiser sur ces levres de roses qui me font mourir.

VITT. Trédame que vous estes eschauffé, d'où venez-vous, qu'apportez-vous de nouveau?

LA Co. Les recommandations du Seigneur Boniface que ie vous recommande moy, à vous qui estes sa maistresse, comme les bons peres recommandent leurs enfans à leurs maistres, c'est à dire que s'il n'est sage vous le cha-

ſſiiez bien, & ſi vous avez beſoin de quel-
qu'un pour le tenir ie m'offre à vous.

VITT. Et pourquoy luy voulez-vous
tant de mal ?

LA CO. Il y a quelques iours qu'il ſe
faſcha de quelque galanterie que ie luy
auois faicte, & ie penſois qu'il l'eut miſe
en oubly, mais à ce que i'ay veu il m'en
veut plus de mal que iamais, c'eſt pour-
quoy ie n'ay pas enuie que l'affaire en de-
meure-là.

VITT. Que vous a t'il fait, que luy
voulez-vous faire ?

LA CO. Je vous le diray ; mais ie
voy quelqu'un de mes compagnons qui
vient, retirons nous afin d'en parler plus
à noſtre aïſe.

VITT. C'eſt bien dit, allons à mon
logis, car ie veux ſçauoir de vos affaires.

LA CO. Allons allons.

SCENE VI.

LA BARRE , LVCIE.

LA BAR **H**A, ha, ha ha, son mary, cōme ie te dy, estoit occupé à attiser son fourneau, & à tra-
 uailer apres ses metaux, cependant que
 i'estois d'un autre costé embesogné
 avec sa femme.

LVC. Et quelle estoit vostre beso-
 gne?

LA BA. Le ieu du Bilboquet, tan-
 tost dedans, tantost dehors, & si tu
 veux ouyr l'histoire entiere, ie croy que
 tu en riras.

LVC. Hé fay moy rire, car i'en ay
 bonne enuie.

LA BAR. Cette vieille mule de Sa-
 tan requise de moy, si elle me vouloit
 faire la courtoisie, me respond non,
 non, non.

LVC. O ruffien tu vas donc ainsi abu-
 sant les pauvres femmes, & des-honorant
les familles?

LA BAR. Tu as l'intelligence bien prompte, quite parle de cela? N'y a-t'il qu'une sorte de courtoisie que les femmes puissent faire aux hommes?

L v c. Poursuis, poursuis.

LA BAR. Si elle ne m'eut respondu qu'une fois, non, l'affaire en fut demeurée là, mais parce qu'elle me dit plus de dix fois non, non, ie n'ay gardé, pour qui me prenez-vous, ie ne suis pas de ces gens-là, j'aymeroie mieux tomber sur cent cousteaux la pointe en haut, ie dis en moy-mesme celle-cy en veut, ie voy bien que la iournee ne se passera pas qu'il n'y ait du sang respandu de part & d'autre. Puis ie repren la parole & luy dy, ô ma douce Maistresse, belle ame de mon ame, & quoy voulez-vous donc me faire mourir?

L v c. La bonne beste, & puis il n'entendoit pas parler de cela.

LA BAR. Ie croy Lucie que tu me feras deuenir fou, t'imagines-tu que les femmes ne puissent faire mourir les hommes que d'une façon?

L v c. Passe outre, que respondit elle alors?

LA BAR. Elle respondit , point, point, point, si elle n'eut dit qu'une fois point, peut-estre eusse-ie rabbatu quelque chose de l'esperance que tant de non, non, m'auoient donnee: mais parce que reprenant par deux fois son haleine, elle dit plus de quinze fois point, point, & que j'ay ouy dire au Maistre Mamphurius que deux negations affirment, & beaucoup plus par consequent une grande quantite, donc dis-ie à part moy, celle-cy veut dancer la dance du Loup.

LVC. O ietetiens maintenant.

LA BAR. N'expliqueras-tu d'aujourd'huy tout ce que ie te dy qu'en mauuaise part?

LVC. Va, va, acheue, ie me veux taire iusqu'à la derniere conclusion, & que luy dis-tu?

LA BAR. Alors faisant la petite bouche ie parlay en cette sorte. Tu veux donc mon cœur que ie meure, & pourquoy le veux-tu? parce que ie t'ayme, comment traites-tu donc tes ennemis, tiens, voicy vn poignard, tuë moy de ta propre main, car de cette façon ie

mourray content.

L v c. Ha, ha, ha, le bon chalant, & elle?

L A B A R. Méchant, suborneur de femmes, ie diray à mon pere spirituel que tu m'as enforcee, mais toutes tes paroles ne m'y feront iamais consentir, ny toutes tes forces ne te feront iamais paruenir à l'effect que tu desires, & ie te le feray bien voir si tu en veux venir à l'espreue. Crois-tu pour estre homme auoir plus de force que moy? Chien de traistre, ie ne sçay qui me tient que ie ne t'arrache la barbe, & que ie ne te plonge ton poignard dans le sein, cependant qu'il n'y a icy ny tesmoins ny personne qui nous voye. Quand i'eusse eu vne citrouille au lieu de teste, i'eusse bien entendu ce qu'elle vouloit dire.

L v c. Et que fis tu lors?

L A B A R. Entrons-là dedans ie te le feray voir.

L v c. Dy, dy moy, car là dedans on n'y void goutte.

L A B A R. Allons te dis-ie, car ie batray tant le fusil que nous allumerons la chandelle que ie porte tousiours sur

moy pour les occurrences.

L v c. Tes fieures quartaines , responds-moy , elle qui se monstroit si farouche , à la fin que fit-elle , comment te resista-t'elle ?

L A B A R. La pauvre creature ; toute sa force tomba en arriere , & de la façon qu'elle y alloit , ie croy qu'en moins d'une heure , elle eut fait plus de vingt lieuës. Ce conte-là me fait ressouvenir d'une bonne fille qui me piquoit vn iour cōme on fait les Taureaux pour les animer au combat , à laquelle ie dy , si tu me piques encore vne fois ie te , & elle , tien voyla que ie te pique encore vne fois , que me feras-tu ? il n'y a point d'homme que ie craigne moins que toy , tien voyla que ie te pique encore vne fois , que me feras-tu ? Or dy - moy Lucie qu'eusses-tu fait ?

L v c. Ma foy ie l'eusse piquee aussi.

L A B A R. *Elle le fut ou le diable me tue.* Et si bien qu'elle s'en ressentit neuf mois apres.

L v c. Ha , ha , ha , tu es vn vray bouffon , mais laisses-moy aller rendre certaine responce au Seigneur Bo-

56 B O N I F A C E,
niface, car ie ne me suis desia que trop
amusee à t'ouyr folastrer.

L A B A R. Va-t'en où tu voudras
aussi bien me faut-il parler à ce ieune
homme qui vient.

SCENE VII.

P O L L V L A , L A B A R R E.

P O L. **C** O m m e n t vous en va Sei-
gneur la Barre?

L A B A R. Fort bien , & toy , d'où
viens-tu ? où vas-tu ?

P O L. Je cherche Boniface pour luy
donner cette lettre.

L A B A R. Quelle lettre est ce ? la
peut-on voir ?

P O L. Il n'y a rien que ie vous puisse
tenir caché , c'est vne lettre d'amour
que mon Maistre Mamphurius a com-
posee , & que Boniface veut enuoyer à
ie ne sçay quelle Maistresse.

L A B A R. C'est à la belle Vittorie,
voyons ce qu'elle contient.

P O L. Lisez donc viste.

LA BAR. *Bonifacius dominae Vittoriae. Effé. Pé. DE'.*

POL. C'est à dire *salutem plurimam dicit.*

La Barre. Lors que l'estincelant Phœbus secoüe de l'onde Orientale son chef radieux , il n'apparoit pas si beau à cet Hemisphere superieur , comme entre toutes les belles , ton visage egayât plaist à mon appetit concupiscible, ô admirable Vittorie , que t'auois-je dit, n'ay-je pas deuiné ?

POL. Poursuis.

La Bar. Parquoy qu'on ne s'esmerueille pas de voir vn homme dont les rides commencent à labourer la face *nemo scilicet miretur*, quel diable de langage est-ce là pour vne femme il l'offense grandement, car il pense parler avec sa Grammaire.

POL. Et de grace acheuez.

L A B A R. *Nemo scilicet miretur,*
Si l'enfant archerot avec le mesme
arc dont il a feru la poitrine du grād
Monarque Iupiter altitonant,
Diuum Pater atque hominum rex, encore?
m'a penetré le cœur avec la pointe
de ses fleches, y grauant d'un cara-
ctere indebile vostre gentil nom:
Mais par les ondes Stygiennes
(iurement inuiolable aux Dieux)
diable soit du Pedant avec ses chiffres
& abbreuiations. Et nostre amoureux
que pretend-il auancer par cette lettre?
Boniface veut faire du docte, & Vitto-
rie verra bien qu'elle ne vient pas de luy,
encore qu'il n'y ayt pas grande gloire
d'auoir fait cecy, qui n'est qu'une pure
rauauderie de doctrine mal digeree,
Tien, ie n'en ay que trop leu, ie n'en
veux pas voir d'auantage, s'il n'a point
d'autre introducteur que cette lettre, il
est bien taillé de demeurer à la porte à
garder le mulet.

P O L. Ie le crois ainsi, les femmes
yeulent de meilleures lettres, & qui re-

presentent la figure la plus parfaite, qui est la ronde.

LA BAR. C'est à dire de celles qui sont autour de nos escus , & de plus la vanité les porte à n'aymer que l'image du Prince qui est sur nos monnoyes. Allons tousiours : car ie desire te communiquer quelque petite affaire , & puis tu feras la tienne.

P O L. Allons.





ACTE TROISIEME.

SCENE PREMIERE.

BARTHOLOMEE seul.

LE trouue que ceux là sont de
vrayasafnes qui recherchant
en quoy consiste la vertu des
choses font communement
cette diuision *In verbis , in
herbis & in lapidibus* , car pourquoy ne
font ils pas auant tout mention des me-
taux ? les metaux comme l'or & l'argent
font la source & l'origine de chaque
chose: C'est d'eux, c'est d'eux d'où vien-
nent les parolles, les herbes, les pierres,
le lin, la laine, la soye, les fruits, le fro-
ment, le vin, l'huile, en fin tout ce qu'on
peut souhaiter icy bas: Et ie les tiens si
nécessaires

necessaires que sans eux on ne peut posseder aucune de ces choses. On dit que l'or est matiere du Soleil, & l'argent de la Lune, parce que de mesme que si vous ostez ces deux planetes du Ciel, vous ostez les generations de l'vniuers, & la lumiere du monde, aussi sans l'or & sans l'argent de la terre, on ne peut auoir participation ny iouyssance de rien. C'est pourquoy ces ignorants auroient bien mieux fait de les dire le seul subiect & fondement de la vertu des choses, puis que les trois autres sans eux ne sont rien: Les herbes, les paroles & les pierres sont tenües pour la matiere de la vertu des choses, par quelques foux de Philosophes, qui hays de Dieu, de la Nature & de la Fortune meurent de male rage de faim, n'ayans pas vn pauvre denier en bourse, & qui pour contenter l'enuie qu'ils portent aux riches, blasment l'or, l'argent, & ceux qui les possèdent: & neantmoins ils ne laissent pas d'aller comme chiens, fleurants par les bonnes tables, vrayment chiens, puis qu'ils ne sçauroient gagner leur pain qu'en abboyant: Ils vont, disie, aux tables des ri-

ches, c'est à dire de ces fots qui pour quatre paroles qu'ils diront hors de propos en fronçant le sourcil, & faisant la grimace se laissent tirer le morceau de la bouche, & l'argent de la bourse, & leur font conclure en verité que, *In verbis sunt virtutes*: Mais ils seroient bien attrapez s'ils venoient s'adresser à moy pour vendre leurs coquilles, veu que ie ne repais que de paroles ceux qui pensent m'en repaistre. Or que les bestes fassent cas des herbes, des pierres, les insensez, & les Charlatans, des paroles: pour moy ie n'estime que ce qui fait estimer tout le reste. L'argent contient dans soy toutes les autres choses. Celuy qui en manque n'a pas seulement faute de pierres, d'herbes, & de paroles: mais l'air, la terre, l'eau, le feu, & la vie mesme luy manquent: Il donne la vie temporelle, & mesme l'eternelle, quand on s'en sçait servir en donnant l'aumosne, ce que l'on doibt faire avec grande discretion, & non pas priver sa bourse de son ame à l'estourdie, c'est pourquoy le sage a dit *si benè feceris, vide eum*. Mais ce ne seront pas toutes ces considerations là qui

m'apporteront à dîner: l'ay ouy dire qu'on alloit décrier les pistolles & les mettre à six sous, i'en ay quelques vnes que ie m'en vay changer deuant que l'edict soit publié, en attendant que mon garçon reuienne avec cette excellente poudre que ie luy ay enuoie querir.

SCENE DEUXIESME.

BONIFACE , BARTHOLOMÉE , LVCIE.

Bo. **O** La Seigneur Bartholomée, escoutez vn mot, où allez vous si viste? he quoy vous me fuyez?

BAR. Adieu, adieu sans ceruelle, j'ay bien d'autres choses à faire qu'à m'amuser à niaiser avec tes amours.

BON. ha haha, allez donc à la bonne heure songer à ces deux maistresses qui vous font mourir.

LVCIE. Que veulent dire ces raillees? sçait il bien que vous estes amoureux?

BON. Il le sçait de par tous les diables, & d'autant qu'il me void conuerfer avec vous. Or venons à nostre fait que

dit ma douce maistresse Vittorie?

L v c. La pauvre fille pour la necessité où elle est a mis en gage vn diamant & sa belle esmeraude.

B o n. O diable, ô quel malheur!

L v c. Je croy que vous luy feriez grandissime plaisir, si vous les vouliez retirer, ils ne sont en gage que pour dix escus.

B o n. Bien, ie les retireray.

L v c. Le plustot ce sera le mieux.

B o n. Ho ho, excusez moy Lucie, iusqu'au reuoir, ie ne vous sçaurois donner aucune resolution pour le present, voila vn mien amy avec qui i'ay quelque affaire d'importance, à Dieu.

L v c. A dieu donc.

SCENE III.

ASCAGNE, SCARAMVRE, BONIFACE.

A s c. **V**oila mon maistre Boniface. Monsieur voicy le Seigneur Scaramure.

B o n. Vous soyez le tres bien venu Seigneur Scaramure, avez vous donné

ordre à mon affaire?

SCAR. Monsieur, voicy l'image de cire vierge que j'ay faite en son nom, voicy les cinq aiguilles que vous devez ficher en cinq endroits de sa personne: Celle cy plus grande que les autres doit estre enfoncée dans la mamelle gauche, mais gardez-vous bien de pousser trop auant, parce que vous feriez mourir la patiente.

BON. J'y prendray bien garde, Seigneur Scaramure.

SCAR. Tenez donc, voyla l'image que ie vous remets entre les mains, mais qu'un autre que vous ne la manie pas: vous Ascagne foyez secret, & que personne que vous deux ne sçache riē de cecy.

BON. Je n'ay pas peur de luy: Il se passe entre nous deux des choses encores plus secrettes que celle-là.

SCAR. Cela va bien, vous ferez donc faire le feu par Ascagne de bois d'oliue, ou de laurier, si vous ne pouuez des deux matieres ensēble: Puis vous aurez d'un encēs exorcisé ou enchanté: De la main droicte vous le ietterez dans le feu, en repetant par trois fois, *Aurum, thus, & ain-*

si la presente image sera encensee & parfume'e , laquelle reprenant entre vos mains, vous direz par trois fois, *Sine quo nihil*. Vous baillerez par trois fois les yeux fermez , & puis tournant l'image peu à peu à la chaleur du feu (mais gardez bien qu'elle ne se fonde) parce que la patiente en mourroit.

BON, J'y prendray bien garde , Seigneur Scaramure.

SCAR. Vous la tournerez par trois fois d'un mesme costé, disant aussi par trois fois , *Zalarath, Zalaphar neetere vincula : Caphure Mirion Sarcha Vittoriae*, comme il est escript dans ce papier que ie vous donne : puis vous mettant en vne situation contraire au feu , vers l'Occident, tournant l'image à la façon que j'ay dite, vous prononcerez tout bellement *Felapton Disamis Festino Baroco Darapti Celantes Dabitis Fapesmo Frise somorum*. Ce qu'ayant tout dit & fait, vous attendrez que le feu s'esteigne de luy-mesme, puis vous mettrez la figure en vn lieu secret, & qui ne soit pas sale, mais honorable, & plein de bonnes senteurs, entendez-vous ?

B O N. Et n'y manqueray pas Seigneur Scaramure.

S C A R. Ouy, mais il faut se ressouvenir que j'ay despensé six escus en ce qui entre dans la composition de l'image.

B O N. Tenez, c'est la raison que ie vous rembourse, vous auez vn peu trop despensé Seigneur Scaramure.

S C A R. Et si il faut que vous vous ressouveniez de moy.

B O N. Pour cette heure vous n'aurez que cela entendez-vous? & puis si l'affaire reüssit, d'homme de bien ie vous recompenseray.

S C A R. Bien ie prendray patience: mais ie vous auisse Seigneur Boniface, que si elle n'est bien poissée, la barque n'ira pas bien.

B O N. Qu'est-ce à dire cela?

S C A R. C'est à dire qu'il faut graisser la main, entendez-vous?

B O N. Diable soit le Scaramure, j'ay recours à la Magie, afin qu'il ne m'en couste pas tant, & il se fait payer au double.

S C A R. Ne differez que le moins que

vous pourrez, allez viste executer ce que ie vous ay ordonné, parce que Venus est au dernier degré des Poissons : Faites en sorte que deuant vostre affaire faite, il ne se passe pas vne demie heure qui est trente minutes d'Aries.

BON. A dieu donc, allons Ascagne, diable soit de la putain de Venus, & de luy.

SCAR. Vistement, vistement.

SCENE IV.

SCARAMVRE seul.

ENcore n'est-ce pas mal allé d'auoir (ceu tirer six escus des mains de ce marouffe, c'est ainsi qu'on doit tousiours attrapper ces fortes de gens-là, en faisant son conte soubs pretexte de la despense qu'il a falu faire en la confection du secret : Autrement à peine m'eut-il donné vne couple d'escus pour le present, & du reste, il eust remis à m'en payer à la semaine des trois Ieu-

dis, ou bien à l'octaue du iour du Jugement.

S C E N E V.

LUCIE , SCARAMVRE.

L v c. **S**Es fieures quartaines, où s'en est allé ce vieux penard dont j'attendois icy vne certaine resolution?

SCAR. Adieu donc Lucie ; & où vas-tu ?

L v c. Je cherche Boniface qui estoit tout à cette heure avec vous, & que ie pensois qui deubt m'attendre.

SCAR. Que luy veux-tu ?

L v c. Pour ne vous rien celer, Mademoiselle Vittorie m'auoit enuoyee deuers luy, pour luy demander de l'argent.

SCAR. Ha, ha, ha, l'entens, i'entens; il luy est allé chauffer les pieds pour la faire parler, il luy est allé donner de l'encens comme à sa Deesse, mais pour de l'argent, il m'en a donné, afin de ne luy en pas donner.

L v c. Que veux-tu dire ?

S C A R. Mademoiselle Vittorie en demande trop ; & luy avec demie douzaine d'escus se la veut attacher à fer & à clou.

L v c. Hé, dy moy comment le tout se passe.

S C A R. Allons ensemble trouver Mademoiselle Vittorie, & nous en discuterons avec elle, & inuenterons quant & quant quelque ruse, afin que ie ne perde point le credit que j'ay acquis aupres de ce falot, & que nous fassions quelque plaisante Comedie.

L v c. C'est bien auisé, aussi bien n'est-il pas bon d'en discourir icy d'avantage. Je voy du monde qui vient.

S C A R. C'est nostre fou de Pedant. Partons viste.

S C E N E V I.

MAMPHVRIVS, SCARAMVRE, POLLVLA.

M A M. **A** Desdum, paucis te volo domine Scaramure.

S C A R. Dictum puta, au reuoir, quand

j'auray moins d'affaires.

MAM. O la belle response, ha, ha, ha. Or sus *mi Pollula*, *ut eò redeat unde egressa est oratio*, tu t'estonneras à cette lecture.

POL. Vous plaist-il que ce soit moy qui les lise?

MAM. *Minimè*, parce que ne faisant pas les points selon la raison des periodes, & ne les proferant pas avec l'energie requise, tu viendrois à les degrader de leur maiesté & grandeur, dautant que selon ce qu'a tres-bien dit le Prince des Orateurs Grecs Demosthene, la principale partie de l'Orateur, c'est la prononciation. Or escoute. *Arrige aures Pamphile.*

*Homme grossier & sans esprit,
Despourueu de toute lecture,
Qui veulx iuger à l'auanture
Du mestier que Pallas m'apprit,
Inutile poids de la terre,
Osés-tu me faire la guerre
Et railler mon diuin sçauoir?
Grand ennemy de la sagesse
Va de peur de te faire voir
Dans la nuit te cacher sans cesse.*

*Sot iugement, sens partroublé,
Tenebres louches de l'Herebe,
Qui plus farieux qu'un Corebe
Ris sans rire à ris redoublé,
Gros asne à petites oreilles,
A qui les plus doctes merueilles
Semblent sans admiration,
Estant priué d'une humaine ame,
Tu n'as point d'inclination
Que pource qui requiert du blasme.*

Vis-tu iamais deux semblables decades ? les autres font des quatrains, les autres des fixains, les autres des huitains, mais pour moy ie m'addonne au nombre parfait, *videlicet, nempe, utpote* au nombre denaire, selon Pythagore & Platon : Mais qui est celuy qui s'auance vers nous ?

POL. C'est Bernard le peintre.

SCENE SEPTIESME.

MAMPHVRIVS. BERNARD. POLLVLA.

MAM. **B** *Enè veniat ille à quine con-*
 uient pas moins le haut
 bruit du clairon de la renommee qu'à
 Zeuxis, Apelles, Phidias, Timagoras, &
 Polignotus.

BER. Estes vous yure *domine magister*?
 Si j'auois souppé ie vous repondrois.

MAM. Ouy, car le vin egaye, & la
 bonne chere donne de la hardiesse:

*Bacchus & alma Ceres vestro si munere tellus
 Chaoniam pingui glandem mutauit aristâ.*

Dit mon Publius Virgilius Maro cou-
 uert de maroquin, Poëte de Mantouë,
Mantua me genuit, en son premier liure
 des Georgiques vers le commencement,
 faisant l'inuocation coustumiere aux
 Poëtes, où il imite Hesiode Poëte At-
 tique.

BER. Sçauiez-vous *domine magister*?

MAM. *Hoc est magis, ter, trois fois*
 plus grand, *Pauci quos æquus amauit*

Iuppiter, aut ardens euexit in æthera virtus.

BER. Ce que ie voulois de vous, c'est de sçauoir ce que veut dire Pédante.

MAM. Je vous le veux très volontiers dire, enseigner, declarer, exposer, mettre au iour, &, (*particulâ coniunctiâ in vltimâ dictione, appositâ*) l'insinuer, *sicut, veluti, quemadmodum, nucem Ouidianam meis coram discipulis (quò melius nucleum eius edere possent) enucleauit*. Pédâte veut dire comme qui diroit pied deuant, parce qu'il a vn marcher profecutif avec lequel il fait aller deuant les ieunes disciples qu'il enseigne, *vel per strictiorem, arctioremque ethymologiam. Pé. perfectos. dans. te. tesauros*. Or que dites vous de ces deux ethymologies?

BER. Elles sont bonnes : mais ny l'vne ny l'autre ne me reuient, ny ne me semble à propos.

MAM. Il vous fera permis de parler ainsi, *aliâ meliore in medium prolatâ*, c'est à dire, quand vous en aurez apporté vne plus digne.

BER. La voicy. Pé. pecore. dan. dangereuse. te. tenüe.

MAM. Le vieux Caton dit, *Nil mentire, & nihil temerè credideris*.

BER. C'est à dire, qui soutient le contraire en a menty par la gueule.

MAM. Allez, allez mon amy.

Contra verbosos verbis contendere noli.

Verbosos contra, noli contendere verbis.

Verbis verbosos noli contendere contra.

BER. Je donne aux diables tout ce qu'il y a de pedants au monde.

MAM. Menez les y vous mesme comme à vos compagnons, où es-tu Polula? que dis tu? considere l'abominable & prodigieux siecle où nous sommes; *O secula, ô mores, ô seclum insipiēs & infacetum.* Mais despechons nous d'aller au domicile, parce que j'ay enuie de vous exercer en ces aduerbes du lieu, *de loco, ad locum, & per locum. Ad, apud, ante, aduersum vel aduersus, cis, citra, contra, erga, infra, in, retro, coram, à tergo, intus & extra.*

POL. Je les sçay tous, & les rediray par cœur.

MAM. Il faut reïterer souuent cette leçon & la bien inculquer en vostre memoire. *Lectione repetita placebit.*

Gutta cauat lapidem, non vi, sed sæpè cadendo,

Sic homo fit sapiens, non bis, sed sæpè legendo.

P O L. Que vostre excellence aille deuant, ie la suiuray de prez.

M A M. C'est ainsi qu'il faut faire, *in foro & in plateâ*, mais *inter priuatos parietes* il n'est point besoin de toutes ces ceremonies.

S C E N E V I I I.

LA BARRE ET LA FONTAINE.

LA FON. **V**Ois-tu le maistre Mamphurius qui s'en va?

LA BA. Qu'il s'en aille au Diable si il veut, poursuis ce que tu auois commencé, & arrestons nous icy.

LA FON. Hyer au soir donc apres auoir plantureusement souppé à Clamar, iusques là que nous enuoyasmes le maistre du logis à la prouision de masepins, de codignac, & d'autres friandises pour passer le temps; quand nous ne sceusmes plus que demander, vn des nostres feignit de tomber en pasmoison, & l'hoste estant accouru avec du vinaigre:

N'as

N'as-tu point de honte , luy disie , homme sans ceruelle , va viste , apporte de l'eau de nasse , de fleurs de citron , ou de la maluoisie de Candie. Alors mon homme entre en colere , commence à detester , & crie , que diable estes - vous des Marquis , ou des Ducs ? Estes-vous gens à faire la despense que vous auez faite ? Je ne sçay pas comment nous ferons , mais que se vienne à conter , ce que vous demandez se trouue-t'il dans vn Cabaret ? Coquin , marault , m'escriai- ie , penfes tu auoir à faire à tes semblables ? tu es vn voleur , vn belistre & vn impudent. Tu en as menty par ta chien- ne de gueule , me respondit - il. Alors tous ensemble nous nous leuons de table pour nostre honneur , & nous nous saisissons chacun d'une broche longue de neuf à dix pieds.

LA BAR. Courage voyla bien com-
mencé.

LA FON. Lesquelles estoient toutes fournies de leur prouision : Et l'hoste de se ietter promptement sur vne pertuisanne , & deux de ses valets , chacun sur vne espee toute rouillee. Nous , bien

que nous fussions fix avec six broches plus grandes que la pertuisane, nous prenons en main des chauderons pour nous servir d'escus & de rondaches.

L A B A R. Fort bien, fort bien.

L A F O N. Quelques-vns se coiffèrent d'une marmite de bronze, au lieu de heaume & de salade.

L A B A R. Sans doute que cela se fit par quelque constellation favorable qui éleva en honneur les chauderons & les marmites.

L A F O N. Et armez de la sorte, nous reculons en nous deffendant, & nous nous deffendons en reculant, & tirant toujours vers la porte, encore que nous fissions semblant de ne chercher qu'à avancer.

L A B A R. Le beau combat, un pas en avant, & deux en arriere, un pas en avant & deux en arriere, à la façon des Parthes, en fuyant.

L A F O N. Le Cabaretier nous voyant les plus forts, & plus timides que de raison, au lieu de tirer vanité de se porter contre nous si vaillamment, commence à entrer en ie ne sçay quel soubçon.

LA BAR. Qui diable n'y fut entré?

LA FON. Parquoy mettant bas les armes, il commande à ses gens de faire la retraite, & qu'il n'auoit aucune enuie de se vanger de nous.

LA BAR. Ha la bonne ame.

LA FON. Et se tournant deuers nous, nous crie, Messieurs mes Gentilshommes pardonnez-moy, ie n'ay nul dessein de vous offenser, payez-moy de grace, & vous en allez à la bonne heure.

LA BAR. Et sans mentir cette penitence-là meritoit bien vne absolution.

LA FON. Traistre, tu nous veux donc tuer, m'escriay-ie, à ces mots nous nous iettons tous hors la porte: Alors nostre hoste desesperé voyant que nous ne voulions point accepter sa courtoisie, reprend la pertuisane, appelle ses valets, & tout son monde à son secours. Il faisoit beau les ouyr, le Cabaretier crioit, payez, payez-moy; les autres aux voleurs, aux voleurs, aux filoux, & neantmoins pas vn ne fut si sot que de nous poursuiure, parce que la nuit fauorisoit nostre retraite: Redoutant donc la furie de l'hoste, c'est à dire de l'ennemy, nous

prismes la fuitte vers vne petite maison derriere sainct Sulpice, où nous trouuâmes que nous auions encore de conte fait dequoy faire la vie trois iours durant.

LA BAR. Tromper vn Cabaretier; c'est faire vn sacrifice à Dieu; le dérober, c'est faire vne aumosne, & le bien battre, c'est gagner Paradis; Et ne sçeuistes vous point depuis ce qui se passa au cabaret?

LA FON. Tout le monde y accourut, les vns pour y prendre leur passe-temps, les autres pour les plaindre, ceux-là les conseilloient d'vne façon, ceux-cy d'vne autre. Enfin on eut peu voir la Tragedie & la Comedie tout ensemble; les vns crioient au meurtre, & les autres, nopces franches. De sorte que pour voir comme le monde est fait, il ne falloit qu'assister-là.

LA BAR. Veritablement le tour fut bon: Mais moy qui ne suis pas si matois, reuenant auant-hier tout seul de sainct Clou où i'auois mené de nos sœurs, & estant affamé comme vn chasseur, i'entray dans le premier Cabaret, où apres auoir assez bien disné, ne me trouuant

pas en trop bõne humeur de payer, ie dis au Cabaretier, Monsieur mon hoste, voulez vous ioüer? à quel ieu ioüerons-nous, me respondit, i'ay icy des tarots, ie ne gagnay iamais à ce ieu là, luy fis-ie, parce que i'ay la plus chienne de memoire du monde, & bien, ce dit-il, i'ay des cartes communes, elles seront peut estre marquees, luy respondis-ie, & vous les connoistrez, en auez-vous qui n'ayent point encore seruy? non, ce me respondit-il. Il nous faut donc songer à vn autre ieu, luy dis-ie: I'ay des dames, ce fit il, voulez-vous ioüer aux dames forcees? Ah, celuy fis-ie, vous me desferiez comme Hercule fit les Pygmees, en me soufflant seulement. I'ay des eschets, vous moquez-vous, i'aymeroie autant qu'on me condamnaist à estudier, vous me feriez renier & Ciel & terre: Alors le feu luy monte à la teste, A quel diable de ieu voulez-vous donc ioüer? proposez, Au mail, luy dis-ie, comment au mail, où voulez-vous que nous l'allions chercher? aux merelles, luy dis-ie, c'est vn ieu de faquins & de palefreniers, respondit-il, à cinq dez, luy fis-ie, qu'est-ce à dire à cinq

dez, qui a iamaïs ouy parler de ce ieu-là? Si vous voulez nous iouërons à trois, ie luy respondis qu'à trois ie ne pouuois iamaïs amener ma chance: pour l'honneur de Dieu, dit-il, si vous auez enuie de iouër, proposez vn ieu, où nous puissions iouër vous & moy, iouïons à cligne mufette, ce luy fis-ie, va, dit il, tu me iouës, n'as-tu point de honte, c'est là le ieu des enfans qui sont encore à la bauette. Et bien, luy dis-ie, iouïons donc à courir, vrayment, respondit-il, voyla vn beau ieu, & bien digne de nous, si est-ce, luy dis-ie, que tu y iouïeras, veux-tu mieux faire, respondit-il, paye moy, & puis iouë tout seul à quel ieu tu voudras, & par ma foy tu y iouïeras avec moy, luy repliquay-ie, & par ma foy ie n'y iouïeray pas, me respondit-il, & tu y iouïeras, & ie n'y iouïeray pas, & tout à cette heure, & ie ne veux pas, & tu le voudras: Pour cōclusion, ie commence à le payer des talons, c'est à dire à m'enfuyr, & voyla que mon gros porc qui iuroit auparavant qu'il n'y iouïeroit pas, & qu'il n'y iouïeroit pas, & qu'il n'y auoit iamaïs iouïé, y iouë luy, & deux de ses serui-

teurs y ioüerent, & sa femme y ioüa & toute sa famille y ioüa, de sorte que courant apres moy, ils ne me ioignerent pourtant que de la voix. Et ie te iure que depuis ie ne les ay pas reueus, ny eux moy.

LA FON. Voicy venir la Coque & Scaramure.

SCENE IX.

LA COQUE, LA BARRE, LA FONTAINE,
SCARAMURE.

LA COQ. **C**'Est iustement vous que ie cherchois, nous sommes pour faire ce soir d'affés bõs tours, & non sans en recevoir quelque profit, ou du moins beaucoup de plaisir; l'ay enuie de contrefaire le Commissaire, & vous deux avec la Riuiera contreferez les Sergents, nous nous tiendrons en sentinelle icy prez, & i'espere que cette soiree nous attraperons Boniface, comme il entrera ou sortira de la maison de Vittorie, & ie sçay bien que nous obligerons Vitto-

rie, & ferons nostre profit tout ensemble.

L A B A R. Et si comme vous dites nous aurons mille plaisirs.

L A F O N. Ouy ma foy, & que sçait on? peut estre s'offrira-t'il quelque bonne occasion.

L A B A R. Nous ne manquerons pas de besogne.

S C A R. Quant au fait de Boniface, moy qui suruiendray, accommoderay l'affaire, faisant en sorte qu'il vous paye quelque chose pour sa rançon, & que vous ne le meniez point au Chastelet.

L A C O Q. L'inuention n'est pas mauuaise, venez donc le plustost que vous pourrez, parce que nous allons faire vn petit tour Scaramure & moy, & puis nous viendrons vous trouuer en la maison de Vittorie.

L A B A R. Allez à la bonne heure.

S C E N E X.

LA BARRE', & LA FONTAINE.

LA BAR. **E**T ma foy c'est vn assez bon moyen pour executer quelque dessein , que de faire semblant d'estre Sergents de nuit, nous serons trois ou quatre qui aurons la marque & la mine de Sergents , & si tost que nous verrons l'occasion , nous la prendrons aux cheueux.

LA FON. Voicy venir la Riuiera tout à point.

LA BAR. Mais qui est-ce qui vient avec luy ?

LA FON. Il me semble que c'est le maistre Mamphurius.

LA BAR. C'est ma foy luy-mesme, viste, retirons-nous d'icy, car ie voy la Riuiera qui nous en fait signe , ie croy qu'il a dessein de luy iouer quelque tour.

LA FON. Retirons-nous icy derriere , de crainte d'estre apperceus.

SCENE XI.

LA RIVIERE, MAMPHVRIVS.

LA RIV. **V**OUS sçavez donc bien qu'il est amoureux?

MAM. Si ie le sçay , c'est moy qui gouuerne ses amours, ie luy ay composé vne missiue amatoire, dont il se doit seruir comme sienne , afin d'en estre plus estimé de sa maistresse.

LA RIV. Hyer donc, comme s'il eust esté quelque beau ieune homme de vingt-cinq ans , il alla trouuer Maistre Blaise , & luy commanda pour auourd'huy vne paire de bottes de maroquin de Leuant propres à se pourmener par la ville, ce qu'ayant entendu nostre voleur il a esté toute la iournee à guetter quand Boniface les viendrait essayer , & l'aperceuant de loin qui s'acheminoit vers la boutique, il s'approche derriere luy à petit pas , & sans manteau , le suit, & entre avec luy dans la boutique. Le Maistre Cordonnier l'ayant veu entrer avec Bo-

niface, creut que c'estoit son valet, & parce qu'il estoit sans manteau, & a demy debraillé, Boniface le prit pour vn garçon de la boutique. Ainsi le pauvre homme se voulant botter, luy laisse prendre sans difficulté sa casaque à bandes de velours noir, & à boutons d'argent, laquelle mettant sur son bras, ou comme vn bon valet de chambre, ou comme vn des garçons de la boutique qui vouloit demander son vin en la rendant, tandis que Maistre Blaise estoit occupé à parer sa marchandise, & Boniface tout courbé à se faire botter à sa fantaisie, mon drole avec vne braue contenance, considerant tantost les foliues de la boutique, & tantost les passans, tantost auançant deux pas, & puis reuenant, en fin cōme il vit son temps met vn pied hors la porte, & la casaque *cuius generis? ablatiui.*

M A M. Ha, ha, ha, *Datiuus à dando, ablatiuus ab auferendo*, si vous auiez estudié, vous auriez fait quelque chose de bon, vous auez vn tres-bel esprit, ie croy que Minerue estoit en vostre ascendant.

L A R I V. Pour acheuer mon con-

te, Boniface estant botté, & Maistre Blaiseluy ayant donné vn coup de vergettes, tout resiouy de se voir si braue, en se frottant les mains, il demande sa casaque, vostre seruiteur l'a, respond Maistre Blaise, ola hé où es-tu ? il sera allé bayer dans cette ruë ; Je ne merite pas tant d'honneur, replique Boniface, dites vostre homme, mon homme, ie vous iure que ie ne le vy iamais, ce dit Maistre Blaise, seroit-il bien possible, dit Boniface ? il est tout ainsi que ie vous le dy, respond Maistre Blaise, en fin le pauvre homme fut ainsi pris pour duppe, & sans doute qu'il le faisoit beau veoir s'en retourner avec ses bottes neuues, qui luy auoient fait derobber sa belle casaque. Cependant c'est pitié, on ne vit iamais tant de voleurs ny tant de coupe-bourses.

MAM. C'est sans doute vne grãde misere que de viure sous ce climat de Paris où domine Mercure qui est le Patrõ & le dieu de ces sortes de gens là, c'est pourquoy mon amy il faut que chacun prenne bien garde à sa bourse.

LA RI. Pour moy pour plus grande

seureté, si peu d'argent que j'ay ie le porte sous l'aisselle, voyez vous.

MAM. Et moy ie ne le porte ny sur les reins, ny sur les flanc, mais dans mon sein & deuant moy, car c'est ainsi qu'il faut faire parmy ceux qui derobent.

LA R I. *Domine magister*, Je voy bien que vous estes tres-sage & que vous n'avez pas perdu vostre temps à l'estude.

MAM. *Hoc nō latet mon Mecœne, cuius pueros erudio, id est, extrā eruditatē facio, vel e ruditate eruo.* Il m'a imposé d'aller decerner du prix, de la matiere, & de la structure de leurs vestemens, & de deliurer l'argent qu'il faudra elargir, lequel ainsi qu'un bon œconome (*œconomia est domestica gubernatio*) ie tiens enfermé dans cette bourse de cuir veloutée.

LA R I. Loué soit Dieu, (tres-excellent maistre) j'ay appris de vous de bons conseils & façons de viure. De grace faites moy vn autre plaisir, que ie n'aille point si loin changer quatre quadruples que j'ay, si vous avez des escus d'or ou quelque autre monnoye, vous m'obligerez de me la laisser, j'espargnerai la peine du chemin, & vous, vous n'y perdrez rien.

M A M. *Lubentissimè*, l'humanité me le commande, *mitto quod etiam minus oneratus abibo*, tenez, vn, deux, trois, quatre & cinq, vn, deux, trois, quatre & cinq, voila huit francs, & puis six pieces de vingt sols qui valent six liures huit sols, ce sont quatorze liures huit sols, voicy à cette heure-cy deux escus d'or qui disent huit liures douze sols à les mettre à six sols.

L A R I. J'en prendray tant que vous voudrez à ce prix là.

M A M. Voicy à cette heure-cy deux pistolles qui passent pour vn quadruple, & puis sept pieces de quarante huit sols qui disent seize liures seize sols.

L A R I. Elles ne disent rien.

M A M. Et puis douze pieces de six sols qui equivalent six liures huit sols, & puis encore quatre escus d'or, il faut à cette heure-cy que vous me rendiez.

SCENE XII.

MAMPHVRIVS. LA BARE. LA FONTAINE.

MAM. **O** La ola, icy, au secours,
au secours, arrestez-
le, arrestez-le ce subrepteur, cet in-
ciseur de crumenes qui m'a emblé tous
mes escus au soleil, & tout mon argent.

LA BAR. Qu'est-ce, qu'est-ce? que
vous a t'il fait?

MAM. Et pourquoy l'avez vous lais-
sé aller?

LA BAR. Le pauvre garçon disoit
mon maistre me veut battre tout inno-
cent que ie suis : c'est pourquoy nous
l'auons laissé eschapper, à fin que les pre-
miers mouuemens de vostre colere pas-
sissent cependant, & qu'après vous le
chastiaffiez avec plus de raison s'il l'auoit
merité.

LV FON. C'est la verité Monsieur
qu'il faut quelquefois pardonner à ses
seruiteurs, & ne se pas tousiours mon-
strer si rigoureux.

MAM. Helas ce n'est ny mon ser-

uiteurny mon domestique, mais vne coquin qui m'a prix vingt escus entre les mains.

LA BAR. Est-il possible, & que ne criez vous donc au voleur, au voleur, car ie ne sçay de quel diable de langage vous vous estes seruy?

MAM. Ce mot-là que vous dites n'est aucunement Latin, c'est pourquoy mes semblables ne le proferent point.

LA BAR. Que ne criez vous donc au larron?

MAM. *Latro* c'est vn guetteur de chemin, *in quo, vel ad quod latet*, *fur qui furtim & subdole*, comme a fait celuy-cy, *qui & subreptor dicitur*, à *subtus rapiendo*, *vel quasi rependo*, parce que sous pretexte d'homme de bien il m'a deceu, he-las mes pauvres escus!

LA BAR. Or voyez ce que vous avez gagné avec vostre estude, en ne voulant pas parler comme les autres; car avec vostre Latin bourru, nous pensions que vous parlassiez plus à luy qu'à nous.

MAM. O scelerat digne pasture des vautours.

LA FON. Mais que ne couriez vous apres?

MAM.

MAM. Voulez vous qu'un graue modérateur d'escole, & un homme de robbe longue se fut mis à courir par les ruës? à mes pareils conuient cet adage (*si propriè adagium licet dicere*) *festina len-
tè. Item & illud, Gradatim, paulatim, pe-
detentim.*

LA BAR. Je vous icy bon gré Monsieur le Docteur d'auoir tousiours egard à vostre honneur & à la maiesté de vos pas.

MAM. O subrepteur dont ie voudrois voir les os rompus sur vne rouë. Helas! que s'en a-t'il falu qu'il ne m'ait tout emporté, que dira maintenant mon Mecæne? ie luy respondray avec l'au-
thorité du Prince des Peripateticiens *Aristote secūdo Physicorum vel periacroascos.
Casus est eorum quæ eueniunt in minori parte,
& præer intentionem.*

LA BAR. Je croy qu'il sera content.

MAM. O iniustes modérateurs de iustice, si vous faisiez bien vostre charge, on ne verroit pas si grande multitude de mal-fauteurs. Que s'en a-t'il falu qu'il n'ait tout pris, ô scelerat.

SCENE XIII.

LA, COQUE, LA BARRE,
MAMPHURIUS, LA FONTAINE.

LA Co. **O** La hommes de biens,
pourquoy, s'enfuit ce
coquin, qu'a t'il fait ?

LA BAR. Vous soyez le bienvenu
Monsieur, nous sommes en la plus gran-
de peine du monde: Nous auonseu ce
voleur (ou ie ne sçay comment le Mai-
stre Mamphurius veut qu'on l'appelle)
entre les mains, & parce que nous n'e-
stions pas assez sçauants, il nous est es-
chappé.

MAM. Il m'a emporté vingt escus.

LA Co. Comment diable vingt es-
cus, à vous Monsieur, à vous *domine Ma-*
gister, ie vous baise les mains, ie voy bien
que vous ne me reconnoissez plus.

MAM. Si fait, ie vous ay tantost veu
avec mon disciple Pollula.

LA Co. Ie suis celuy-là mesme *do-*
mine Magister, sçachez que ie vous suis

seruiteur, que j'ay grande enuie de vous faire plaisir, & que ie vous fay recouurer vos escus.

MAM. *Dij velint, faxint ista saperi, & utinam!*

LA BAR. Helas Monsieur, si vous faites ce bien à cet honeste homme, vous ferez vne belle œuvre, & il n'en sera pas ingrat, & quant à moy pour ma part ie vous promets vn escu.

LA CO. Ils sont retrouuez disie.

LA FON. Les auez vous Monsieur?

LA CO. Non, mais tout de mesme que s'ils estoient desia entre mes mains.

LA BAR. Le connoissez vous?

LA CO. Si ie le counois? ie couche avec sa femme.

MAM. *O Superi, ô Calicole, Dij que Dea-que omnes.*

LA FON. Nous voila le mieux du monde.

LA BAR. Il nous faut assister ce bon Seigneur pour l'obligation que nous auons aux lettres, & aux personnes lettrées.

MA M. *Me vobis commendo.* Ie me recommande à vos courtoisies.

LA FON. Ayez bonne esperance Monsieur.

LA Co. Allons tous ensemble, car ie me doute bien où nous le trouuerons, iefçay le lieu où il se retire le plus souvent, nous ne pouuons que nous ne l'attrappions, il ne pourra nier son larcin, parce qu'encore que ie ne l'aye pas veu ny pris sur le fait, tousiours l'ay ie veu fuyr.

LA FON. Et nous l'auons veu qui fuyoit d'aupres Monsieur le Maistre.

MAM. *Vos fidelissimi testes.*

LA Co. Il nes'en faut point tourmenter d'auantage, ou il nous rendra les escus, ou nous le mettrons entre les mains de la iustice.

MAM. *Ita, ita, nil melius*, vous dites fort bien.

LA Co. Monsieur le Maistre, il est besoin de vostre presence.

MAM. *Optimè, urget præsentia Turni.*

LA Co. Mais allant tous quatre ensemble, il pourra arriuer qu'alors que nous frapperons à la porte, cette putain chez qui il se retire, & qui est sa receleuse, ou luy mesme nous voyant, on ne nous

ouurira pas, ou qu'il s'enfuyra & s'ira cacher autre part, là où si vous n'estes point reconnu, ie me fay fort de l'attirer au discours sous pretexte de quelques affaires. C'est pourquoy ce fera mieux fait, voire il est du tout necessaire que vous changiez d'habit, faisant semblant d'estre de robe courte, & vous Monsieur, comment vous appelez vous, s'il vous plaist?

LA BAR. La Barre à vostre service.

LA Co. Vous donc Monsieur La Barre, vous me ferez ce plaisir-là à moy, & à Monsieur, qui en recompense vous en pourra faire assez d'autres.

M A M. *Me tibi offero.*

LA Co. Qui est de luy prester vostre manteau, & vous vous couvrirez de sa robe; car à cause que vous estes d'une autre taille, on vous prendra pour quelque autre, & pour vous deguiser encore mieux, donnez Monsieur le Maistre vostre chapeau à son compagnon, & vous prenez le sien, & allons.

M A M. *Nisi urgente necessitate, nefas esset habitum proprium dimittere, tamen, ni-*

hilominus quia ita videtur, à l'imitation de Patrocle qui par l'échâge d'habits se feignit Achille, & de Corebe qui parut fous le veflement d'Androgée, & du grand Iupiter mefme (*Poëtarum testimonio*) qui prit tant de diuerfes formes pour l'accompliffemêt de fes deffeins, quittant la plus fublime de toutes: ie ne dedaigneray point de depofer ma robbe doctorelle, *optimo mihi propofito fine* de proceder, contre ce fcelerat & abominable.

LA BAR. Mais, feigneur Docteur fouuenez vous de reconnoiftre la courtoisie de ces galants-hommes, car pour moy ie ne vous demande rien.

MAM. Je vous destine à tous en commun la troiefme partie de mes ef-cus recouurez.

LA Co. Grand mercy à voftre largesse.

LA BAR. Or fus allons, allons.

MAM. *Eamus dextro hercule.* LA Co.

LA FON. allons.



A C T E

QVATRIESME.

SCENE PREMIERE

VITTORIE seule.

EStre aux escoutes, & ne voir
 venir personne, c'est pour en
 mourir; s'il est trop tard nous
 ne ferons rien d'aujourd'huy,
 & ie ne sçay si nous rencontrerons vne
 autre fois l'occasion aussi belle qu'elle se
 presentoit ce soir, pour faire recueillir à
 nostre amoureux les fruits deus à sa for-
 tise; lors que ie pensois gagner quelque
 chose avec luy, on m'est venu dire qu'il
 raschoit de me rendre folle de son amour
 par le moyen d'une image de cire: Mais
 ie vous prie comment toutes les forces

del'Enfer assemblees, & iointes à la vertu des esprits de l'air, & de ceux des eaux, me pourroient-elles faire aymer vn subiet qui n'est point aimable? Quand ce seroit le Dieu d'amour luy-mesme il auroit beau estre beau, s'il estoit pauvre, ou bien (car c'est tout vn) s'il estoit auare, il pourroit bruler tout son saoul que tout le monde ne seroit que glace pour luy. Sans doute que ce mot de pauvre, ou auare, est vn honteux & miserable epithete, qui fait paroistre laids, les plus beaux; les plus nobles, roturiers; ignorants, les plus sages; & les plus forts, impuissants. Qu'estime t'on parmy nous davantage que les Roys, les Monarques & les Empereurs? & toutesfois s'ils n'auoient *de quibus*, & s'ils ne faisoient trotter *de quibus*, ils ressembleroient aux vieilles statues d'un autel abandonné à qui on ne daigne seulement faire vne reuerence. Il n'y a qu'une difference entre le culte que l'on porte aux vrais Dieux, & celuy que l'on porte aux Dieux de la Terre: C'est que nous adorons les sculptures & images des premiers, en dressant nostre intention à eux mesmes, là où nous ho-

norons & adorons ces autres Dieux mortels, en dressant nostre intention & deuotion vers leurs sculptures & images, parce que par elles ils recompensent les vertueux, eleuent ceux qui ont du merite, deffendent les oppressez, estendent leurs limites, conseruent leurs fideles seruiteurs, & se font craindre de leurs ennemis. Les Roys donc & les Empereurs de chair & d'os dont les sculptures & images n'ont point de cours, ne sont & ne doiuent estre en aucune estime. Que sera-ce donc de ce sot de Boniface qui pense qu'on soit obligé de l'aymer pour ses beaux yeux comme s'il n'y auoit que luy d'homme au monde? voyez à quel point nous reduit la folie! Ce soir il apprendra ce qu'en vault l'aune, ce soir comme i'espere il verra l'effet de ses enchantemens. Mais à quoy se peut tant amuser cette vieille masque qu'elle ne se uient point? enfin enfin ie la voy.

SCENE DEUXIESME.

LUCIE. VITTORIE.

LUC. **V**ous estes donc là, Mademoiselle!

VIT. Je n'ay pû demeurer plus long temps au logis à t'attendre, songe que nous perdrons la commodité que nous auons ce soir de nous seruir de ces gens, as tu parlé à la femme de Boniface?

LUC. Ieluy ay conté toute la verité, & encore plus, de sorte qu'elle est toute enflammee de colere, & brule d'enuie de conuaincre son mary, & de le prendre sur le fait : & de plus elle s'est auisee d'une chose que j'approuue fort, qui est que vous luy prestiez vostre iuppe pour deux fins : la premiere, à fin qu'elle ne soit pas conuë en entrant & sortant de chez vous : la seconde, afin que parmy les accollades que nous luy ferons faire pourtant en vn lieu obscur, Boniface la prenne plus aisement pour vous, en tout, hors mis le visage qu'elle tiendra

voilé du long du chemin selon vostre
coustume : & quand ils seront dans la
chambre nous leur ferons attendre la
chandelle iusques à ce que la peur qu'ils
auront des tenebres, les ait contraints de
sejoindre.

VITT. Ouy, mais il faudra qu'elle
luy rende le bon soir, & luy responde
quelques paroles, & il sera bien difficile
qu'il ne la reconnoisse à la voix.

Lyc. Voire d'à, il n'y a rien de si ai-
sé que de remedier à cela, ie luy diray
qu'elle parle d'une voix basse & claire, à
cause dira-t'elle qu'il y a des voisins qui
entendent au trauers du mur mitoyen
tout ce qui se dit dans la chambre.

VITT. Fort bien, elle fera semblant
de craindre que les voisins, ou ceux mes-
mes du logis ne l'entendent. Qui est ce-
luy qui vient?

Lyc. C'est Bartholomée.

SCENE III.

VITTORIE. BARTHOLOMEE. LUCIE.

VIT. **O** Vivale Seigneur Bartholo-

BAR. Au Diable.

LUC. Tu le rencontreras bien plus aisement que quelque bon Ange.

BAR. Tu dis vray, car on en trouve bien plus qui te ressemblent que d'autres, & puis les laides comme toy, sont bien plus affables que celles que leur beauté rend orgueilleuses, de sorte qu'il semble que les Diables t'ayent enuoyee au monde de pour deffendre leur cause.

VIT. Vrayement il faut bien peu de cas pour te faire monter le feu à la teste.

BAR. Comme à toy, pour te le faire descendre plus bas.

VIT. Sans doute que le fourneau t'a desseiché le cerueau.

BAR. Tu n'as que faire de craindre la Seicheresse, toy, tu y donnes bon ordre, &

puis la Nature preuoyante, de peur de ce danger a mis l'eau où estoit le feu.

VIT. Tu és deuenue comme vn chien enragé qui mord ceux qui ne luy faizient ny ne dizient rien.

BAR. Ce n'est pas à toy que i'en veux Vittorie, que i'ayme & honore assez, mais à cette Lucie qui me harcele tousiours quand elle me void en affliction.

VIT. Comment ce n'est pas à moy? mercy de ma vie, qui bat mon chien me bat, laissonsle, laissonsle-là Lucie.

BAR. Elle a raison de l'appeller son chien, puisqu'elle va à la queste pour cette Louue: mais ie n'estonne, comment ils sont si bien d'accord, veu que les loups & les chiens s'entremangent.

LYC. Saimon, saimon, Monsieur le hargneux, danstout Paris il n'y a point de pi-relangue que la tienne, qui n'est qu'un instrument de querelle & de dissention.

BAR. Il est vray qu'en cela elle est bien contraire à la tienne, qui ne trauaille qu'à vnir le monde ensemble, vieille maquerelle.

SCENE IV.

BARTHOLOMEE seul.

Diable soit des carongnès, & des putains encor aüec, ma foy s'il n'y auoit qu'elles & moy au monde, il pourroit bien finir, il ne faudroit point qu'elles fissent fourbir leurs cuissars, elles n'auroient iamais la guerre chez elles, & l'araignee pourroit bien faire sa toile dans le casque de Venus, comme on dit qu'elle la fist autrefois dans celuy de Mars.

On dit que l'or est le plus pesant de tous les metaux, il n'y a rien neantmoins qui nous fasse cheminer plus viste, chaque chose n'a pas cette proprieté là, de nous peser moins, plus elle est en quantité: l'or seul a cette vertu, plus nous en auons, plus nous en sommes legers, adroicts, & expeditifs: l'homme sans or, & sans argent, est comme vn oyseau sans plumes, que le premier qui veut, attrappe; & que le premier qui veut, mange, là où quand il a des ailles

il s'enuole, & plus il a de plumes, plus il valoin & prend l'effort. Quand on aura secoüé la bourse à Boniface, il la trouuera plus pesante qu'auparauant, & ne seruira que de rîsee à tout le monde. Mais voicy tout à propos nostre bel amoureux, que veut dire qu'il n'a plus sa belle casaque, benies soient les mains du tire-laine qui luy ont enleuee de dessus le dos, assurement qu'il suit la beste, & court apres l'odeur de la venaison.

SCENE V.

BARTHOLOMEE, BONIFACE.

BAR. **A** Vancez vn peu plus fort Seigneur Boniface, ie viens de voir passer par icy le gibier, ie vous iure qu'en le voyant ie me suis ressouenu de vos amours, & à cause de cela le considerant avec plus d'attention ie l'ay trouué si beau qu'il ne s'en a rien falu que comme vn bon chien de chasse ie n'aye roidy la queue apres.

BON. On ne m'attrape pas deux fois,

Seigneur Bartholomée, allez tendre ailleurs ces rets où vous feignez estre pris, vous faites l'amour en declinant, & moy en coniuguant; vous à l'Alchymie, moy à mon amie, vous avec vostre feu, & moy avec le mien.

B A R. Moy au feu de Vulcan, & vous à celuy de Cupidon.

B O N. Nous verrons qui rencontrera mieux de nous deux.

B A R. Vulcan est personne raisonnable, & homme d'honneur, & l'Amour n'est qu'un enfant indiscret, & un meschant petit fils de putain, qui prend plaisir à faire du mal à ceux qui ne luy en veulent point.

B O N. Que vous estes heureux, si vous reussissez aussi bien, comme vous conseillez.

mal
luna B A R. Que vous estes heureux, si la mere des foux ne vous ayde.

B O N. Vous voulez dire la fortune. Je vous diray Bartholomée, aux bons succez on ne manque iamais de raison, que ie manie mes affaires avec la plus grande imprudence du monde, si elles rencontrent un bon euenement, ah l'habile hom-

hōme que c'est dira-t'on, il a cōduit son affaire de ce biais-là, & il en est venu à son honneur, au contraire que i'aye philosophé cent ans deuant que de rien entreprendre, si la fortune ne m'en dit, chacun crira au lourdaut, si la chose va bien, qui l'a faite? l'aduis des meilleurs Aduocats de Paris: si elle va mal, qui l'a faite? la precipitatiō naturelle aux François. Qui orne l'Italie, l'Europe, voire tout le mōde d'une si florissante Republique que celle de Venise, qui maintiēt si brauemēt sa liberté, & la maintient depuis tant de siècles? les conseils meurs & prudents dont elle se sert: qui a perdu Cypre, qui l'a perduë la lascheté & mollesse de ses Bourgeois trop à leur aise, & la trop grande multitude de Pantalons: on ne fait donc conte & estat de nostre iugement, qu'en tant seulement que les succez sont fauorables.

B A R. Vous voudriez donc inferer à ce que ie voy que la fortune peut tout, & rien la bonne conduite. Voicy venir Lucie, ie vous laisse avec elle. J'ay enuoyé mon garçon à la boutique de Gonsalue, pour m'apporter d'une certaine poudre,

& ce coquin là ne reuient point, il faut que i'y aille moy-mesme.

BON. Allez, allez, aussi bien ay-ie à parler avec elle pour vn autre subiet que celuy que vous vous imaginez.

SCENE VI.

BONIFACE, LUCIE.

BON. **L**A premiere chose qu'elle me demandera, ce sera de l'argent; sans doute qu'elle commencera par là sa harangue, & moy i'ay resolu de luy respondre en baillain, baillant, baiser en bouche, & argent en bourse: car en fin ie ne sçautois souffrir que des femmes soient plus fines que moy. Vous foyez la bien-venue, Dame Lucie, quelles nouuelles apportez-vous?

Lv c. Helas! Seigneur Boniface, ie n'ay pas presque le loisir de vous donner le bon soir, tant i'ay haste de vous dire qu'il vous faut songer à secourir promptement cette pauvre fille.

BON. Pour Dieu, Lucie, ne me met-

tez point en peine, si vous voulez tirer vne bonne conclusion, faites que les premisses soient bonnes, elle a le mal de bourse non pas ?

L v c. Helas ! elle se meurt.

B o n. O pauvre homme, on dit bien vray que l'argent est nostre vie, & nostre ame.

L v c. Je dy que Mademoiselle Vittorie se meurt d'amour pour vous, cruel, font-ce donc là les promesses que vous luy faisiez, vous passez doucement vostre temps, cependant que la pauvre fille fôd toute en souspirs & en pleurs, si vous la voyiez, vous la méconnoistriez : & quoy ne vous semble-t'elle plus belle cōme auparauant, l'amour donc ny la compassion n'auront-elles aucun pouuoir sur vous ?

B o n. Quoy ? a-t'elle besoin d'argent ?

L v c. D'argent, cruel, d'argent, helas ! que c'est bien là le moindre de ses soucis, si vous en voulez, elle vous en donnera.

B o m. O c'est ce que ie ne crois pas cela, ha, ha, ha.

L v c. Vous n'en croyez donc rien ?

ame de roche , cœur impitoyable ,
hélas !

BON. Vous pleurez !

Lyc. Je me plains de vostre cruauté, & pleure la misere de cette pauvre fille , hélas ! ie n'auois iamais veu, ny n'ouys iamais dire que l'amour peust tant sur vne personne. Iusquesicy il faut que ie vous l'aduouë , elle auoit tousiours eu quelque inclination pour vous , mais depuis quelques heures ie ne sçay comment elle n'a plus autre chose en la bouche que Boniface , Boniface, mon cœur , mon ame , mon amour , mon ardeur. Je vous iure qu'il y a quinze ans que ie la connois , & que depuis son plus bas aage , ie l'ay tousiours remarquee de mesme , froide & sans amour , & maintenant si vous la voyiez vous la treuueriez appuyee sur son liët , & la teste baissée sur vn oreiller qu'elle tient à deux bras , & qui s'escrie (hélas i'ay honte de le redire.) Ah mon cher Boniface , qui t'oste à mes yeux ? Fortune ennemie , lors qu'il vouloit de moy tu me l'as refusé , & maintenant que ie le desire , & que ie me consume pour luy peu à peu , ie me doute bien que tu me le denieras , ah

pauvre cœur tout navré & tout transpercé de flèches!

BON. Seroit-il bien possible que cela fut, & qu'elle parlât ainsi?

L v c. Seigneur Boniface, vous me ferez faire ce que ie ne fy iamais, vous me ferez faire des serments. Hé Vittorie que ton sort est à plaindre, en quelles mains es-tu tombee? Maintenant ie reconnoy que vous ne l'aymastes iamais, & qu'en tout Paris, il n'y a point d'homme plus dissimulé que vous, hélas! pauvre fille, quel remede, quel reconfort te pourray-je apporter?

BON. Ie te croy, ie te croy Lucie, ne pleures pas dauantage. Ce n'est pas que ie n'adioustasse foy à tes paroles, mais i'admirois qu'elle pouuoit estre ceste nouvelle influence du Ciel, qui m'a tant voulu fauoriser que d'auoir changé en si peu de tēps ce cœur de diamant, que i'ay tousiours esprouué si dur, & si contraire.

L v c. Changé? vrayment il y paroist, si ie ne l'eusse retenuë, elle vouloit venir vous trouuer en vostre logis. Ie luy ay dit, mal auisee que vous estes, vous le desobligerez, ~~ce~~ croira sa femme?

que pensera tout le voisinage qui vous verra? quelle nouveauté est-ce là dira-t-on, est-elle deuenue folle? Doutez-vous qu'il vous aime, avez-vous oublié comme il s'est tousiours iusques icy comporté enuers vous? Vrayment vous estes bien aueugle & bien despourueuë de sens, si vous ne croyez qu'il s'estimera trop heureux, lors qu'il m'oyra dire que vous desirez qu'il vous vienne voir.

BON. Et qui en doute? vous avez dit la pure verité.

Lv c. Alors la pauvre fille (comme ne se ressouuenant plus de tant de signes d'affection que vous luy avez telmoignez & que ie luy ay donnez à entendre) est-il bien possible, dit-elle, ô Ciel, qui m'es si rigoureux, que ce bien-là daigne venir à moy, qu'il m'est deffendu d'aller chercher?

BON. Ay: Et quoy ma vie, doutes tu donc de mon amour?

Lv c. Ne sçavez vous pas qu'à mesure que le desir se renforce, l'esperance a coustume de s'affoiblir, & peut estre aussi que l'effect si nouveau, & le grand changement qu'elle remarque en elle mesme,

luy fait apprehender quelque chose de semblable en vous : qui void vn miracle, en croit aisement vn autre.

BON. Tout le monde changera plustost que l'amour de Boniface. Or sans perdre d'auantage de paroles, où alliez vous ainsi chargee?

L v c. Passer chez vne de nos voisines, pour luy rendre ces hardes, & ainsi faisant d'vne pierre deux coups, i'allois de là vous trouuer en vostre logis; mais ma bonne fortune m'a fait vous rencontrer icy, quelle resolution donc prendrons nous? car ie ne seray pas si tost deschargee qu'il me faut promptement retourner soulager cette pauvre fille, en luy disant que ie vous ay veu & parlé à vous, & que vous serez incontinent aupres d'elle.

BON. Dites luy qu'elle s'en assure, & que voicy pour moy le plus heureux iour de ma vie, auquel il me sera permis de baiser ce beau visage que i'adore, & qui tient mon cœur prisonnier.

L v c. Pour bien faire, il ne faut pas manquer de venir ce soir mesme, attendu qu'elle ne mangera ny n'aura aucun re-

pos, qu'elle ne vous aye veu; ne la faites pas languir dauantage ie vous prie (si quelque pitié vous touche) car iela voy qui se consume peu à peu comme vne chandelle allumee.

B O N. Ie vay vistement expedier quelque petite affaire, & i'iray aussi tost apres d'homme de bien.

Lyc. Sçauiezvous ce qu'il vous faut faire, il sera bon pour vostre honneur & le sien, d'éuiter le soupçon du monde, qui vous peut voir entrer ou sortir de sa maison, vous n'ignorez pas que ses voisines sont tousiours penduës aux fenestres à bayer & espier qui va & vient: c'est pourquoy il est necessaie de vous déguiser & de prendre vne casaque semblable à celle du peintre Bernard, qui entre & sort librement du logis de Vittorie sans aucun soupçon, & si, il ne sera pas hors de propos, afin qu'on ne vous descouure point, si d'auanture on venoit à vous considerer de prez, que vous portiez vne fausse barbe noire comme la sienne; parce que de cette façon nous pourrons cheminer ensemble, & moy vous introduire dans la maison, sans qu'on se doute de rien;

& par ce moyen vous ferez auffi vne chose qui sera fort agreable à vostre Maistresse, quand elle verra que vous aimez autant son honneur que sa propre personne.

B O N. Vous auez tres-bien aduisé. Je suis iustement de la taille du Seigneur Bernard; pour vne casaque comme la sienne, i'en ay vne à mon commandement. Et ie m'en vay de ce pas achepter vne fausse barbe, que ie me feray si bien appliquer qu'on n'y connoistra rien.

L v c. Allez donc ie vous supplie, & despeschez. Adieu, car i'ay haste de me descharger de ce fardeau qui me rompt les bras.

B O N. Va à la bonne heure.

SCENE VII.

BONIFACE seul.

A Ses discours ie pense auoir approché l'image trop prez du feu: sans doute que ie l'ay trop chauffee, voyez comme la pauvre fille en est tourmentee: d'homme de bien, j'ay de la peine à m'empescher de pleurer. Si Scaramure, (ô le gallant homme que c'est, ie le recognoy par espreuue) ne m'auoit aduerty, en me disant, prenez garde que l'image ne se fonde, pour le certain i'eusse fait vne action à laquelle ien'ose pas seulement penser, & puis qu'on m'aille à present mettre la Magie au nombre des Sciences vaines.

SCENE VIII.

MARTHE, BONIFACE.

MAR. **V**Oicy nostre gros asne, & pleust à Dieu qu'il fut entier, car du moins il pourroit seruir à quel-

que chose. Bon soir, Seigneur Bonenface.

B O N. Vous foyez la bien rencontrée, Madem. Marthe, vostre mary est Philophe, c'est la raison que vous foyez Philosophe; c'est pourquoy ie ne dois pas trouuer estrange, si vous vous ioüez sur les noms, qu'entendez vous par ce mot Bonenface? Ne croyez vous pas que ie vous sois amy en derriere comme en presence, vous avez tort de vous mocquer de moy.

M A R. Comment va la bourse?

B O N. Comme la ceruelle de vostre mary quand il n'a point d'argent.

M A R. Ie dy comment va, vous m'entendez bien.

B O N. Ie vous remercie, Mademoiselle, vous faites de mesme que les Medecins, qui portent tousiours la main au mal, si i'estois homme pour vous, ie vous le ferez sçauoir: mais ma foy, si vous en voulez, sortez de la ville.

M A R. Vous voulez dire que i'aille courir le rempart & la campagne, & que ie ne suis plus bonne qu'aux laquais.

B O N. Bien pis. Vous n'estes plus bon-

ne qu'à vn Cimetiere, parce qu'une femme qui passe trente cinq ans, doit estre *in pace*, & songer plus aux morts, qu'aux vifs.

MAR. Et nous autres femmes aurions nous pas raison d'en dire autant de nos marys?

BON. Non, parce que la femme est faite pour l'homme, & non l'homme pour la femme: elle est, dis-je, faite pour luy servir, & quand elle n'y est plus propre, il faut qu'elle aille aux diables chercher party, à vn autel destruit & tout moisy on n'allume plus de chandelles.

MAR. Vn homme aagé comme vous, & qui deust estre sage, n'a-il point de honte de tenir ces propos? aux ieunes hommes, les ieunes femmes; mais les vieillards se doiuent contenter des vieilles.

BON. En fin Mademoiselle, à vieux matou, ieune souris.

MAR. Pourquoi n'entendez-vous pas ce proverbe aussi bien pour les vieilles que pour les vieillards?

BON. Parce qu'encore vn coup, la femme est faicte pour l'homme; & non

l'homme pour la femme.

MAR. Et le mal vient de ce que vous autres hommes estans iuges & parties tout ensemble avez fait les loix : mais bien sottes sont les femmes qui.

BON. Qui y obeyssent ?

MAR. Je ne veux pas dire cela ; mais que vous meriteriez bien vous autres, qu'on vous chastiait en vous rendant la pareille.

BON. C'est à dire , que chacun se pourueut de son costé.

MAR. Hi, hi, hi, hi.

BON. Ha, ha, ha, ha.

MAR. Et vous comment traictez-vous vostre femme ? ma foy, i'ay grand peur que vous ne la laissiez mourir de soif, encore qu'elle soit ieune & belle ; mais quoy , la viande a beau estre belle & bonne, on en est bien-tost saoul, quand c'est tousiours la mesme : il faut changer quand ce deuroit estre en pis, l'appetit se rebute s'il n'a que d'une sorte de mets, n'est-il pas vray ?

BON. N'est-il pas vray vous mesme ? qui diable vous en a tant appris ? ie ne sçay ce que vous voulez dire, est-ce par ouyr dire, ou comme sçauante que vous

en parlez ? Or laissons là ces railleries. Mademoiselle : ie n'ignore pas que vous auez la connoissance de beaucoup de secrets, ie voudrois bien que vous m'aydassiez de quelqu'un : il est vray cela, i'ay quelque indisposition, entendez vous ? i'ay le mal caduc, donnez - moy de grace quelque recepte pour m'empescher de tomber, i'ay quelques courses à faire dans peu.

M A R. *Recipe*, de l'eau de reins avec force pistaches, & pignons, mettez le tout ensemble & en faites vn breuuage, & puis vous gouuernez en sorte que vous vous teniez tousiours droict sur les estriers, afin qu'en galoppant, galoppant, l'arçon de la selle ne vous rompe point le croupion.

B O N. Ma foy vous estes vne doctoresse immatriculee. Il faut que ie vous quitte de necessité, pour quelque affaire pressante. Adieu, ie m'en vay fort content.

M A R. Adieu: si vous rencontrez mon enfumé de mary, dites luy que ie l'ay enuoyé chercher, & que ie le cherche pour chose d'importance.

SCENE NEUFIESME.

MARTE seule.

NÉz, couppe n'a faute de lunettes,
disoit vn de mes amis, à qui Dieu
doint bonne vie. Il entendoit par là, que
d'autant qu'il estoit plus pauvre que le
Roy de France, d'autant le Roy de France
estoit plus necessiteux que luy: plus on en
a, plus on en veut, plus on desire, & moins
on est content. Quelque petit Prince
d'Italie se maintiendra avec le reuenu de
dix escus par iour, & le Roy de France
aura de la peine à le faire avec dix mille
fois autant: Pensons donc vn peu qui des
deux est le plus riche, & doit estre le plus
heureux, de celuy qui n'a guere à rece-
voir, ou de celuy qui a beaucoup à don-
ner? à la Rochelle, de combien de mil-
lions de liures, auoit-on affaire? & quand
est-ce qu'un petit Seigneur a iamais eu
besoin de la centiesme partie? & com-
ment pourroit-il auoir besoin de plus?
Or voyez maintenant qui des deux est le

plus necessiteux ? Misérable que ie suis, ie n'esprouue que trop cette verité : I'estois mille fois plus heureuse, lors que mon mary n'auoit pas tant de la moitié à dependre : Nous passions toute la nuit en delices, & vne bonne partie du iour, soir & matin nous beuuions à la santé l'un de l'autre, rubis sur l'ongle; & maintenant qu'il a herité d'un sien oncle, il est sans cesse à réuer, à trauailler, à craindre qu'on ne le vole, que celuy-cy ne le trompe, & que cét autre ne l'assassine, il va, il vient, il trotte, il court, & souffre vingt-quatre heures le iour : Cependant sans cét honneste homme de la Barre, ie iurerois bien qu'il y auoit plus de sept mois que i'estois en aridité, & si ie me vois à la veille d'auoir encore pis: car au lieu de quitter son fourneau, & s'en venir gentiment en ma chambre, il est party à heure induë du logis, de sorte qu'il me le faut maintenant aller chercher, parce que bien souuent les graces s'accomplissent, lors qu'on y pense le moins. Ho, ho, il me semble que ie l'entends.

SCENE

SCENE X.

BARTHOLOMÉE, MARTHE, MOCHION.

B A R. **M**iserable & infortuné que ie suis!

M A R. Dieux quelles plaintes font-celà?

B A R. Helas (s'il est ainsi) ie suis perdu, moy, ma peine, & mon argent, dy moy petit frippon, sçais-tu bien qu'il t'a dit cela? prends bien garde à ce que tu dis.

M A R. Ouy Monsieur, il m'a dit qu'il n'auoit point de cette poudre, & qu'il ne sçauoit s'il s'en pouuoit trouuer, & que ce qu'il en auoit eu luy auoit esté baillé par Sancy, enfin il dit qu'il n'en connoist ny le nom, ny la vertu.

B A R. O miserable Bartholomée!

M A R. Que sera-ce de tout cecy? qu'auuez-vous, mon cher Bartholomée?

B A R. Quoy mal heureuse, que fais-tu icy à l'heure qu'il est? retournes t'en au logis de par tous les diables, ie veux deli.

berer si ie me doibs pendre ou non. Allons Mochion, allons le trouuer, l'as-tu laissé en sa boutique?

MOR. Ouy Monsieur, c'est le plus court par icy.

MAR. Helas ! il m'en faut retourner en la maison attendre des nouuelles de cecy. I'ay peur que mes imprecations n'ayent esté exaucées ; le Ciel me preserue de tout mechef. Cet homme qui me suit pas à pas porte plus la mine d'un espion de tiretaine, que d'un moulin à vent ; c'est pourquoy ie feray mieux de redoubler le pas.

SCENE XI.

MAMPHYRIVS seul.

DANS les Erasmes d'adage, dans les Erasmes adagiens, dans les adagiens d'Erasme, *hallucinatus sum*, dans les adages d'Erasme, ou Erasmiens, dis-je, il y en a vn entr'autres qui dit, *Atoga ad pallium*. Accomplissant celui-cy en ma propre personne, j'ay raison de croire

que ce iour m'est *nigro signandus lapillo*.
O cælum, ô terras, ô maria Neptuni, apres
qu'un vautrien m'a arraché des mains
mon argent, trois autres se sont offerts à
moy sous pretexte de m'estre officieux,
lesquels, *non dicam dexteritate, sed siniste-*
ritate quadam, me laissant sur le dos un
mantelet tout ras & delabré, *proque capi-*
tis operculo, un vieux chapeau, *qui versus cē-*
trum & in medio, præ nimij sudoris desitu-
dine, paroist de cire, crasseux, empoissé,
& encuirassé, m'ont emblé ma robe
magisteriale avec mon chapeau. *Proh*
Deum atque hominum fidem! me voicy tom-
bé à *patella, ad prunas*, de la poisse en la
braise. Ils m'ont attiré en me disant, sui-
uez-nous, car nous vous ferons trouuer
le voleur : Je me suis donc acheminé
avec eux à la bonne foy, iusques à ce
qu'estans tous arriuez au domicile de
certaines meretricules, *ut facile credide-*
rim, eux y entrans m'ont fait demeurer
dehors *in atrio inferiori*, me disant : C'est
le meilleur que nous entrions deuant
pour le surprendre, afin qu'il ne semble
pas que nous le voulions confondre *ex*
abrupto, avec vostre presence : mais at-

tendez icy , car bien-toſt quelqu'un de nous vous viendra appeller pour reſoudre avec la moindre excaſſeſcence qui ſe pourra, *quod ad reſtitutionem attinet*. Or apres auoir attendu vn long eſpace de temps, en me pourmenant, & meditant les moyens, dont ie le deuois conuaincre, *tandem* voyant que perſonne ne me venoit appeller, eſtant monté par de certains degrez, ie frappe à la porte de la premiere chambre d'où il me fut reſpondu que ie paſſaſſe outre, parce qu'il n'y auoit, & n'y auoit eu que les domeſtiques qui eſtoient preſents. *Aliquantulum progreſſus*, ie heurte à la porte d'une autre chambre de la meſme maiſon, d'où vne vieille me reſpond, que ſi ie voulois entrer, il n'y auoit que de certaines filles, *minimè contemnenda*, à laquelle repliquant que j'auois d'autres phantaſies dans la teſte, *ulterius progreſſus*, ie me trouue hors du logis qui auoit vne autre iſſuë dans vne autre rue. Alors *de neceſſitate conſequentiæ*, ie conclus, donc j'ay peut-eſtre eſté pareillement deceu par ceux-cy, veu que *domus iſta duplici conſtat exitu, & ingreſſu*, & rentrant de nou-

veau dans le logis, *percunctatus sum*, s'il y auoit quelque lieu où ils se peussent estre retirez, & on me respondit en forme: Mon amy, s'ils sont entrez par ceste porte, ils seront sortis par celle-là, & s'ils sont entrez par celle là, ils seront sortis par celle-cy. Alors redoutant quelque rencontre semblable aux precedentes, ie me tuis absenté de ce lieu-là, & iouxté la sentence Pithagorienne, fuyant les chemins populaires, & allant par les detours, j'attends le temps de m'en retourner au logis, parce que maintenant pour la frequence des allans & venans, ie crains d'estre rencontré, au preiudice de ma reputation, de quelqu'un qui me reconnoisse en cet habit indecent, *expedit* que ie me retire, *in istum angulum*: car ie voy s'approcher vne couple de femmellettes.

SCENE DOVZIESME.

KERVINE. LUCIE.

KER. **A**V nom de Dieu soit. Trouvez-vous qu'en mes gestes, & en ma façon ie ressemble à Mademoiselle Vittorie?

LVC. Ie vous iure que c'est elle mesme, & que ie m' imagine estre avec elle. Il n'y a pas iusqu'à la voix & à la parole, que vous n' ayez de mesme : mais vous ferez bien de luy parler tousiours bas, en le priant d'en faire autant, & feignant de craindre que vos voisines ne vous entendent, ou quelques-vns du logis. Quant à ce qui est du visage, vous l' auez aussi delicat, & aussi plein que Vittorie, & peut estre encor meilleur.

KER. Vous ferez en sorte que la lumiere n'entre point dans la chambre deuant que ie vous en aye donné le signal, parce que ie le veux conuaincre d'intention & de fait.

LVC. Outre qu'il sera bon de don-

ner quelque soulas à la pauvre beste deuant que de la tourmenter, & vous ferez bien aise de voir auec quelle deuotion il s'y portera.

KER. Pour ce qui est de cecy, ie veux que vous en receuiez plus de plaisir que luy. Je me monstrey toute enflammee d'amour, & luy donneray des baisers qui ne seront pas tout de miel, ie luy mordray les iouës, & luy ferreray les levres entre mes dents, de sorte qu'il sera contrainct de vous faire ouyr ses cris, & de vous faire goustier de la Comedie. Alors ie luy diray, mon cœur, ma vie, hé, de grace, ne criez pas, car on nous entendra, pardonnez-moy mon ame, tout cecy ne prouient que d'un excez d'amour.

LVC. Il croira que cela se fasse par la force del'enchantement.

KER. Je me pafme & distille tellement de plaisir, que j'aurois enuie de te sucquer iusqu'à la moëlle.

LVC. Amour de vipere, dira-il à part foy.

KER. Ce n'est pas assez: Je feray en sorte qu'il me donnera la langue, & ie

l'estraindray si fort avec mes dents, qu'il ne la pourra retirer quand il voudra, & ne la quitteray point qu'il n'ait elancé trois ou quatre cris.

L v c. Je conteray cela à Vittorie. Ha, ha, ha, il pourra bien crier, mais non pas parler, ny faire autre chose.

K E R. Et lors ie luy diray, mon petit cœur, pardonne moy ie te prie ces excez, la trop grande ardeur dont ie me consume pour toy en est la seule cause, hélas ! ie pense que ie deviendray folle.

L v c. Et luy dira en soy-mesme, quelles amours de chienne chaude, quelles fortes d'embrassemens sont-ce là ?

K E R. Mais foyez assuree que ie le feray crier si haut, qu'on l'entendra iusques à mon logis; & tant pis pour luy, s'il ne crie bien fort, parce qu'il en sera d'autant plus tourmenté. Quand vous orrez ces derniers cris, vous entrerez avec de la chandelle, comme venant de chez vous, & ainsi par vostre moyen nous nous reconnoistronts tous à la lumiere, du reste, nous prendrons conseil sur le champ.

L v c. Tout cela va le mieux du monde.

de. Allez donc au logis de Vittorie, marchez comme vous sçauuez, & tenez vostre visage couuert d'un voile. Si vous le rencontrez en chemin, tesmoignez par quelque action, que vous ne trouuez pas bon qu'il vous aborde, ny qu'il parle à vous en pleine rue. Faites luy vne profonde reuerence, & quand vous serez vn peu aduancée, esclancez quelques soupirs enflammez, & allez droict à nostre porte que vous trouuerez ouuerte. Ce pendant iem'en vay faire vn petit tour, pour quelques affaires, & puis ie l'iray chercher pour l'amener deuers vous. Pensez bien à ce que ieyous ay dit: Adieu.

K E R. Adieu iusqu'à tantost.

SCENE XIII.

LIVIE seule.

LE Prouerbe dit bien, qui veut trouuer le Quaresme court, n'a qu'à faire vne debte à payer à Pasques. Toute la foiree ne m'a semblé qu'une minute d'as le dessein que i'auois de faire esclorre

ces œufs; Maintenant tout va bien: Il ne me reste plus qu'à aduertir le Seigneur Bernard, qu'il aye à se trouuer à temps & lieu & luy, & les autres, on ne sçauroit faire qu'en faisant; il faut laisser tomber le marteau avec mesure, l'un après l'autre, quand on est plusieurs à battre sur l'enclume. Qui parle du loup en void la queue: voila par ma foy Bernard luy mesme, qui vient tout à point nommé.

SCENE XIII.

LUCIE. BERNARD.

Lyc. **V**ous foyez le très-bien venu, Seigneur Bernard.

BER. Et bien qu'as-tu fait Lucie?

Lyc. Tout. Boniface s'est allé desguiser, & se mette vne barbe faicte comme la vostre, sa femme s'en vient tout maintenant habillée comme Vittorie, La Coque est vestu en Commissaire, & en represente la façon; La Fontaine, la Barre, & la Riuere, sont accommodés en Sergents.

BER. Je les viens de voir tout à cette heure icy près qui acheuoyent de prendre du Tabac, & ay parlé à eux, pour moy ie prendray bien garde que le morceau ne m'eschappe pas, as-tu parlé de moy à kerubine?

Lvc. Me croyez vous si simple?

BER. Tu as bien fait de ne luy rien dire. Bonne mere, ie te veux baiser, ha.

Lvc. Voila vn present d'un enfant à sa mere-grand: mais ma foy i'ay besoin d'autre chose.

BER. Aussi n'est-ce là qu'un gage en attendant mieux: ma Lucie, il est impossible de trouuer femme qui entende mieux à manier vne affaire que toy.

Lvc. Si vous sçauiez la peine que i'ay eüe, & l'artifice qu'il m'a fallu employer, pour faire comprendre à Boniface la nouuelle amour de Vittorie, & pour le persuader de se desguiser, & aussi pour en faire venir kerubine au poinct où elle est, vous vous estonneriez bien d'auantage.

BER. Je suis certain que tu viendrais à bout de choses encore plus difficiles & de plus grande importance que celle-là.

Or sera-ce bien fait que ie parte d'icy, puisqu'il n'est plus temps de prendre conseil: Et si Boniface venoit, & nous voyoit ensemble à cette heure, il auroit subiet de se deffier de quelque chose, & trop de sel pourroit bien gaster nostre farce. Adieu.

Lv c. Allez, accommodez vous vous autres, parce que pour luy ie l'accommoderay bien moy-mesme.

S C E N E X V.

M A M P H V R I V S seul.

PVIS que ceux-là s'en sont allez, j'ay enuie de me deambuler vn peu icy; j'ay veu deux femmes discourir ensemble, & puis l'vne d'elles est demeuree pour confabuler avec ce peintre. La ieune doit estre quelque louue, *Vnde deriuatur Lupanar*, & la vieille est sans doute vne maquerelle: Cette façon de colloque *habet lenocini specimen*, l'estime ce peintre, *aliquantulum fornicator: Ergo sequi-*

tur conclusio. Mais voicy vne troupppe de gens qui s'approche: ie me veux derechef retirer.

SCENE XVI.

La Coqve vestu en Commissaire.

La FONTAINE, La BARRE, La RIVIERE,
en Sergents.

LA Co. **S**Ans doute que cet homme de bien qui prend la fuitte, & qui se cache, est quelque pauvre ame qu'il faut mener en Purgatoire, pour certain c'est quelque miserable piqué du remords de sa conscience, prenez-le.

LA BAR. Qui va là?

MAM. *Mamphurius artium Magister.* Je ne suis point malfaiâteur, *Non fur, non mœchus, non testis iniquus, Alterius nuptiam, nec rem cupiens alienam.*

LA Co. Quelles prieres sont-ce là que tu barbottes, Complie ou Matines?

LA FON. Les sept Pscaumes, ou l'Office des Morts?

LA Co. Quel est ton mestier? sans doute qu'il voudra contrefaire le Clerc.

MAM. *Sum Gymnasiarcha.*

LA Co. Qu'est ce à dire, *Asinarcha*? liez-le, liez-le vistement, qu'on me le mène en prison.

LARI. Donnez la main beste esgarree, & suiuez nous, nous vous donnerons logement pour ce soir, vous demeurerez dans vne maison Royale.

MAM. Messieurs ie suis vn pauvre maistre d'Escole, auquel on vient n'aguere de desrober son argent & ses habits.

LA Co. Pourquoi fuyez-vous donc la iustice? n'est-ce pas comme voleur que que vous là fuyez? zo, zo, zo.

MAM. Je vous prie Messieurs, ne me frappez point, parce que ie fuyois de crainte que vous ne me vissiez en cét habit qui n'est pas mien.

LACo. N'est-ce pas, ce que ie te dis, que tu es vn voleur? O la garçons ne prenez vous point garde à ce manteau qu'il a sur ses espaules, n'a-t'il pas esté pris à vn de vos compagnons depuis peu?

LARI. Pardonnez-moy Monsieur, ce n'est pas celuy-là, celuy que vous dites

auoit des passemens iaunes au collet.

LA COQ. Et ne les voy-tu pas aussi? Es-tu aueugle? Sont-ce pas là des passe-mens? ne sont-ils pas iaunes?

LA RI. Il est ma foy vray.

LA FON. Je me donne au diable, si ce n'est là vn insigne tirelaine, 20, 20, 20.

MAM. Helas! pourquoy me frappez vous? ie vous dis qu'il m'a esté donné au lieu de ma robbe, par quelques sce-lerats, & *ut more vestro loquar*, par quelques tirelaines.

LA COQ. A present tout ce qui nous apert, c'est que tu es vn homme, qui fuys la iustice, que ce manteau a esté derobé, c'est pourquoy il faut quu tu ailles en prison, cependant qu'on en decouurira le voleur.

MAM. Menez-moy au logis de mon hôte aupres de sainte Geneuiefue, & ie vous prouueray cōme ie ne suis point mal-faiéteur.

LA COQ. Nous ne prenons pas ainsi les gens pour les mener en leur logis, venez, venez au petit Chastelet?

Quãd vous serez dedãs vous ferez à partie.

MAM. Helas! traictez-vous ainsi les

doctes Maistres d'escole, donc, *tanto im-*
properio vultis me afficere?

LA FON. Parle Turc, parle le Grim-
moire, si faut-il que tu suiues.

LA BAR. Il parle bon Chrestien, car
il parle Latin comme on parle à l'Eglise.

LA FON. J'ay peur que ce ne soit
quelque Moine defroqué.

MAM. *Non sum homo Ecclesiasticus*, ie
vous ay desia dit que i'estois vn Maistre
d'escole.

LA COQ. Tu en as menty pendar, tu
n'en as point la façon, zo, zo, zo.

MAM. Je vous reciteray cent vers de
suinte du Poëte Virgile, ou toute l'Æ-
neide, *per capita*. Le premier liure com-
mence selon aucuns. *Ille ego qui quondam,*
& selon les autres. *Arma virumque cano.*
Le second, *Conticuere omnes*. Le troisiè-
me, *Postquam res Asia*. Le quatriesme, *At*
Regina graui. Le cinquiesme, *Tu quoque*
littoribus nostris. Le sixiesme, *Sic fati*
lacrymans.

LA COQ. Tu ne nous enchantera^s
pas avec ton Latin, que tu as appris pour
t'en seruir au besoin: Il faut bien que tu
ne sois qu'un ignorant, car si tu sçauois
quel-

quelque chose, tu ne t'amuserois pas à voler.

M A M. Amenez-moy qui vous voudrez, & ie le rendray quinaut deuant vous.

L A C O Q. *Cennera nomino quot sunt.*

M A M. C'est là vne question à faire à ceux qui commencent, *tirunculis*, *Isagogicis*, & *primis attingentium labellis*, auxquels on explique, *masculum*, id est le masculin, *fæmineum*, id est le féminin, *neutrum*, ce qui n'est ny l'un ny l'autre, *commune*, ce qui est & l'un & l'autre.

L A B A R. Masle & femele ?

M A N. *Epicænum*, ce qui ne distingue pas vn sexe d'auec l'autre.

L A C O Q. Lequel estes-vous de tous ceux-là, n'estes vous point volontiers Epicæne ?

M A M. *Quæ non distinguunt sexum diccas Epicæna.*

L A C O Q. Si vous estes Maistre d'escole, dites-moy, qu'enseigniez-vous premierement aux enfans ?

M A M. Dans la Grammaire de Des-pautere, on lit ce vers tout le premier.

Omne viro soli quod conuenit, esto virile.

LA COQ. Declara

MAM. *Omne, id est, totū, quicquid, quid libet, quodcumque, uniuersum, Quod conuenit, congruit, quadrat, adest. Viro soli, id est, duntaxat, tantummodo, solummodo viro. Est, id est, sit vel dicatur, vel habeatur virile, c'est à dire, ce qui conuient seulement à l'homme est viril.*

LA COQ. Quelles propositions sont - ce là qu'ils enseignent premierement aux enfans ? Ce que seulement les hommes ont, & qui manque aux femmes, cela soit & s'appelle viril, c'est à dire ie ne l'ose dire. Par m^a foy voyla de fort belles leçons.

MAM. *Nego, nego*, ie ne dy pas ce que vous pensez (voyez comme il importe de parler à des gens qui ne sont pas sçauants) ie parle du genre qui conuient aux masles.

LA CO. *Zo, zo, zo*, Cela est plustost pour les femmes double vilain.

MAM. Ce que vous pensez, est des masles, *propriè & vt pars*, & est des femmes, *vt portio & attributinè vel applicatiuè.*

LA CO. Tost, tost, mettez le dans

cette maison , & nous le menerons incontinent apres au Chastelet , pour luy apprendre à contrefaire le Docteur.

M A M. *Memiserum , verba nihil prosunt :
ô diem infaustum , atque noctem.*





A C T E

CINQVIESME.

SCENE PREMIERE.

BONIFACE, LVCIE.

BON.

Lv c.



O, ho, ho, ho.

Qu'avez-vous,
Seigneur Ber-
nard?

BON.

Hé ! souvenez-
vous que ie suis Boniface ho, ho, ho, ho.

Lvc. Je vous iure que ie ne m'en ressou-
viens pas, tât vous estes bien desguisé, &
qu'il me semble qu'il ne vous manque pas
mesme le nom du Seigneur Bernard.

BON. Bon, bon, il ne sera pas mau-
vais de m'appeller ainsi ; afin que si quel-
qu'un vous oyoit, il me prit pour luy,
hi, hi, hi.

Lyc. Vous tremblez! qu'avez-vous?

Bon. Rien, rien, hin, hin : Songez Lucie, que si quelqu'un pèsât que ie fusse le Seigneur Bernard, vouloit parler à moy, il faut que vous luy disiez (car pour moy ie feray semblant d'estre en colere, & passeray outre sans rien dire) qu'il me laisse, parce que j'ay quelque chose dans la teste qui ne va pas bien.

Lyc. C'est bien aduisé : Je me garderay bien de faire autrement.

Bon. Ho, ho, ho.

Lyc. Je voudrois bien sçauoir pourquoy vous tremblez, est-ce de froid, ou de peur? qu'avez-vous?

Bon. Ma chere Lucie, j'ay j'ay le tremblement d'amour, quand ie pense que tout maintenant, tout maintenant, ie doibs estre ioinct à mon bien, hin, hin, hin.

Lyc. O i'entends, i'entends à cette heure quel tremblement c'est, ainsi tréble vn bõ cõpagnon quand il se trouue enfin avec sa bõne dame, & vous vous imaginez d'estre desia avec elle, parce que vous n'en estes pas trop esloigné.

Bon. Ho, ho, ho, belle Vittorie, ô mon

bien , & quel estoit ce cœur de diamant, qui me faisoit mourir, hi, hi, hi.

L v c. Vous estes maintenant son bien, comme elle est le vostre; ie iure que vous pourriez en effet r'amollir vn diamant, tant vous auez le sang doux & benin. Ie vous trouue aujourd'huy plus beau que de coustume, ie ne sçay si cela prouient d'amour ou d'autre chose.

B o n. Ho, ho, ho. Allons viste Lucie, la patience m'eschappe.

L v c. Ma foy vous me faites rire, & pourquoy vous émouuez-vous tant aussi ?

B o n. Ha, ha, ha : Tu as raison Lucie, tu as raison.

L v c. Allons donc.

S C E N E I I.

BARTHLOMEE, GONSALVE, MOTHION.

B A R. **T** Raistre, voleur, tu n'as donc point de cette poudre-là ?
helas ! ie suis perdu , ô vilain tu me le

payeras.

GON. Pauvre homme tu feras mieux de te taire, autrement tout le monde t'estimera peu sage, & fera des contes de toy dans Paris, tu seruiras de subiet de Comedie mesmes aux enfans, & si au bout du conte tu n'y gagneras rien.

BAR. Penfes-tu me pouuoir faire taire avec ces discours?

GON. Si tu ne te veux taire, egofilles-toy à force de crier, comment voulois-tu que ie sçeusse rien de cecy? Il y a vn mois que vostre Sancy me vint trouuer, & me demanda si i'auois de l'alun, du vif argent, du souffre roux, & mille autres choses communes, ie luy respondis que ouïy, & il me dit, vous serez donc mon espicier ordinaire, pour quelques operations que ie fay. Gardez aussi deuers vous cette poudre qu'on appelle *puluis Christ*, de laquelle vous m'enuoyerez selon la quantité que ie vous manderay: ayez aussi deuers vous cette valise où est renfermé ce que i'ay de plus cher, & de plus precieux.

BAR. Et a-t'il emporté cette valise-là?

GON. Et non: c'est pourquoy il ne

faut point faire de bruit , car s'il vient la
requerir , il ne sortira pas d'entre mes
mains comme il pense.

B A R. Cela seroit bon , s'il n'estoit pas
party en poste, ne le viens-tu pas d'ouïr
dire Mochion ?

M o c. Tous les postillons le disent
ainsi.

G O N. Or que puis-je mais de tout ce-
cy moy ? Deuez-vous pas le connoistre,
puisqu'il trauailloit en vostre logis ? &
qu'il a demeuré plus de quinze iours avec
vous ? là où moy ie vien d'apprédre tout
presentement où il logeoit : vous m'avez
escript de vostre propre main les billets,
par lesquels vous me demandiez tantost
vne chose , & tantost l'autre , & quant à
ce qui est de cette poudre que vous nom-
mez *puluis Christi*, vous m'en avez tant
demandé dès la premiere fois qu'il ne
m'en demeura plus que la moitié , & la
seconde, tant que ie vous enuoiaay le
reste. Et aujourd'huy que vous m'en
avez tant encore enuoyé demander , que
tout ce que i'auois n'en eut pas esté la di-
xième partie , ie m'en suis estonné , &
vous ay enuoyé dire que l'Alchimiste

Sancy ne m'en auoit pas donné d'auantage.

BAR. Ah ! ie ne doute point que vous ne vous soyez entendus tous deux ensemble pour me tromper.

GON. Si tu as quelque soubçon de moy, tu te trompes fort, abusé que tu es, il ne falloit que luy seul pour se mocquer de toy, comment voulois-tu que ie sçeusse rien de tes affaires , puisqu'il y a plus de dix ans que ie n'ay parlé à toy ? Tu as enuoyé querir à ma boutique ce que tu as voulu , & ie t'ay enuoyé ce que i'auois.

BAR. Helas ! cette poudre estoit de l'or puluerisé , & meslé avec ie ne sçay quels diables d'ingrediens , qui empeschoient de le reconnoistre , ie voyois bien qu'elle estoit plus pesante que la poudre ordinaire, & c'est de là d'où venoient ces baguettes d'or ; maudit soit le iour que ie le vy pour la premiere fois, ah ! ie me veux pendre.

GON. Va viste , & te depesche.

BAR. Ie me veux pendre, mais apres t'auoir fait pendre traistre & pendart que tu es.

G O N. Tu en as menty ; va, fay moy du pis que tu pourras , nargue , ie me mocque bien de toy, va pource fou, va chercher ta poudre au diable.

B A R. Las ! que feray-ie , comment recouureray-ie mes escus?

G O N. Fait comme ce compagnon là à fait , au moins si tu en peux trouver quelque autre aussi facile à attraper que toy, & qui ayt la bourse aussi bonne que tu l'avois.

B A R. Coquin voyla des tours de tes semblables.

G O N. Attends , attends, ie m'en vay te faire sortir la folie de la teste à coups de poing, *tob, tob.*

B A R. Comment marault , à qui t'attaques-tu?

G O N. Taste encore de ceux-cy qui font vn peu plus chaussans, *zo, zo.*

B A R. Aufsecours, on me tuë, on me tuë.

M o c. Aufsecours, aufsecours , il assomme mon maistre à coups de poing.

B A R. Ie veux faire rentrer de cette façon les iniures qui sont sorties de ta bouche. *zo, zo.*

BAR. Au secours , au secours , on m'assassine.

SCENE III.

LA COQUE en Commissaire.

LA RIVIERE, LA BARRE, LA FONTAINE,
en Sergents.

BARTHOLOMEE, GONSALVE, MOCHION.

LA COQ. **Q** Vi va là, qui va là, quel bruit est-cecy?

BAR. Ce voleur m'a assassiné en mes biens , & maintenant m'assassine en ma propre personne , comme vous voyez.

LA COQ. Liez-les ensemble , & me les menez au petit Chastellet.

GON. Monsieur, il m'impose des choses entierement esloignees d'un homme de bien tel qu'on me reconnoist.

BAR. Allons, allons en prison , parce que la Iustice en ordonnera.

LA BAR. Cheminons viste , car il est desianuiet.

LA Co. Liez, liez les bien, qu'ils ne s'échappent.

LA R I. S'ils m'échappent qu'on m'accuse de les auoir fait euader

LA Co. Liez-les dis-je bien serré avec cette corde là : Allons, allons vifte.

B A R. Malheureux que ie suis; mais encore plus malheureux vn tel iour pour moy: Mochion va-t'en à Marthe, & luy dy qu'elle vienne demain au matin me trouuer au petit Chastelet.

Moc. Iem'y en vay Monsieur.

LA Co. Marchez donc vifte, de par tous les diables.

SCENE IIII.

M O C H I O N seul.

ON dit bié vray, que iamais vn malheur n'arriue sans l'autre: Pour son premier malheur, mon Maistre a conu Sancy : Pour le second, il luy a laissé fix cens escus: Pour le troisieme, il a beaucoup despécé, & fait grâde prouision de soufflets, de fourneaux, de charbon, &

d'autres choses qui seruent à cette folie-
là: Pour le quatriesme, il a perdu son
temps; Pour le cinquiesme, son trauail;
Pour le sixiesme, il a eu, & aura dispute
avec cét espicier; Pour le septiesme, il
en a receu pour le moins douze bons
coups de poing; Pour le huictiesme, il est
allé en prison: Pour le neufiesme, il luy
en coustera encore bonne auant que d'en
sortir: Pour le dernier, il donnera subiet
de faire vne Comedie de luy pour cette
maudite poudre. Il me semble que ie voy
le Seigneur Bernard, il faut qu'il ait en-
tendu quelque chose de cecy, ie ne sçay
ce qu'il va barbottant à part soy, ie le
veux escouter.

SCENE V.

BERNARD, MOCHION.

BER. **I**'Ay peur que nos filoux ne se
soient amusez à d'autres choses,
& n'ayent oublié la principale, ô la haut
le beau fils.

Moc. Que vous plaist-il Monsieur

Bernard?

B E R. N'avez-vous point veu quelques personnes passer par icy?

Moc. Trop à la malheure.

B E R. Quelles gens estoient-ce?

M o c. Le Commissaire avec trois ou quatre Sergens qui ont mené mon maître prisonnier avec l'espicier Gonfalue, parce qu'ils les ont trouvez qui se battoient à coups de poing : ils les ont menez estroitement liez au petit Chastelet.

B E R. Qui est ton Maistre?

M o c. Le Seigneur Bartholomée.

B E R. Quoy le Seigneur Bartholomée est allé en prison ! quelle disgrâce ! mon fils , dy moy le subiet pourquoy il se battoit avec Gonfalue.

Moc. Monsieurien'en sçay rien : Pardonnez-moy , s'il vous plaist. J'ay haste d'aller au logis.

B E R. Va-t'en à la bonne heure.

SCENE SIXIESME.

BERNARD seul.

SANS doute que ce frippon de la Co-
que avec sa compagnie se mocque
de moy, & est occupé apres quelque au-
tre drolerie, cependant Boniface & sa
femme viendront à sortir de la maison
de Vittorie & moy ie demeureray seul,
sans rien faire: que fussent-ils bien loin.
Pleust à Dieu que ce fussent eux que ie
voy venir.

SCENE VII,

La Coque, La Barre,
La Fontaine, La Riviere,

La Co. **H**A, ha, ha: Ils ressembloient
à ce malade, qui ne pouvoit
dire, où le tenoit le mal. Le Medecin luy
touchoit le costé, & luy demandoit est-

ce là ? non, puis les reins, est-celà ? non, puis l'estomach, est celà ? nō, le vêtre, est-ce là ? nō, N'est-ce point peut-estre ceste jambe, qui vous fait mal ? non, Monsieur regardez si ce n'est point l'autre.

LA BAR. Ha, ha, ha.

LACo. Aussi ces Messieurs se trouuoient fort mal entre nos mains, & ne pouuoient dire où estoit leur mal.

LARI. Quand Bartholomee sentit que ie portois la main à sa bourse, vous estes aussi peu Sergents, cedit-il; & moy prisonnier, que vous estes Cardinaux, & moy Pape. Prenez, prenez, grand bien vous puissent ils faire, parce qu'aussi bien retireray-ie tout de ce pendent, oüy, oüy, respondit l'autre, attends t'y Jean Fichu.

LACo. Et cét autre, quand vous luy ostiez la sienne, que disoit-il ?

LARI. Ha, ha, ha; Par ma foy ce dit-il, ie voy bien que nostre affaire est faite, l'arrest est donné, il faut que l'espicier paye les espices, nous voicy expediez, & hors de prison, hélas ! nous auons commis l'offence, & nos bourses en font la penitence.

LACo.

LA Co. Et toy que luy respondis-tu? ne disois-tu mot?

LA Riv. Pour cette fois (ce luy fis-ie) on vous le pardonne, & nous ne voulons pas vous mener en prison, & afin que vous ne vous fassiez point de mal en vous battant, nous vous laissons ainsi liez, & par ce moyen vous voyla d'accord & dos à dos, mais parce que il n'est pas raisonnable qu'il m'arriue du mal de vous auoir fait du bien, & que ie perde mon temps & ma peine, & la valeur d'une toise de corde, ie me veux payer par mes propres mains, & d'autant qu'il n'y a point icy de lumiere, attendez moy, car ie reuiens vous rapporter vostre reste.

SCENE VIII.

BERNARD, LA COQUE.

BER. **H**E bien Messieurs, qu'avez-vous fait?

LA Coq. Chastie deux malfaiteurs.

BER. Faites la iustice, & Dieu vous aydera: Comment les avez-vous laissez prisonniers?

LA COQ. Avec assurance que tant qu'ils ne feront qu'eux deux, ils ne se donneront point de coups de poing.

BER. Retirez, retirez-vous, car ie pense que voicy Boniface qui vient.

LA COQ. Ola la Barre', la Riuere, la Fontaine, derriere, derriere, laissons les premierement discourir avec le Seigneur Bernard.

BER. Allez, ie l'attendray icy au passage.

S C E N E I X.

B E R N A R D , K E R V B I N E.

BON. **T**Out le mal est prouenu de cette maquerelle de Lucie, & de cette putain de Vittorie. Elles se sont voulu iouer de moy, mais iamais iamais plusie ne me fieray à femme.

KER. Ne t'excuses pas dauantage, méchant que tu es, car ie te connois biē, & elles aussi. Qui est celuy-là qui s'en vient droit à nous?

BON. C'est quelque nouuelle fourbe: e croy que ces maraudes m'en ont dres-

sé plus d'une centaine.

SCENE X.

BERNARD sort.

BER. **O**V c'est moy qui suis moy,
où c'est celui-cy qui est
moy.

BON. Voicy bien vne autre diablerie, te l'auois-je pas bien dit ?

BER. Ola, ho, homme de bien.

BON. Il ne falloit plus que luy pour m'acheuer de peindre.

BER. Monsieur à la barbe noire, dites-moy vn peu qui de nous deux est moy, vous ne respondes rien ?

BON. Vous estes vous, & moy ie suis moy.

BER. Comment ie suis moy ? ne m'as-tu pas dérobé ma personne, & sous cet habit tu vas commettant tes paillardises, que fais-tu icy avec Vittorie ?

KER. Seigneur Bernard ie suis la femme qui me suis ainsi habillée avec l'ayde d'une certaine dame pour conuaincre ce ribaut cy.

BER. Vous estes donc Mademoiselle Kerubine, vous? & celui-cy comment est-il deuenue le Seigneur Bernard?

KER. Je ne sçay, qu'il le dise luy-mesme, puis qu'il est en aage de parler.

BON. Et moy j'ay changé d'habit pour connoistre ma femme.

KER. Tu as menty traistre, tu l'oses encor nier en ma presence.

BER. Méchant, est-ce ainsi que tu trahis ta femme, laquelle ie reconnois pour tres-femme de bien.

BON. De grace Seigneur Bernard, n'en venons point aux iniures, laissez moy vuider tout seul les affaires que j'ay avec ma femme.

BER. Comment ruffien, penses-tu ainsi eschapper de mes mains? ie veux estre éclaircy touchât ce déguisemêt, ie veux sçauoir en quoy tu abuses de ma ressemblance, tu peux auoir commis sous cét habit mille paillardises qu'on reiettera sur moy, si ie n'y prends garde.

BON. Pardonnez-moy de grace, car ie n'ay point fait de mal qu'avec ma femme, & qui n'a esté connu que de Vittorie, & de ceux de sa maison qui ont bien sçeu qui c'estoit.

KER. Pour l'amour de moy, Seigneur Bernard, que la chose n'aille pas plus auant.

BER. Excusez-moy Madem. ie ne sçau-
rois pas laisser passer cela ainsi, ie ne sçay
pas ce qu'il a fait, c'est pourquoy ie ne
sçay pas ce que ie luy dois pardonner.

BON. Allons allons Kerubine.

BER. Arreste, arreste, on ne m'échap-
pe pas ainsi.

BON. Laisse-moy ie te prie, si nous n'en
voulons venir aux mains.

KER. Monsieur Bernard, & ie vous
en coniure par mon honneur.

BER. Madem. Vostre honneur ne
court point de risque, parce que vous
n'avez point fait de mal, tant s'en faut,
tout cecy n'est que pour le mettre à cou-
uert, & pour m'enquerir du tort que ce-
luy-cy vous peut auoir fait, & à moy aussi.

BON. Tu ne me retièdras pas par force.

BER. Ny toy, ne m'elchapperas
pas de force.

SCENE XI.

LA COGVE, LA BARRE, LA FONTAINE,
LA RIVIERE, BERNARD, KERVINE, BON.

LA Co. **O** La ho, quel bruit y a-il-là?
Bon. Messieurs, vous soyez les
bien venus. Vous voyez comme ie me
suis rencontré avec cét homme-cy, vestu
à ma façon, & cheminant avec ma fem-
me, il veut vser de violence en son en-
droit, ie me porte partie contre luy.

BER. Tu en as menty, scelerat que tu es,
& ie prouueray par l'habit que tu portes,
que tu es vn faulsaire.

LA Co. Qué diable veut dire cecy ! les
voyla tous deux qui se ressemblent com-
me deux gouttes d'eau.

LA FON. Je croy qu'ils disputent qui des
deux est le vray mary de cette femme.

LA Co. Il y a icy quelque grande four-
be ; menez-les tous en prison.

Ber. Monsieur, on n'en doit point
mener en prison d'autre que luy, & non
moy.

LA Co. Vava, coquintu monstreras le chemin aux autres, tu irastout le beau premier.

BER. De grace, Monsieur, ne me faites pas ce tort, ie suis le Sieur Bernard peintre, homme d'honneur.

LA Ri. Voyez Monsieur, qu'il n'y a aucune difference del'vn à l'autre.

KER. Monsieur, puis qu'il faut dire la verité, celuy - cy qui est déguisé est mō mary Boniface, & l'autre est le Seigneur Bernard, voyla la chose comme elle est.

BER. Et pour confirmation de cecy, voyez si cette barbe-là est à luy.

BON. Je confesse qu'elle est fausse; mais ie l'ay prise pour certain dessein, & pour quelques choses qui se passent entre moy & ma femme.

LA Ri. Voila donc la barbe de cēt homme de bien entre mes mains.

LA Co. Dites moy galant homme, est-ce à vous ceste barbe-là?

LA BAR. Qui en doute, Monsieur, puis qu'il l'a acheptee?

LA Co. Nous reconnoissons maintenant qu'il y a de la malice en son fair, menez-le donc en prison avec sa fem-

me, & à vous Seigneur Bernard, ie vous fais commandement de comparoir en persône demain à vnze heures du matin pardeuant Monsieur le Preuost ou son Lieutenant, pour respondre aux conclusions que Monsieur le Procureur du Roy verra estre à prendre contre vous, & à telle autre fin que de raison.

BER. Monsieur, ie n'ay garde d'y manquer, attendu que l'affaire me regarde principalemēt, & que ie me porte partie cōtre luy, pour les paillardises qu'il peut auoir commises sous cēt habit.

LA Co. La Iustice vous en fera raison.

KER. Et moy miserable que ie suis, faut-il que ie reçoie aussi cette honte, d'aller en prison, pour auoir voulu surprendre sur le fait mon perfide de mary?

BER. Monsieur, ie vous respondray, & seray caution pour cette Damoiselle, que ie reconnois pour femme de bien; quoy qu'elle soit sa femme, & ie vous assure qu'elle ne trempe nullement en l'affaire.

LA Co. Vous deuiez vous contenter qu'on vous laisse en liberté. Celle-cy

n'estoit-elle pas en la compagnie de son mary?

BER. Ouy Monsieur.

LA Co. C'est donc la raison qu'elle vienne aussi avec luy.

KER. Mais ie ne suis coupable de rien, ie l'ay cherché & trouué en faute, & maintenant ie reuenois avec luy de la maison de Vittorie, le reprenant de ce qu'il auoit fait : & s'il vous plaist de faire venir icy tous ceux du logis, vous verrez si quelqu'un dit rien qui me charge.

BER. Ie vous assure, Monsieur, qu'il n'y a point de sa faute, & au cas qu'il s'en trouuast, ie me fay fort de la représenter toutes-fois & quantes qu'il en sera besoin, il me suffit seulement que celuy-cy aille en prison ; pour Madem. Kerubine, ie ne pretends rien contr'elle, & ie vous coniure encore vn coup de la laisser aller.

LA Co. Parce qu'il ne se void pas clairement qu'elle ait failly, ie la donne à vos prieres, à la charge pourtant que ie vous fay commandement, comment vous appelez vous?

KER. Kerubine, Monsieur, à vostre seruice.

LA Co. Je vous fay, dis-ie, aussi commandement, Madem. Kerubine, de comparoir demain à vnze heures du matin, pardeuant Monsieur le Preuost ou son Lieutenant, pour respondre aux conclusions que Monsieur le Procureur du Roy verra estre à prendre contre vous, & à telle autre fin que de raison.

KE R. Je vous obeyray, Monsieur, selon mon deuoir.

B O N. Vous reconoistrez Seigneur Bernard, que ie ne vous ay pastant faict de tort que vous pensez.

B E R. Et bien bien, nous le verrôs.

LA Co. Or sus allons sans plus tarder, prenez garde qu'il ne s'enfuye, & le mettez avec ce maistre d'Escole, & dans quelque temps nous le menerons au Chastelet.

B O N. De grace, liez moy bien, afin d'obliger dauantage le Seigneur Bernard, & ma femme.

LA Co. Prenez bien garde qu'il n'échappe. Bon soir, & bonne nuit.

B E R. Je me recommande à vous, Monsieur, & à toute vostre bonne compagnie.

SCENE DOVZIEME.

BERNARD, KERVINE.

KER. **C**Onsidere mon cœur, quelle iniure ce sot de mary fait à ta beauté diuine, Ne trouues-tu pas raisonnable qu'on le paye de la mesme monnoye?

KER. S'il ne fait pas son deuoir, ie ne doibs pas l'imiter.

BER. Vous ne ferez que vostre deuoir, quand vous ferez ce qu'une personne de iugement & de ressentiment feroit. Je veux bien, mon cœur, que tu sçaches que ces gens-là entre les mains de qui il est, ne sont ny Cômmissaires ny Sergens, mais de certains droles de mes amis, & de braues hommes, desquels il sera traitté comme il nous plaira : Ils le vont mettre en vn certain logis, feignant d'auoir quelque affaire deuant que le mener au Chastelet, & cependant vn nommé Scaramure doit arriuer, qui fera semblant d'accorder tout, moyennant qu'ils s'hu-

milie deuant nous , & nous demande pardon de nous auoir offensez , & qu'il fasse quelque honneste courtoisie aux compagnons: non pas qu'ils s'en soucient mais seulement pour rendre la chose plus vray semblable , & ie vous assure que vous n'y perdrez rien.

KER. Ie voy bien que vous estes par trop rusé d'auoir sçeu si bien ourdir cette toile, ie comprends beaucoup de choses là dessous.

BER. Helas ! ma chere ame i'en suis là reduit , que pour l'amour de vous , ie me ietterois au fonds de mille precipices. Or puis que ma fortune (laquelle plaise aux Dieux que vous rendiez bonne) m'a tant approché de vous , & m'a procuré le bien où ie me voy , ie vous coniure par cette affection feruente que i'ay toujours eüe , & auray toujours à vostre seruice , d'auoir pitié de ce cœur que vos yeux ont nauré de mille playes : C'est moy qui vous ayme , c'est moy qui vous adore , & si le Ciel m'auoit octroyé ce qu'il a donné à ce mesconnoissant & stupide, qui n'a pas l'esprit de faire l'estime qu'il doit de vostre beauté , iamais la

moindre estincelle d'autre amour ne se glisseroit dans mon sein, comme iusques icy nulle autre amour n'y prit iamais place.

KER. Hé Dieux que voy-ie? qu'entends-ie? en quelles mains suis-tombeé?

BER. Je vous cōiure ma douce Deesse, au moins si vous esprouuastes iamais aucune flame d'amour (qui s'empare tousiours des cœurs les plus nobles & les plus genereux) de ne pas prendre ce que ie dis en mauuaise part, & de ne pas croire que ie recherche, ce que ie recherche de vous, pour le peu d'estat que ie fasse de vostre honneur, pour lequel ie respandrois mille vies si ie les auois : mais seulement afin d'appaiser l'excessiue ardeur qui me consume, que ie ne pense pas pourtant se pouuoir diminuer mesme en la mort.

KER. Seigneur Bernard, i'ay le cœur fort tendre, i'adiouste aisément foy à ce que vous dites, encore que les flateries des Amants soient passees en prouerbe, c'est pourquoy ie desire ce qui vous peut contenter: Mais d'un autre costé ie ne le scaurois faire sans vn notable preiudice à mon honneur.

BER. Douce Maistresse, ie me doute bien que vous n'ignorez pas ce que c'est qu'honneur & des-honneur ; honneur n'est autre chose qu'une estime & reputation que l'on a de nous, c'est pourquoy il demeure tousiours entier, tant que l'estime que l'on a de nous est la mesme : Et ce n'est pas ce que nous sommes & faisons qui nous rend honorez & des-honorez, mais bien ce que les autres croient & pensent de nous.

KER. Ouy, mais quand ie tromperay le monde, qui me garantira d'estre veuë du Ciel?

BER. Vn peché bien caché en terre est à demy pardonné là hault, & il est certain que ce que personne ne sçait, à peine se fait il, laissons donc là les disputes machere esperance, & fay en sorte que le Ciel ne t'ait pas produite en vain si belle, lequel bien qu'il t'ait esté liberal de tant de graces, s'est monstre toutesfois auare d'ailleurs en te ioignant à vn homme qui ne te meritoit pas, & trop cruel enuers moy, en me faisant mourir mille fois le iour pour toy. Or ma vie tu dois auoir plus de soin de ne me pas faire

mourir, que tu n'as suiet de craindre la moindre diminution de ton hōneur. Je me tueray tres-volontiers (si la douleur au moins n'est assez forte pour me faire mourir) si apres vous auoir euë avec tant de commodité & si proche de moy, que ie vous ay, ie demeure frustré par la malice du sort de ce qui m'est mille fois plus cher que la vie. Ah ! mon ame, il ne se pourra faire que vostre honneur soit en façon du monde blessé si vous me donnez la vie, mais si sera-t'il necessaire que ie meure, si vous poursuiuez de m'estre cruelle.

KER. De grace, allons en vn lieu plus retiré, & ne parlons point icy de ces choses.

BER. Allons, mon cœur; car aussi bien ie voy venir du monde.

SCENE XIII.

GONSALVE & BARTHOLOMEE attachez ensemble les mains derriere.

GON. **M**Arche à la malheure grand sot, que nous ioignons

ces gens de delà , afin qu'on nous délie.

BAR. Que fusses-tu au diable, maraut que tu es, me voila tombé!

GON. Ah la cuisse.

BAR. Je voudrois t'auoir rompu le col, nous voila tous deux par terre, ô leue toy maintenant.

GON. Leuons nous donc.

BAR. Je veux estre ainssi toute la nuit en depot de toy, teste sans ceruelle, fay si tu veux souffler la chandelle, pour moy ie suis couché.

GON. Que ne puisses tu iamais te leuer de là.

BAR. Dors, dors donc, puis que tu es aussi couché, & ne crains point les voleurs, voy combien i'ay enduré & endurer pour toy.

GON. Et endureras, ne veux tu paste leuer, encore vne fois?

BAR. Chien, chien, gnan, gnan.

GON. Ah! tu me mords. Si tu veux iouer à ce ieu-là, ie te mangeray le nez, ou t'aualleray vne oreille.

SCENE

SCENE XIV.

SCARAMVRE, GONSALVE, BARTHOLOM.

SCAR. **I**E voudrois bien sçauoir quelles gens ce sont là, qui couchez par terre s'amusent ainsi à quereller.

GON. Leue toy pourceau, cela fera encor plus honteux si on nous trouue en cét estat.

BAR. O l'homme de bien, qu'il a de peur d'estre def-honoré, les poutres ne te font point de peine, & vn poil t'incommode.

GON. Si i'auois les mains libres iete ferois bien crier au secours, d'vne autre façon que tu ne crioit pas tantost, Ne veux-tu paste leuer?

BAR. Je t'ay dit que ie veux demeurer ainsi toute la nuit.

SCAR. Ha, ha, ha. Ils sont attachez ensemble les mains derriere, l'vn se veut leuer, & l'autre ne le veut pas, l'vn à la voix me semble estre Bartholomee: mais cela ne peut-estre, car ie les vois tout

nuds:ola yurongnes qu'auez vous? que faiâtes vous-là?

GON. Mon noble hentilhomme, hé de grace venez-nous délier, & Monsieur Scaramure est-ce vous?

BAR. Je vous prie laissez nous en cét estat.

SCAR. Bartholomee! ma foy ie ne me pouuois persuader que ce fut vous, quel case strange est-ce là? deux hommes sages en cét estat, n'estes vous point deuenus foux?

BAR. Tu diras bien pis, mais que tu sâches que ie me seray pendu, de grace ne nous déliez point.

SCAR. Je feray ce qu'il faudra. Dites moy seulement comment va l'affaire.

GON. I'estois monté de paroles avec cetuy-cy, nous en sommes venus aux coups de poing. Certains filoux en façon de Sergents, sont accourus au bruit, qui nous ont liez comme s'ils nous eussent voulu mener en prison, quand nous fumes à deux ruës delà, ils nous tournerent les mains derriere, & nous lierent comme vous voyez, & la premiere chose qu'ils firêt, ce fut de nous enleuer la bour-

se, & puis ils s'enfuyrent: mais, deux se r'a-
uisans reuindrent nous oster nos chap-
peaux, nos manteaux & nos chausses,
& avec vn rasoir couperent nos pour-
points pour les emporter aussi, apres
cela nous nous en sommes allez tou-
siours disputant, iusques à ce que nous
auons apperceu vn homme & vne fem-
me en ce lieu. I'auois enuie de me ha-
ster pour les appeller à nostre secours, &
à force de tirer, ce coquin.

BAR. Et tu es vn sot, & vn pendart, toy.

SCAR. Vous avez tort de vous iniurier
ainsi.

GON. A force de tirer, dis-ie, il est cheu
tout plat par terre comme vn asne qui se-
roit trop chargé, & m'a fait tomber avec
luy, & par pure malice maintenant ne se
veut pas leuer.

SCAR. Leuez - vous à cette heure,
car vous y oyla déliez. L'excez de la co-
lere rend l'homme furieux & semblable
à vn fou. Or ius ie n'ay pas enuie de vous
ouyr discourir d'auantage, par ce qu'il
est des-ia nuict. Gardez vous de vous
battre, car le premier qui branlera en au-
ra deux sur luy. Vous Gonsalue, prenez

ce chemin, & vous Bartholomee cét autre.

BAR. Bien, bien, il faut laisser passer la nuit, à demain à demain la partie.

G O N. D'icy à cent ans si tu veux nous nous reuerrons tous les iours à ce prix-là. Je vous donne le bon soir, Monsieur Scaramure.

SCAR. A Dieu allez-vous-en.

BAR. A dieu. O pauvre Bartholomee, ne feras-tu jamais pendu, car alors tu feras deliuré de tous les malheurs qui t'accueillent.

SCENE XV.

SCARAMURE seul.

CE diable de la Cogue est decrié comme la fausse monnoye, & avec tout cela ne laisse pas de se gouverner de telle sorte que ie ne croy pas pour dire ainsi que le Commissaire luy mesme se puisse mieux représenter qu'il le représente; voyez comme il a traicté ces pauvres diables: or tandis que le Seigneur Bernard faict ses affaires de son costé, ie

veux faire en sorte que Boniface non seulement ne se plaigne point de moy, mais qu'il croie m'estre obligé, Voicy la porte de l'Academie de nos filoux, toh, toh.

S C E N E X V I.

LA RIVIERE, SCARAMVRE, LA
COQUE, LA FONTAINE, BONIFACE.

LA RI. **Q** Vi valà, qui valà?

SCAR. Scaramure, à vostre service.

LA RI. Quel Scaramure? quel nom de diable est-là? que voulez-vous? qui estes vous?

SCAR. Je veux dire vn mot à Monsieur le Commissaire, s'il vous plaist.

LA RI. Il est empesché: toutesfois attendez vn peu, ie m'en vay luy demander, s'il a loisir de vous entendre.

SCAR. Ha, ha, ha. Que ces droles-là entendent bien leur mestier, l'art de filou a ses regles & ses preceptes, comme tous les autres.

LA CO. Qui est-ce? qui est-ce?

SCAR. Amy.

LA CO. Ou amy, ou parent, qui que tu

sois, trouues toy demain à neuf heures au Chastelet, si tu veux me parler.

SCAR. De grace Monsieur, escoutez-moy, parce qu'il faut de necessité que ie parle à vous dès ce soir.

La Co. Et qui estes vous?

SCAR. Je suis Scaramure, à vostre ser-
uicé.

La Co. Iene vous connois point, & que demandez vous?

SCAR. Je voudrois vous prier d'une chose d'importance.

La Co. Attendez là, car d'icy à vne heure ie doibs mener certains prisonniers au Chastelet, & vous me parlerez en chemin.

SCAR. Je vous coniure, Monsieur, si vous le pouuez, de descendre icy bas, car ie vous diray des choses que vous ne serez pas marry d'auoir entenduës.

La Coq. Mon amy, vous estes vn importun. Ie m'en vay vous trouuer.

SCAR. Ha, ha, ha. Les autres ne sont que Bacheliers, mais celui-cy est vn Docteur, ie croy que; mais ie voy Boniface paroistre à la fenestre.

BON. Hé! Monsieur Scaramure,

vous voyez où j'en suis, vous sçauvez bien ce que ie veux dire.

SCAR. Je le sçay, & c'est ce qui m'a fait venir icy.

LA Co. Sors de cette fenestre, impudent, qui t'a fait si hardy que d'y mettre le nez, & de parler?

BON. Monsieur ie vous demande pardon, me voyla retiré.

SCA. Ha, ha, ha. Vous estes de vrays diables. Je viens de deslier tout à cette heure Bartholomee & Gonsalue, qui ne se pouuoient leuer de terre, se mordoient comme chiens, & s'entredisoient mille iniures.

La Co. Ha, ha : si tu sçauois les discours qui se passent entre Boniface & le Pedât, tu en rirois biẽ d'vne autre façon.

SCAR. Vostre Comedie est plaisante, mais à leur regard c'est vne trop fascheuse Tragedie.

La Co. Pour conclusion nous voulons renuoyer le Pedant apres luy auoir excroqué les escus qui luy restent. Maintenant parlez à Boniface, & faites sa paix avec nous.

SCAR. Je luy feray premierement quelques excuses, & feray en sorte qu'il m'en-

uoie prier le Seigneur Bernard de luy pardonner, ie l'iray querir, & il demandera pardon à luy & à Kerubine, & tous enséble nous vous prierôs de le mettre en liberté, & ie croy qu'il vous accordera tout ce que vous voudrez plustost que d'aller en prison.

La Co. Or sus ne perdons point de temps. Je le feray descendre en bas tout lié comme il est, & vous donneray lieu de luy parler comme en secret.

SCAR. Despeschez, car j'attends.

SCENE XVII.

La COQUE, La BARRE, La FONTAINE,
BONIFACE, SCARAMVRE.

La Co. **O** La Coupin, prenez bien garde que cét homme ne s'enfuye.

La BAR. Ne craignez rien Monsieur.

La Co. Et vous Panerole prenez bien garde aussi de vostre costé au vostre.

La FON. J'y prens garde Monsieur.

La Co. Esloignez-vous vn peu, faites que cét honneste homme aye toute commodité de parler à luy. Et vous

Monſieur, ie ne ſçaurois retenir voſtre nom.

SCAR. Scaramure, Monſieur, à voſtre ſeruice.

La Co. Vous Monſieur Scaramure, parlez-luy retiré à l'eſcart.

SCAR. Ie vous rends mille graces pour celle-là.

La Co. Il n'en faut point tant à la fois.

SCAR. Que dites vous Monſieur?

La Co. Rien, rien.

SCENE XVIII.

SCARAMURE, BONIFACE.

SCAR. **A**pprochez Seigneur Boniface.

BON. Ay! miſerable que ie ſuis, en quelle confuſion me voy-ie maintenant! voyla les fruiſts que i'ay recueillis de mes amours & de vos conſeils Seigneur Scaramure.

SCAR. Ie penſe auoir renié plus de mille fois pour vn tel malheur, & ſi ie dois eſtre ſept ans en Purgatoire pour chaque

peché , ie m'asseure que pour ceux que j'ay commis seulement depuis vne heure, il faudra que le iour du iugement attende plus de dix mille ans à venir.

B O N. Vous avez mal fait de renier, Seigneur Scaramure.

SCAR. Que voudriez-vous que i'eusse fait en voyant vostre ruine & vostre des-honneur , & qu'il semblera que ie vous aye affronté, & que si on sçait cecy, nous allons vous & moy estre perdus de reputation pour iamais.

B O N. Et comment l'auez vous sceu?

SCAR. Comme Apollonius & Merlin sçauoient les choses plus esloignees.

B O N. Ie vous entends : Pleust à Dieu que par le moyen du mesme art , vous me peussiez deliurer des mains de ces gens cy.

SCAR. Laissez moy faire, car ie ne suis venu que pour vous apporter du remede : Et desia vous imaginez-vous que sans le secours de mon art , i'aye pû gagner celuy-cy , pour me laisser parler à vous en secret comme ie fay, ce pendant qu'on vous garde de fort loin : Sçachez que de telles gens n'ont pas accoustumé

d'accorder ces courtoisies aux personnes mesme de leur connoissance, & qui sont leurs meilleurs amis.

BON. Sâs doute i'en ay aussi esté estonné.

SCAR. J'ay procedé avec humilité, avec des prieres & quelques escus: mais deuât que de passer outre, dites moy vn peu l'estat de vos affaires.

BON. Que voulez-vous que ie vous die, c'est là malheureux que ie suis, où m'en ont reduit vos remedes. L'amour de cette putain & la malice de cette chienne de Lucie m'ont mis en cét estat; de cette carogne de Lucie, dis-ie, qui m'a fait accroire des choses qu'un diable ne m'eut pas persuadees: Il m'en coustera plustost tout mon bien que ie n'en ayé la raison.

SCAR. Prenez garde à ce que vous dites, car ce n'a esté la faute ny de l'vne ny de l'autre, ny la mienne non plus (car ie me doute bien que vous me voulez encore plus de mal qu'à pas vn, quoy que vous le dissimuliez,) mais peut-estre a ce esté vostre faute à vous mesme.

BON. Et mon Dieu comment me pourriez vous persuader cecy?

SCAR. Estes vous bien assurez que les

cheueux que ie vous demanday pour mettre à la teste del' image fussent de Vitorie?

BON. Le diable les emporte les cheueux, & celle à qui ils appartiennent, ils sont de ma fême, (qu'eusse ie esté biē endormy, quand ie m'auiſay de m'aller encornailler d'elle.) Je les ramassay subtilement comme elle se peignoit.

SCAR. Voyla comme i'ay descouuert la verité de la chose.

BON. Comment l'auez-vous apprise & de qui?

SCA. De qui la ſçait, & qui me la pût dire. Vous auois-ie demandé des cheueux de vostre femme?

BON. De ma femme, non, mais des cheueux de femme.

SCA. De par tous les diables, ie vous auois dit des cheueux de la fême, & nō pas des cheueux de femme indifferemment, auions nous à faire vne poupee pour quelque enfant?

BON. Et quelle difference mettez-vous entre des cheueux de femme, & des cheueux de la femme?

SCA. Si grande qu'vn enfant la ver-

roit, n'auions nous pas dessein de faire l'image en son nom ?

BON. Pour vous dire le vray, ie ne peux pas estre si habile que vous, quelquefois vous croyez donner suffisamment à entendre vne chose, parce que vous l'entendez, & cependant les autres ne l'entendent pas tousiours.

S. C. A. Or voyla ce qui a tout renuersé l'effect de l'enchantement, la cire a esté choisie & enchantée au nom de Vittorie: l'image a esté faite en son nom: mais les cheueux estoient de vostre fême, & delà est venu tout le desordre, vostre fême attirée & trouuée en la maison de Vittorie, Vittorie amoureuse, vostre femme avec les habits de Vittorie, Vittorie sans les siens, enfin vostre femme en la place de Vittorie, en la maison de Vittorie, au liect de Vittorie, en l'habit de Vittorie, & Vittorie seulement esprise d'amour, & iointe à vous de la seule pensée. Vittorie, Lucie, & vostre femme en demeurent toutes estonnees. Lucie se ressouuiant d'auoir porté à vostre femme les habits de Vittorie, & ne sçauroit dire comment ny pourquoy. Vittorie s'esbahit grandement comment vous estant

vestu comme le Seigneur Bernard vous vous estes trouué en son liét avec vostre femme vestu de ses habits à elle, comment toutes les portes ont esté ouuertes pour vous, & pour vostre femme, & Lucie si estourdie que d'aller querir elle & vous, & comment elle mesme s'est trouuee tellement occupee dans sa Sale, qu'elle n'en aye pu partir qu'en vn certain temps. Vostre femme s'emerueille comment elle a esté vestuë de cet habit, ne sçait ce qui la fait venir en cette maison, & ce qu'elle y vouloit faire.

BON. C'est là vn embrouillement trop estrange.

SCAR. Tout ce qui a causé cette confusion, vous l'entendrez plus distinctement quand nous serons hors de ces intrigues.

BON. Tout cela m'estonne fort : mais il me reste encore à sçauoir pourquoy ma femme, estant venue en la place de Vittorie par la force de l'enchantement, au lieu de me caresser m'a fait des choses qu'on ne voudroit pas faire à vn chien.

SCAR. Ne vous ay-ie pas dit que vostre femme en vertu des cheueux qui estoient d'elle, a seulement esté attirée au

logis: mais qu'elle ne pouuoit estre amoureuse, parce que la cire n'auoit pas esté choisie, formee, piquee, ny chauffee en son nom?

BON. Je comprends maintenant toute l'affaire, ie ne l'auois pas bien entendue iusques icy.

SCAR. Or sus, suffit: nous auons assez discouru sur ce poinct, faisons en sorte de donner quelque chose à ces Messieurs pour sortir de leurs griffes, qu'ils feignent que vous vous en estes fuy ou quelque autre excuse, parce que de cette façon le reste s'en accommodera mieux.

BON. Ie n'ay que huit escus sur moy; mais si ie trouue qu'ils ne s'en contentent pas, ie leur en promettray dauantage.

SCAR. Vous ne cognoissez pas ces gens-là, ils ne se feroient pas à vous d'un double, ils s'imaginent que quand on est fort de leurs mains on les doit payer en gambades.

BON. Ie leur lairray donc avec cela cette casaque, & cette bague que i'ay au doigt, & i'espere qu'avec vos prieres ils se monstrent plus traictables.

SCAR. Ie voy bien que vous ne con-

noissez pas encor Monsieur le Commis-
saire.

SCENE X I X.

LA COQUE, SCARAMVRE, BONIFACE.

LA COQ. **I**E voudrois bien sçavoir
quand vos discours seront
finis, pensez-vous que nous vous atten-
dions icy toute la nuit?

SCA. Pardonnez-nous Monsieur si
nous vous auons fait attendre; or puis-
que vous nous avez desia daigné faire
tant de faueur, nous vous supplierons en-
core d'ouyr vne parole.

LA COQ. Rien rien, il est grand tēps
d'aller au Chastelet, nous parlerons de-
main à vous tout à l'aise. Allons. Ola
Coupin, Panerole.

BON. Ay. Je prie Dieu qu'il m'assiste.

SCAR. Hé! Monsieur faites nous cet-
te grace pour l'honneur de Dieu.

BON. Je vous en prie à mains jointes.

LA COQ. Or sus puis que j'ay tant
souffert, ie souffriray encor vn peu.

SCAR.

SCA. Monsieur ce que nous desirons vous faire entendre, c'est que la honte & la confusion de cet honneste homme ne vous peut servir de rien, là où si receuant vne petite offre vous luy faites la grace de le mettre en liberté, vous vous acquerez luy & moy pour vos seruiteurs à iamais.

LA COQ. Ie me suis bien douté que tu estois venu pour ce subiet en esperance de corrompre la iustice, & ie m'estonne grandement comment tu es si outrecuidé que de penser me tirer des mains vn prisonnier de telle importance que celui-cy. Ie l'auois bien dit à mes gens, mais i'ay bien voulu voir ton assurance, & t'entendre parler afin de te chastier, & de te faire seruir d'exemple aux autres, & pour t'en rendre plus certain tu viendras en prison avec luy. Ola, ho, Coupin.

LA BA. Que vous plaist-il Monsieur?

LA COQ. Apportez icy de quoy lier cet honneste homme que voicy.

SCAR. De grace Monsieur escoutez moy premierement.

BON. He Monsieur, ie vous en conjure à deux genoux.

190 B O N I F A C E,
LA Co. Debout debout, ie n'ay pas en-
uie d'estre adoré, ie ne suis ny Roy d'Es-
pagne, ny grand Turc.

B O N. Hé ie vous supplie ayez pitié
de moy, & n'entrez point en colere, &
souuenez-vous que nous sommes tous
pecheurs, & que nous auons besoin de la
misericorde de Dieu, qui nous la pro-
met à la mesure de celle que nous ferôs.

LA Co. Si ce meschant là auoit estu-
dié, il seroit fort bon Predicateur, il
faut chastier les fautes, entens-tu?

B O N. Si on chastioit toutes les fautes
en quoy consisteroit la misericorde?

LA Co. Va-t'en au diable, ie ne suis
pas icy pour ergoter avec toy.

S C A R. Taistoy Boniface, & me laisse
parler: Mõsieur, à Dieu ne plaise que i'aye
iamais eu dessein de tenter cecy au preiu-
dice de la Iustice, & au des-honneur
d'une personne cõme vous qui estes re-
connu par tout Paris pour homme de
probité aux choses qui concernent le
droit & l'equité.

LA Co. Laissons à part toutes ces fla-
teries. Ce n'est pas moy qui exerce ny
douceur ny seuerité, ie ne fay ny iustice,

ny iniustice, cela appartient à ceux qui sont au dessus de moy. Vous sçavez que toute ma charge consiste à faire mener en prison les malfaiteurs, ou pretendus tels, du reste ie ne m'en mesle point.

B O N. Helas ! que ie suis miserable.

S C A R. Monsieur si vous daignez m'escouter, vous m'exaucerez sans doute.

L A C O. Ie ne me mets pas en colere à plaisir, alleguez-moy de bonnes raisons comme vous promettez, autrement soyez assure que vous ne dormirez pas dans vostre liect pour cette nuit.

B O N. Bon Dieu, aydez-moy.

S C A R. Vous sçavez Monsieur qu'on n'a pas accoustumé de proceder extraordinairement cõtre ceux qui vont voir des Courtisanes, & que si on ne les permet, du moins on les souffre pour obuier à de plus grands maux, iusques-là qu'à Venise elles sont exemptes de beaucoup de choses, qu'elles sont moins subiettes aux loix que les autres, & qu'il est deffendu de leur faire aucune iniure, encore qu'il y en ayt vne tres-grande quantité.

L A C O. Voyla le plus braue Aduocat de putains que i'ouys iamais.

SCAR. Et non seulement cela , mais de plus la iustice ne poursuit point ceux qui vont voir mesmes des dames d'honneur, parce que on a cōsidéré que c'étoit vn acte trop inhumain de tirer les cornes qu'un homme de bonne reputation portoit dans le sein , pour les luy pendre au front. C'est pourquoy l'action a beau estre notoire, on ne la punit iamais, si ce n'est lors que la partie lésée, (qui en ce cas doibt estre bien stupide & bien lasche) n'a point de honte d'en faire sa plainte : Mais quant aux honestes gens la Iustice leur feroit grand tort, d'autant que le chastiment qui est ordonné à celuy qui a planté les cornes , ne contrepece pas la vergogne que reçoit celuy dont on rend l'infamie publique, de sorte que le pauvre homme souffriroit plus grande iniure de la Iustice mesme , que de celuy qui l'auroit perdu d'honneur, & encore qu'un chacun fut desia trop certain de son infortune , c'est vne chose tres-veritable pourtant que les cornes deuiennent tousiours plus solemnelles par vn acte de Iustice. Tout homme donc de bon sens cōsidere que de ce que la Iustice dissimu-

le ainsi, c'est pour couper chemin à beaucoup d'inconueniens, parce que vn cornard couuert (si toutesfois on peut nommer ainsi celuy dont la reputation est entiere) craignant d'estre decouuert, ou peut estre ne se souciant gueres de ce qu'on ne void pas (qui en ce cas là n'est rien en effect) s'abstient de faire cette vengeance qu'il seroit obligé de faire selon le monde, lors que la chose est deuenüe manifeste.

LA COQ. Concluez promptement.

SCAR. En fin Monsieur ie veux dire que tout le crime de Boniface est touchant vne femme, laquelle soit femme de bien, ou non, ne doibt point estre cause que luy qui est homme d'honneur,

BON. Et suis vn bon Coporal d'antiquité, qui ay pignon sur ruë.

SCAR. Soit mis prisonnier, ce qui pourroit causer la honte de plusieurs autres personnes. Et ie croy Monsieur que cela suffit à vous qui estes homme sage, pour deliberer ce que vous auez affaire là dessus.

LA CO. S'il n'estoit entre mes mains que pour vn subiet de femmes, ie serois

tres-mary qu'il y fut tombé, & m'en excuserois de bon cœur à luy, car ce ne fut iamais mon intétion de mettre l'honneur d'ame viuante en compromis. Mais ie veux bien que vous scachiez, & luy-mesme m'en sera tefmoin, & tous ceux qui sont icy presents, qu'un certain peintre nommé Bernard me l'a mis entre les mains, à cause qu'il le contre-faisoit avec une fausse barbe, cōme encore à present il le represente avec la casaque que vous luy voyez sur les espauls, & sa fausse barbe est entre les mains de mes Sergens, & si vous voulez voir comme elle luy vient, trouuez vous demain à l'assignation, & ie m'asseure que vous ne pourrez pas vous tenir de rire à la confrontation des deux barbes.

B O N. O pauvre homme!

La C O Q. Auourd'huy cet honnestre homme de peintre demande raison du tort que celuy-cy peut auoir fait & pretendu faire en le representant, afin de pouuoir à l'auenir auoir son recours contre luy des iniures que quelques parties lésées pourroient iustement pretendre auoir esté commises par le Seigneur Bernard.

BON. Monsieur il n'y a rien à craindre de ce costé là.

La Co. Mon amy, ce n'est pas moy qui crains. Ainsi vous voyez bien que ie ne le mene pas en prison pour mon plaisir: mais parce que ie suis obligé d'en respondre, & que l'autre est fort animé contre luy, & veut en auoir la raison à quelque prix que ce soit. Outre que sa femme à luy, se plaint aussi, & par ce moyen, & elle & le Seigneur Bernard me pourroient bien mettre en peine.

SCAR. Monsieur, du costé de sa femme on ne doit rien apprehender.

La Co. Tant s'en faut, c'est de son costé que i'apprehende le plus: Car on sçait que la force de la ialousie, fait hazarder aux femmes leur vie propre, leur honneur & celuy de leurs marys. Considérez comme il est possible que ie fasse rien pour luy, ie peux bien en auoir pitié, mais non pas le secourir.

SCAR. Vous ne sçauriez pas mieux dire Monsieur.

BON. Vn Ange descendu du Ciel ne parleroit pas mieux.

La Co. Or sus donc à Dieu, Panerole

fay descendre ce Docteur, & nous en allons vistement.

SCAR. Monsieur ie m'aduise d'un autre expedient.

La Co. De quel expedient?

SCAR. Ie me promets de faire en sorte (si vous me voulez faire tant de faueur que d'attendre encore un demy quart d'heure) de reconcilier le Seigneur Bernard avec le Seigneur Boniface.

BON. Hé pleust à Dieu, & qu'il le voulust.

La Co. Vous nous en contez de belles, cela ne se peut faire.

SCAR. I'en viendray sans doute à bout, quand ie luy auray dit comme l'affaire s'est passée, ie suis si fort son amy, que s'il est couché ie me fay fort de le faire lever & de l'amener icy, & ie feray si bien qu'ils s'accorderont: mais Seigneur Boniface, il faut que vous luy demandiez pardon & que vous luy fassiez quelque satisfactiõ conuenable, de parole & d'effect, en vous iettant à ses pieds, parce que veritablement il a tout subiet de croire que vous l'avez grandement offensé.

BON. Ie le veux: ie m'offre à baiser ses

pieds , & à demeurer son amy , & son obligé tout le reste de ma vie, s'il me pardonne cette faute , & ne m'expose point à la honte publique , & non seulement à luy, ay , mais aussi à vous, Monsieur le Commissaire.

La Co. Debout, debout, mais que ie sois Pape vous me baizerez les pieds.

BON. Je demeureray tres-obligé, si vous me voulez aider en cecy , en donnant vn peu de temps pour traicter cét accord: Et vous Monsieur Scaramure, ie vous coniure de vous y employer le plus promptement que vous pourrez , & vous m'obligerez aussi infiniment.

SCAR. J'ay assez bonne esperance, au moins suis-je bien assuré que ie l'ameray iusquesicy sous quelque autre pre-texte , & quand il y sera , nous ferons tant avec vos soumissions , & les prieres de Monsieur le Cōmissaire, s'il nous veut tant fauoriser que de parler pour nous, & mesme par mes persuasions, que l'affaire n'ira pas plus auant; mais il est encore necessaire, Seigneur Boniface, que vous ne vous monstriez pas ingrat enuers vn si genereux Commissaire.

La Co. O pour moy ie le quitte ; mais pour mes gens il ne fera pas hors de propos de leur ouurir la bourse , pour leur fermer la bouche. Outre que ce que vous dites ne me suffit pas ; ie veux qu'il se reconcilie aussi avec sa femme , & qu'il luy demande pardon comme à l'autre , & lors que ie verray ces deux personnes contentes , ie seray satisfait , & ne passeray point outre ; parce qu'à n'en point mentir ie ne puis m'empescher que ie n'aye aussi compassion de ce pauvre Boniface.

BON. Monsieur ie suis à vous , à vendre & à despendre ; Pour vos compagnons , ie veux dire pour vos gens , voyla mon diamant , tout ce que j'ay dans ma bourse , & de plus cette maudite casaque , qu'aussi bien n'ay-je pas enuie de reuoir iamais plus.

La Co. Tout beau , tout beau , vous contentez sans vostre hoste , nous n'en auons que faire , ny il n'y aura rien de fait , si le Seigneur Bernard & vostre femme ne sont contents.

BON. J'espere qu'ils le seront. Allez donc ie vous prie , Seigneur Scaramure.

SCA. Je l'ameneray sans faute icy sous

quelque autre pretexte, & ie suis bien assure que vostre femme ne manquera pas de venir aussi pour son honneur.

La Co. Allez, & vous depeschez, si vous voulez qu'on vous attende.

SCA. Monsieur, l'un & l'autre ne sont pas loin d'icy. Me voyla de retour autant vaut.

La Co. Que ie sçache promptement ouy, ou non, & ne me faites pas attendre vainement.

SCA. N'en doutez pas Monsieur, cela vaut fait.

BON. O bon Dieu, secourez-moy!

La Co. Allons retournons dans le logis l'attendre.

SCENE XX.

BERNARD, ASCAGNE.

BER. **D**E sorte que mon enfant, pour reuenir à nostre propos, c'est l'opinion commune que les choses sont tellement ordonnees, que Nature ne manque iamais aux necessaires, & n'abô-

de point aux superflus. Les Huïstres n'ont point de pieds, parce qu'en quelque partie de la mer qu'elles se treuvent, elles ont ce qui suffit à les entretenir, d'autant qu'elles s'entretiennent de l'eau seule, & de la chaleur du Soleil, dont la vertu penetre iusqu'au fonds de la mer: Les Taupes n'ont point d'yeux, parce qu'elles vivent sous terre, & ne vivent que de terre, & qu'elles ne la peuvent perdre. A qui n'a besoin d'art, on ne luy donne point d'outils.

A s c. Cela est tres-certain. I'ay ouy dire qu'un Censeur des ouurages de Jupiter qu'on appelle Momus, parce qu'il faut tousiours qu'il y ayt de ces gens-là qui parlent librement : Premièrement, afin que les Grāds & Souuerains s'auisent des fautes qu'ils commettent sans les connoistre, dieu mercy & les ames basses qui les flattent. Secondement, afin qu'ils ayent quelque crainte de faire plustost vne chose que l'autre. Tiercement, à cause que la bonté & la vertu paroissent avec plus d'esclat, quand elles rencontrent quelque chose qui s'oppose à elles. Ce Censeur dōc des ouurages de Jupiter,

BER. Ce n'est pas vn des premiers, ny par consequent des meilleurs Dieux du Ciel, parce que ceux qui ont les bras les plus courts, ont d'ordinaire la langue fort longue.

ASC. Ce Momus donc disputant vn iour avec Mercure, qui est l'Interprete & l'Aduocat des Dieux, vint à l'interroger de cette sorte. O Mercure le meilleur Sophiste d'icy haut, & le plus habile Maquereau que Iupiter aye, dy moy vn peu, pourquoy les Citrouilles qui sont si grosses, sont elles attachees à des branches si menuës, & les noix qui sont si petites, sont-elles portees par de si gros arbres? Parce (respondit Mercure) qu'il y auoit bien plus à craindre pour les hommes, de la cheute d'vne citrouille, que de celle d'vne noix. Desorte que pour confirmer ce que vous disiez, quelques questions qu'on ait faites, qu'on fasse, ou qu'on puisse iamais faire, il est impossible de prouuer vne faute dans les choses que Dieu & la Nature ont ordonnees, quelque apparence qu'il y en ait.

BER. Vous parlez fort bien. Toutes les fautes qui arriuent, viennent de ceste

traistresse de Fortune, c'est elle qui a donné tant de bien à ton sot maistre de Boniface, & qui me l'a dénié. C'est elle qui donne des honneurs à qui ne les merite pas, vn beau cháp à qui ne seme pas, bon iardin à qui ne plante pas, beaucoup d'escus à qui ne les sçait pas dependre, force enfans à qui n'a pas le moyē de les esleuer, bon appetit à qui n'a pas de quoy manger, & bonnes viandes à qui n'a point de dents : Mais que dis-je ? la pauvre aueugle qu'elle est, est certes bien excusable, si cherchant à tastons à qui faire present des biēs qu'elle a entre les mains, elle en fauorise le plus souuent les sots & les idiots, puis que le monde en estant presque tout plein, elle n'a garde qu'elle ne les rencontre plustost que d'autres : C'est vn grand hazard quand elle trouue quelque personne digne, parce qu'il y en a peu, encore plus grand quand elle en rencontre de plus dignes, parce qu'il y en a encore moins, & tres-grand quand elle en rencontre de tres-dignes, parce qu'il n'y en a presque point du tout. Dócsques si ce n'est pas sa faute, ce sera celle de celuy qui l'a faite ; Iupiter ni l'auoir fai-

te, mais qu'elle ait esté faite ou non, ou il n'y a point de sa faute, ou on ne sçauroit trouuer qu'elle soit coupable.

A s c. C'est pourquoy c'est chose iniuste & inutile de la blasmer, elle, ou qui que ce soit. Tants'en faut, quelques-vns prouuent qu'elle est non seulement utile, mais de plus necessaire; Parce que toute vertu ne sert de rien si elle n'agit, & si elle n'est exercee, & n'est pas tant vertu qu'une chose oysive & superflue. Quicōque a l'industrie & le moyen de la chercher & trouuer, ne la doit pas attendre sur son siege les bras croisez. Les Dieux veulent que le soin chasse la mauuaise fortune, & nous fasse acquerir ce que nous desirons, comme il est arriué en vous, & il a fallu que les dons & les graces fussent partagez, afin que l'un eut besoin de l'autre, & que par consequent tout le monde se liaist ensemble d'amitié: Qu'à celuy à qui le merite auoit esté accordé, la possession fut déniee, & qu'à celuy qui estoit en possession, le merite fut refuse.

BER. O mon fils que tu parles bien, & que ton bō sens est au dessus de ton aage,

ce que tu dis est tres-vray, & i'en viende faire l'experience. Encore que le bien dont i'ay iouy ce soir, ne m'ait pas esté accordé des Dieux, & de la Nature, encore qu'il m'ait esté dénié de la Fortune; le iugement toutesfois m'a montré l'occasion, la diligence me l'a fait prendre aux cheueux, & la persenerance me l'a fait retenir: En toutes sortes d'affaires, la difficulté gist à passer la teste, parce qu'apres le reste du corps suit aisement. Je suis certain qu'à l'aduenir, il ne faudra plus tant de soins, ny tant de discours entre Kerubine & moy.

Asc. Cela est vray, d'autant qu'il suffit que vous vous soyiez abbouchez vne fois, & qu'elle ait appris vostre langage, & vous le sien, les yeux s'entreuoyent, les langues s'entrepellent, & les cœurs s'entendent. Ce qu'on a conceu telle fois en vn moment, on le retient pour iamais: A ce propos on conte qu'un vilageois se confessa vn iour de bonne feste de tous ses pechez à son Curé, desquels quoy qu'assez grands, il obtint entiere absolution: Cette fois là suffit pour toutes, car les autres années le bon homme

me s'approchoit de son Curé, & sans beaucoup de paroles ny de circonftances luy difoit, Monsieur, il y a vn an que vous fçauéz mes pechez de cette année, & le Curé luy répondoit, mon fils, il y a vn an que tu as l'abfolution d'aujourd'huy, va t'en en paix, & ne peche plus.

BER. Le conte eft affez naïf : nous auons fait vn long difcours fur ce fujet, vois-tu cette porte?

ASC. Ouy da, Monsieur.

BER. C'eft là dedans qu'ils ont mis ton maiftre, il ne faut point frapper que ie n'aye eu deuant refolution de Scaramure, ie croy qu'à prefent il a tout fait & qu'il me cherche. Va t'en cependant, & fay viftement venir Kerubine.

ASC. Iem'y en vay, nous vous trouuerons icy, non pas?

BER. Pour le certain, ie ne mettray pas beaucoup à trouuer Scaramure.

SCENE XXI.

BERNARD seul.

Qui fait vne folie en fait vne centaine. La premiere que Boniface fit, ce fut de deuenir amoureux de Vitorie; La seconde, de s'estre persuadé que Scaramure par le moyen de la Magie, peust tirer Satan de ses chaines, & attirer les femmes où il voudroit, & mille autres choses hors du cours ordinaire. Delà sont procedez tous ses malheurs l'un apres l'autre, comme enfans des enfans & neveux des neveux, il faut qu'il nous demande à present pardon sans nous auoir offensez.

SCENE XXII.

BERNARD, ASCAGNE, SCARAMURE,
KERVINE.

BERNARD. **V**ous estes venus bien tost!

As c. Je les ay rencontréz en chemin.

SCAR. Nous voicy donc tous assemblez pour deliurer cette pauvre ame de Purgatoire.

KER. Pleust à Dieu qu'il y fust si bien que ie ne le reuisse iamais.

As c. Il n'y a rien de difficile à qui veut.

SCAR. Ne vous ayant pas trouué en vostre logis, i'ay esté à celuy de Vittorie, croyant que vous y seriez, puis i'ay enuoyé Lucie vous chercher pour vous amener icy.

BER. Nous voicy tous les personnages necessaires. Vous Mademoiselle Kerubine avec Ascagne, faites semblant d'arriuer apres nous, laissez-nous Scaramure & moy negocier deuant avec la Coque, & cependant vous vous pouuez retirer, & demeurer vn peu derriere en ce coin.

KER. C'est fort bien auisé : allons Ascagne.

As c. Retirons nous icy Madem. parce que nous pourrons entendre ce qui se dira, & choisir le temps le plus propre pour suruenir.

KER. Je le veux bien, ie le veux bien.

SCENE XXIII.

SCARAMVRE , BERNARD , LA RIVIERE,
ASCAGNE , LA COQUE.

SCAR. **F** Rappons à la porte. toh,
toh.

La Riv. Qui valà?

SCAR. Amys. Aduertissez Monsieur
le Commissaire que nous sommes icy.

La Ri. Je m'y en vay Messieurs.

SCAR. C'est la Riuierc, qu'on appelle
à cette heure Coupin, ou ie ne sçay de
quel diable de nom. I'ay ouy tantost
nommer Panerole, ou luy, ou vn autre.

BER. Ha, ha, ha. Boniface & le Pe-
dant n'ont garde de les reconnoistre, car
avec cela, ils ont aussi vne fausse barbe.

SCAR. Tous: de sorte que cecy me
semble vne vraye Comedie, ou pour
mieux dire vn momon de Karesme pre-
nant. Il n'y a que le Pedant qui n'en a
point, car pour Boniface s'il en veut
estre il a la sienne. Ces deux là se re-

connoissent entr'eux; mais ils ne sçauent pas que les autres sont masquez.

ASC. Il ne manque plus rien sinon que Mademoiselle Kerubine mette aussi son masque.

LA CO. Estes-vous icy? vous n'avez donc pas amené sa femme? Sçachez que sans elle nous ne ferons rien.

SCAR. Monsieur elle est en chemin, elle fera tout maintenant icy.

LA CO. Attendez donc, ie m'en viens à vous avec l'homme.

SCAR. Pour vn peu de temps tenez vous bien sur vostre morgue.

BER. Laissez moy faire.

LA CO. Vous soyez le bien venu Monsieur Bernard.

BER. Et vous le bien trouué Monsieur le Commissaire, si tost que Monsieur Scaramure m'a appris que vous me demandiez, ie suis fortý du liét, & venu en haste, craignant que vous n'eussiez decouvert quelque chose que ce malfaiteur eust commise sous mon nom & ressemblance.

LA CO. Voicy le malfaiteur que vous dites: Mais ie vous iure que ie ne vous ay

point enuoyé querir, il est bien vray que le Seigneur Scaramure m'a prié instamment d'attendre vn peu à mener celui-cy en prison, & que vous en seriez tres-content quand vous sçauriez ce qui s'est passé touchât son deguisement: moy tant pour vous faire plaisir, que meu de ses prieres, & de plus des larmes de ce pauvre repentant, ie vous ay attendu; mais ie ne vous ay point enuoyé appeller.

BON. Pardon pour l'amour de Dieu.

BER. Monsieur Scaramure ne m'estes-vous pas venu querir de la part de Monsieur le Commissaire, en me disant qu'il me demandoit pour choses qui importeroient beaucoup à mon affaire? comment me iouiez vous de ces tours là? Est-celà l'amitié que vous me portez? Est-celà comme vous craignez de m'offencer? Vous auez essayé, & essayez encore à ce que ie voy de secourir à mon preiudice vn si meschant homme: Monsieur le Commissaire ie me plains aussi de luy pour auoir abusé de mon intention en parlant à vous, & outre cela de vostre authorité, & de vostre nom en vous faisant attendre, & me donnant la peine de venir iusques icy.

BON. Pardon , misericorde , pardon.

LA CO. Doucement , doucement , voyons s'il n'y a point lieu d'accommodement , voyons s'il est si criminel qu'on le crie , puis que vous voyla icy. Pensez bien à ce que vous faites , ne vous laissez point emporter à la passion.

BER. Pour ce qui est de moy , ie vous assure bien que l'affaire ne s'accommodera iamaïs : au contraire , mais que la iustice y ayt passé , ie ne croy pas que la chose soit encore appaisée entre luy & moy.

SCAR. Seigneur Bernard mon amy , ie ne pense pas que tout ce que i'en ay fait , ny tout ce que i'en fay , soit au preiudice de vostre honneur. Toutes fois & quantes qu'on descouvrira quelque faute qu'on vous attribuera , nous sommes assez de tesmoins pour en charger le Seigneur Boniface : mais puis qu'il ne s'est passé que quelques sottises legeres , ie ne sçay pas pourquoy vous vous mettez tant en peine pour quelque chose qu'il y a entre luy & sa femme.

BER. Il s'est donc déguisé afin qu'on

creust que ie fusse avec sa femme pour la confondre elle & moy, & nous exposer & mettre tous deux au hazard de perdre la vie? ne sçavez-vous pas qu'il se veut separer d'avec elle? & que pour moy il tasche à me faire du pis qu'il peut?

BON. A Dieu ne plaise, & pourquoy vous voudroy-ie du mal, Seigneur Bernard? Hé de grace misericorde.

BER. Et ie vous prie, point tant de soumissions, ny de baisemens de pieds.

La BAR. En l'estat où il est, tout le mond' luy est Roy & Pape, à voir comme il s'humilie.

La Co. Sus sus, ayez au moins pitié de luy, tant qu'on ne descrouvra pas qu'il ait commis d'autres fautes; voyez qu'il y a sans doute icy ie ne sçay quoy de caché: sa femme mesme estoit vestuë à la façon d'une autre, comme on m'a dit; c'est pourquoy il n'est pas vraisemblable qu'il vous ait voulu confondre par ce moyen-là.

SCAR. Outre que sa femme estoit en l'habit d'une Damoiselle qui converse tousiours avec le Seigneur Bernard sans

soupçon. Sus sus, amy Bernard, ie vous en coniure derechef, ayez pitié de luy: Je sçauois bien que vous ne fussiez pas venu iusques icy, si ie ne vous eusse parlé de cette façon, i'ay aussi failly enuers Monsieur le Commissaire, me figurant qu'il ne le trouueroit pas mauuais, veu que tout ce que i'en faisois, n'estoit qu'à fin qu'on vst de misericorde sans faire tort à personne.

BON. Seigneur Bernard, ie m'oblige à toutes les restitutions qu'on pourra pretendre contre vous; & de grace, Seigneur Bernard, ayez pitié de ce pauvre Boniface qui s'en va estre des-honnéoré pour iamais, mon hōneur est entre vos mains, ie ne le tiendray que de vous, si vous me faites tant de plaisir, ay.

La Co. Bon, bon, voyla sa femme arriuee.

SCENE XXIV.

KERVINE, La COQUE, SCARAMVRE,
BERNARD, BONIFACE, La BARRE,
La RIVIERE, ASCAGNE, La FONTAINE.

KER. **V**Oicy encore ce concubinai-
re de sa femme propre.

La Co. C'est icy vn estrange fait : Je
eroy que ceux qu'on nomme Casuistes
ne se sont iamais imaginez comment on
pouuoit commettre le peché de fornica-
tion avec sa propre femme.

SCAR. Or sus laissons à part toute rail-
lerie & animosité, il faut resoudre pai-
siblement de cecy entre nous, puis que
Monsieur le Commissaire nous fait la fa-
ueur de nous permettre de consulter de
vostre honneur Madem. & que la honte
de vostre mary ne peut que retomber
sur vous, & ne peut de rien seruir au Sei-
gneur Bernard.

BON. Cela est tres-certain, pour l'a-
mour de Dieu pardonnez moy donc
Seigneur Bernard, & vous ma femme

pardonnez-moy pour cette premiere fois.

La BAR. C'est vne estrange chose que le monde; les vns font tousiours des fautes, & en font tousiours la penitence, d'autres la font apres en auoir beaucoup commis, d'autres sont attrappez dès la premiere, d'autres n'ôt pas encore peché qu'ils en portent la punition, d'autres souffrent sans pecher, d'autres le payent pour les fautes d'autrui, en cét hō me-cy (si nous y prenons bien garde) nous trouuerons presque toutes ces sortes de chastiment assemblees.

BON. Je vous demande grace comme on la fit au bon larron.

La RI. Le bon larron que voyla! quand tu seras aussi habile que l'autre qui déroba le Paradis, on te le pardonnera, tu es vn larron qui oste à ta femme ce qui luy est deu, pour le donner à d'autres, son laiët, sa douce liqueur, sa manne, sa substance, & son bien.

BER. Et qui m'ostes à moy ma propre personne, ma barbe & ma casaque, & peut estre mon honneur, par les choses que tu peux auoir auoir faites.

La Co. C'est bien là comme il faut secourir vn pauvre homme , voyla vn beau moyen de consoler vn affligé, taifez, taifez vous, ne vous meslez point de cecy, songez seulement à faire ce qu'on vous commandera.

SCAR. Je vous prie de luy pardonner, & luy vous en prie aussi à genoux comme vous le voyez, & soit comme il vous plaira.

La Co. Il le faut, il le faut, il est bon d'vser de misericorde.

BER. Que dites vous Mademoiselle Kerubine?

KER. Pour cette fois ie luy pardonne, mais qu'il prenne garde à soy dorenavant, car ie luy ferois payer pour deux.

BON. Soyez-en assuree ma chere Kerubine.

KER. Je suis vostre; mais vous, vous estes à Vittorie.

BON. Iamais, iamais plus vous ne me trouuerez en faute.

KER. Par ce que vous apprenez au iourd'huy, sinon à estre plus chaste, au moins à estre plus sage.

BER. Elle l'entend bien.

BON. Je dy que vous ne me trouuerez plus en faute, parce que ie n'en feray plus.

La BAR. Lors que les femmes sont en trauail d'enfant elle crient iamais, iamais plus, traistre de mary, si tum'approches non ie pense que ie t'arracheray la barbe: mais la petite creature est elle dehors, elles veulent que la place soit aussi tost occupee, tant les bonnes dames ont en horreur le vuide ennemy de la Nature, voyla iustement la repentance d'une femme qui accouche, voyla les propositions qu'elle fait.

La Co. Vrayement il vous fait beau voir rire & folastrer, tandis que les autres pleurent & sont en peine, taisez, taisez vous, encore vne fois.

KER. Non seulement ie vous pardonne; mais pour vous faire plus de grace, & pour mon honneur qui court risque avec le vostre, ie supplie aussi le Seigneur Bernard de trouuer bõ que Mõsieur le Commissaire vous remette en liberté.

BON. Je vous remercie mille fois ma chere femme, & si iusques icy ie ne vous

ay ayiné comme i'y estois obligé, desormais i'en feray mieux mon deuoir.

BER. Boniface, voyez-vous ie suis bon Chrestien & en fais la profession, ie suis peintre, mais tout mon art ne s'employe qu'à donner aux yeux du monde des tableaux de deuotiõ: C'est pourquoy vous voyant ainsi penitent ie ne puis que ie ne vous pardonne, & ie prie Dieu qu'il vous soit aussi bien pardonné là haut, comme icy bas; Je me reserue seulement vne chose, parce qu'il est dit, *Je ne donneray mon honneur à personne*; qui est que si vous auez commis quelque autre mal soubz cet habit, vous vous apprestiez de m'en faire entiere reparation, & que vous le promettiez à Monsieur le Commissaire, comme à celuy qui est ministre de la Iustice, & à moy, en presence de Mademoiselle vostre femme, du Sieur Scaramure, & de tous ceux qui sont icy.

La Co. Ne le promettez-vous pas?

BON. Je le promets, & repromets, & outre cela ie iure les deux mains leuees au Ciel que ie n'ay point commis d'autre faute pour laquelle le Seigneur Bernard doiue rien apprehender, si ce n'est de l'a-

voir contrefait, de peur d'estre reconnu en entrant & sortant de la maison de Vittorie, en laquelle le Seigneur Bernard peut aller sans scandale ny soupçon, veu que c'est la sienne que Vittorie tient à louage de luy.

La Co. Et par ma foy s'il n'y a que cela, ce n'est pas grād cas. Or sus leuez vous Seigneur Boniface, & embrassez le Seigneur Bernard, soyez desormais meilleurs amis que vous n'avez esté par le passé, cherchez tous les moyens de vous servir, & de vous obliger l'un l'autre.

BER. Nous le ferons s'il se comporte comme il doit, & sur cette esperance, ie vous embrasse & accepte pour amy.

BON. Je demeureray vostre eternellement.

La BAR. Allez, soyez tous deux gentils garçons.

La Co. Que faites vous Seigneur Boniface? embrassez & baisez vostre femme.

KER. Il n'importe entre nous, la paix est desia faite.

La FON. Il la baisera au logis. Seigneur Boniface traictez bien vostre fem-

me , autrement elle & le Seigneur Bernard vous chastiront.

La Co. Or sus allez vous en tous en paix , entrez dans cette maison , parce que vous trouuerez vne sortie de l'autre costé : & vous Seigneur Boniface , vous laisserez ce que vous auez offert à mes gens , pour la peine que nous auons prise pour vous.

BON. C'est de bon cœur Monsieur.

SCAR. Allons nous en : loué soit Dieu, que i'aye si bien mis la paix entre le Seigneur Boniface , Mademoiselle Kerubine, & le Seigneur Bernard, qu'à present tous les trois ne sont qu'un.

BON. Ainsi soit-il.

KER. Monsieur Bernard ie vous supplie prenez le deuant.

BER. Je n'ay garde Madem. deuant Monsieur vostre mary.

BON. Hé de grace Monsieur sans ceremonie.

BER. Je ne feray pas la folie Monsieur, cela vous appartient.

BON. Commandez le moy donc.

BER. Hé bien Monsieur, par le pouuoir que i'ay sur vous , ie vous le commande.

BON.

BON. Je ne sçaurois faillir en vous obeïssant : l'ayme encore mieux faire vne inciuité , qu'un mauuais compliment.

BER. Et vous Mademoiselle, ne voulez-vous pas suiure Monsieur vostre mary?

KER. Montez, montez : l'ayme encore mieux estre à vostre queue qu'à la siene.

BER. Vous voulez rire Mademoiselle, mais vous vous contenterez que ie vous mene en main: Monsieur vostre mary est encore sur le degré. Allons maintenant.

LA COQ. Mon fils, attends un peu icy pour me tenir compagnie , cependant que mes gens reuiennent de là dedans.

ASCA. Tout ce qu'il vous plaira Monsieur.

SCENE XXV.

LA COQUE , ASCAGNE.

LA CO. OR que te semble de ton maistre Boniface?

P

A s c. Ce que vous en voyez.

L A C o. Ne le trouues-tu pas braue homme, sage , accort , & digne qu'on en fasse cas?

A s c. Autant qu'un autre qui luy ressembleroit.

L A C o. Et qui crois - tu qui luy ressemble?

A s c. Vn qui ne seroit pas plus sage , & qui ne vaudroit ne plus ne moins que luy.

L A C o. Veu qu'il y a plusieurs especes de folie , de laquelle penfes - tu que ton maistre soit blessé ?

A s c. On peut faire plusieurs diuisions de la folie : mais suiuant celle - cy , que des foux il y en a de bons , & d'autres méchans, ie trouue que celui - cy n'est ny bon , ny méchant.

L A C o. Pourquoi Mademoiselle Kerubine l'a-t'elle pris ?

A s c. Pour ce qu'il estoit sot.

L A C o. Te semble-t'il qu'elle ayt bien fait .

A s c. Selon le conseil de cette vieille sempiternelle de dame Ieanne, elle a plus que tres-bien fait. C'a esté elle qui luy a

conseillé, & c'est à elle que s'adressent d'ordinaire les filles de Paris, elle leur donne des chappelets, des grains benits, & les gaigne toutes par là, si elles font quelque vœu pour rencontrer quelque bon mary, c'est elle qui l'accomplit. Ma maistresse Kerubine la vint donc trouver, & luy dit : Vous ne sçavez pas dame Jeanne, on me va marier, le party qui s'offre à moy, c'est vn nommé Boniface, qui a beaucoup de moyens. Prenez-le, respondit dame Jeanne. Ouy mais c'est vn vieux penard, ce dit Kerubine, ma fille ne le prenez donc pas, repliqua la vieille. Tous mes parents me conseillent de l'espouser. Prenez-le donc, respondit-elle : mais ie n'en ay pas trop d'enuie, ce dit ma maistresse, ne le prenez donc pas, ce dit la vieille. Je sçay qu'il est fort bien allié, adioust Kerubine, prenez-le donc, respondit dame Jeanne : Mais i'ay ouy dire que c'estoit vn homme qui faisoit deux repas d'vn œuf, garde toy donc bien de le prendre, repliqua la vieille. Tout le monde l'estime vn sot, adioust Kerubine, prenez-le donc, prenez-le, prenez-le, dit plus de huit fois dame

Ieanne : il n'importe qu'il soit vieil , il n'importe qu'il soit auare , tu ne te dois pas soucier qu'il t'agrée ; Prenez-le , prenez-le , puis que c'est vn sot ; mais garde bien que ce ne soit de ces foux fantafques & bizarres. Oh ! ie sçay bien qu'il n'est pas de ceux-là , respondit Kerubine , prenez le donc , prenez - le sur ma parole , repliqua dame Ieanne : mais voycy vos gens.

S C E N E X X V I .

LA BARRE , LA FONTAINE , LA RIVIERE ,
MAMPHVRIVS , LA COQVE , ASCAGNE.

LA BA. **L**'Autre est expédié : Que ferons-nous de celuy-cy , de ce pretendu Magister ?

La Co. Pour luy il porte sa condamnation sur soy , ne voyez-vous pas qu'il est trauesty ? ne sçauéz-vous pas que ce manteau a esté derobé à l'un de vos compagnons ? ne l'auons-nous pas trouué fuyant la Iustice ?

La Fon. Ouy , mais il allegue quel-

ques excuses vray semblables.

La BAR. On ne doit pas pour cela faire difficulté de le mener en prison.

MAM. *Verum*, mais ie seray la derision de mes escoliers, & des autres, pour les accidents qui me sont suruenus.

La Co Q. Escoutez vn peu ce qu'il veut dire.

La R iv. Il faut estre Maistre Gonin pour le deuiner.

La Co. Or sus pour couper court: Maistre voyez à quoy vous aymez mieux vous resoudre, si vous voulez venir en prison, ou bien donner à la compagnie les escus qui sont restez dans vostre gibbeciere; parce qu'ainsi que vous nous avez dit, le voleur vous a seulement emporté ceux que vous en auiez tirez pour changer son or.

MAM. *Minimè*. Ie vous iure qu'il ne m'en est resté pas vn, tout m'a esté derobé, *ita mehercule, per Iouem, per Altitonantem, vos sidera testor.*

La Co. Oyez ce que ie vous dy, si vous ne voulez pas qu'on vous mene en prison, & qu'il soit vray que vous n'ayez plus d'argent, choisissez l'vn des deux,

ou de receuoir dix ferules avec cette courroye que voicy, ou d'en auoir bragues basses, cinquante coups de fouet, car cela est bien resolu que vous ne partirez point d'avec nous, sans faire penitence de vos fautes.

M A M. *Duobus propositis malis, minus est tolerandum, sicut duobus propositis bonis, melius est eligendum, dicit Peripateticorum princeps.*

A s c. Maistre parlez de façon qu'on vous entende, car ces gens-cy sont fort soupçonneux.

La B A R. Se peut-il faire que celui-cy dise du bien de nous, lors qu'il ne veut pas qu'on l'entende?

M A M. *Nil mali vobis imprecor.* Je ne vous desire point de mal.

La Co. Demandes-noustant de bien que tu voudras, tu ne seras pas exaucé.

La R i v. Choisissez promptement ce que vous aymez le mieux, autrement nous vous allons lier & mener en prison.

M A M. *Minus pudendum erit palmâ feriri, quàm si congerant in veteres flagella nates, id enim puerile est.*

La C o. Que dites-vous, que dites-vous?

M A M. Je vous presente la main.

La Co. Frappez la Riuere , frappez ferme.

La Ri. ça, Taf, vne.

M A M. Ouf, ouf.

La Ri. Ouurez bien l'autre. Taf, & deux.

M A M. Aye, aye.

La Ri. Tendez, tendez bien la main, vous dis-ie, & la tenez bien droicte. Taf, & trois.

M A M. Aye , aye , ouf , ouf , pour l'honneur de Dieu baillez-moy plustost le foüet, car ie ne sçauois plus souffrir si grand mal aux mains.

La Co. Sus donc la Barre detachez-le, vous la Fontaine, tenez-le ferme par les pieds, afin qu'il ne puisse remuer, vous la Riuere, tirez-luy les chausses bas, bas, & me le laissez estriller, & vous maistre, contez les coups vn à vn, que ie vous entende, & prenez bien garde de manquer au conte, car si vous y faillez ie recommenceray tout de nouueau, vous Ascagne, voyez & iugez.

La Fon. Tout va bien, commencez à l'espoudrer, & prenez garde de

frapper ses habits qui n'en peuvent mais.

La Co. Allons, conte. tof.

MAM. Vn; tof; deux; tof, trois; tof, tof, aye, aye, cinq.

La Co. Re commençons vne autre fois, & voyez si apres trois il faut dire cinq.

MAM. Helas ! que feray - ie , il y en auoit cinq, *in rei veritate*.

La Co. Vous les deuiez cōter l'un apres l'autre. Or fust tout de nouveau, Tof.

MAM. Vn, tof, tof, deux, trois, tof, tof, tof, tof, quatre, cinq, tof, tof, six. O pour l'honneur de Dieu, c'est assez, ie veux voir dans ma gibbeciere s'il n'y a point encore quelques escus.

La Co. Il faut raconter encore vne fois depuis le commencement, car il en a laissez beaucoup derriere qu'il n'apas contez.

La BARR. Pardonnez luy de grace Monsieur, parce qu'il ayme mieux payer le vin aux balayeurs.

La Co. Il se mocque, il n'a rien.

MAM. Si fait, si fait, *profectò*, ie me souuiens maintenant d'auoir encore plus de quatre escus.

La Co. Quoy? on vous fait donc venir la memoire comme aux petits enfans par les fesses; laissez-le, voyez vn peu ce qu'il a dans sa bourse.

La Bar. Vertu non pas de ma vie, il y a plus de sept escus.

La Co. Reprenez-le, reprenez-le vne autre fois, il faut qu'il soit puny pour auoir menty, & pour les faux sermens qu'il a faicts.

MAM. Misericorde, prenez mes escus, ma bourse, & tout ce que vous voudrez, *dimittam vobis.*

La Co. Or sus prenez donc ce qu'il vous donne, & son manteau aussi, car c'est la raison qu'on le rende à son maître. Allons nous en tous, Bon soir Ascagne.

Asc. Bon soir, bon soir Monsieur, & vostre compagnie, & prouface à vous *domine.*

SCENE XXVII.

MAMPHURIUS, ASCAGNE.

MAM. **E** *Cquis erit modus?*
 ASCA **E** O la, maistre Mamphurius,
 Mamphurius.

MAM. Qui me peut reconnoistre en
 cét habit? qui me peut distinguer sous la
 forme où ie suis? qui m'appelle par mon
 nom?

ASC. Ne vous foudriez point de cecy,
 qui vous importe peu ou point, ouurez
 seulement les yeux, & cōsiderez où vous
 estes, voyez en quel lieu vous vous estes
 trouué.

MAM. *Quò melius videam;* pour corro-
 borer la veuë, & confirmer l'acte de la fa-
 culté visive, afin que la pruëlle avec
 plus d'efficace, enuoyant par la ligne vi-
 suelle, le rayon vers l'obiet visible, vien-
 ne à en introduire l'espece dās le sens in-
 terieur, c'est à dire moyennant le sens

commun la colloquer dans la cellule de la faculté phantastique, ie veux appliquer mes lunettes: O la ! ie voy vne grande troupe de spectateurs, aurois-ie bien eu le foüet deuant tous ces gens-là?

Asc. Ne vous imaginez vous pas estre en quelque Comedie?

MAM. *Ita sanè.*

Asc. Ne croyez vous pas estre sur quelque Theatre?

MAM. *Omni præcul dubio.*

Asc. Où voudriez - vous qu'en fut la Comedie?

MAM. *In calce*, à la fin, *neque enim & ego risu ilia tendo*: car il n'y a point icy à rire pour moy.

Asc. Or faites donc que cela soit, & donnez le *Plaudite*.

MAM. *Quàm malè possum plaudere, Tentatus patientia?*

Nam plausus per me factus est

Iamdudum miserabilis,

Et natibus, & manibus,

Et aurcorum sonitu.

Asc. Donnez, dis-je, le *Plaudite*, & efforcez-vous de plauder vous

mesme, & faites le tout en braue maistre & en homme de lettres, comme vous estes, autrement ce monde reuiendra sur le Theatre à vos despens.

MAM. *Hilari efficiam animo formâ quæ sequitur.* De mesme que les Mariniers biẽ que leurs masts soient rompus & leurs voiles perduës par la force de la tempeste, ne laissent pas toutesfois d'applaudir, estant arriuez au port, iouxte la sentence Maronienne.


*Votaque semiati soluent in littore Nauta
Glaucæ & Panopææ, & Inoo Melicertæ.*

Pareillement, *Ego Mamphurius, Græcarum, Latinarum, vulgariûmque literarum non dicam regius, nec gregius, sed egregius, quod est per etymologiam è grege assumptus, professor: nec non Philosophiæ, Medicinæ, & Iuris utriusque & Theologiæ Doctor, si voluissem*, pour estre arriué au port de mes auantures calamiteuses, *posthac vota soluturus, Plaudo.* Et ie vous dis à vous autres tres nobles spectateurs (*quorum omnium ora atque oculos in me video esse coniectos*) de

mesme que pour metrouuer à la fin de mes infortunes, si ce n'est des mains, de la bourse, & des habits, *corde tamen & animo plaudo*: ainsi, & avec meilleure raison, vous qui auez esté *meliori haëtenus acti fortunâ*, & qui auez esté icyeux spectateurs de mes desastres tristes & fascheux.

Valete & Plaudite.

67 / 6



2567-200



